

মধুর-মিলন ।

গৌড়ীয়-বৈষ্ণবসভা-বিভূষণ-মহানুভব
শ্রীযুক্ত বিপিনবিহারি গোস্বামি প্রভু বিরচিত

তদীয়াদ্বজ
শ্রীযুক্ত গৌরগোবিন্দ গোস্বামি কর্তৃক
প্রকাশিত ।

২৮ নং বনমালী সরকার ষ্ট্রিট, কুমারটুলী, কলিকাতা ।

বৈষ্ণবজন-কিস্কর-রসিকানন্দবন্ধনেচ্ছু
শ্রীযুক্ত বিহারিলালরাম ভাগবতভূষণের
পূর্বস্বানুকূলে

বাণীপ্রেরিতঃ

৬৩ নং নিমতলাঘাট ষ্ট্রিট, কলিকাতা
শ্রীমহেন্দ্রনাথ দে দাস দ্বারা মুদ্রিত
শকাব্দঃ ১৮২৮ ।

মূল্য ১/ এক টাকা । • ভিঃ পিঃ ব্যঙ্গ স্বত্ব ।

মধুর-মিলন ।

গৌড়ীয়-বৈষ্ণবসভা-বিভূষণ-মহানুভব
শ্রীযুক্ত বিপিনবিহারি গোস্বামি প্রভু বিরচিত

তদীয়ান্নজ

শ্রীযুক্ত গৌরগোবিন্দ গোস্বামি কর্তৃক
প্রকাশিত ।

২৮ নং বনমালী সরকার ষ্ট্রীট, কুমারটুলী, কলিকাতা ।

বৈষ্ণবজন কিঙ্কর-রসিকানন্দবর্দ্ধনেচ্ছ
শ্রীযুক্ত বিহারিলালরাম ভাগবতভূষণের
পূর্বানুকূল্যে ।

বাণীপ্রেস ;

৬৩ নং নিমতলাঘাট ষ্ট্রীট, কলিকাতা ।

শ্রীমহেন্দ্রনাথ দে দাস দ্বারা মুদ্রিত ।

শকাব্দঃ ১৮২৮ ।

মূল্য ১/ এক টাকা । ভিঃ পিঃ ব্যায় স্বতন্ত্র ।

উৎসর্গ পত্র ।



শ্রীশ্রীকৃষ্ণচৈতন্য-চরণানুবর্তী

রসিক-বৈষ্ণবগণের

করকমলে

প্রস্থকার কর্তৃক সাদরে

এই প্রস্থ

উৎসর্গীকৃত

হইল ।

বিজ্ঞাপন ।

গৌড়ীয় বৈষ্ণবসভা-বিভূষণ মহানুভব-পণ্ডিত শ্রীযুক্ত বিপিন
বিহারি গোস্বামি পিতৃদেব প্রভুপাদ বিরচিত “মধুর-মিলন”
কাব্য প্রকাশিত হইল। এই কাব্য মধুরোজ্জলরসাকৃষ্ট চিত্ত রসিক
ভক্তগণের “স্বরণমঙ্গল” এবং জীবন-স্বরূপ। শৃঙ্গার-রস-পিপাসু
সুবিজ্ঞ-কাব্যপ্রিয় ব্যক্তি সকলের পরমাদরের ধন। বঙ্গীয় সাহিত্য
এবং দার্শনিক জগতে অমূল্য রত্ন। হে মধুরোজ্জলরস পিপাসু
রসিক ভক্তগণ! “মধুর-মিলন” পাঠে আপনাদের পিপাসা শান্তি
হইল কি না? যদি শান্তি না হইয়া থাকে, তবে শ্রীভরতাদির শরণ
গ্রহণ করুন। সামান্য নায়ক-নায়িকা সম্মিলনে যে শৃঙ্গাররস,
তাহাকে মধুরোজ্জলরস বলা যায় না; এবং সেই জঘন্য রসপানে
মধুরোজ্জলরস পিপাসাও শান্তি হয় না। সেইজন্য সংস্কৃত ও বঙ্গ
কবিকুল প্রিয়-পিতৃদেব প্রভু অপ্ৰাকৃত নায়ক-নায়িকা সংযোগে হুব
আশ্চর্য্যময় পরম পবিত্র শৃঙ্গার রস দ্বারা আপনাদের পিপাসা
শান্তি করিবার প্রয়াস পাইয়াছেন। জড়ীয় শৃঙ্গার রসে নধুরতা
কি উজ্জলতা গুণ আভাস মাত্র। বরং উহা জড় সংশ্লিষ্ট প্রযুক্ত
অতিশয় নিন্দনীয়। উহা দ্বারা মধুরোজ্জলরস পিপাসা কোন-
ক্রমেই শান্তি হয় না। যদি কাহার মধুরোজ্জল রস পিপাসা
শান্তি করিবার বাসনা থাকে, তবে তিনি “মধুর-মিলন” পাঠ
করুন। সামান্য নায়ক-নায়িকা সম্বন্ধিত শৃঙ্গার রসাবাদনের
সুখ হৃদয় হইতে একবারে পরিত্যাগ করুন। মহাত্মাগণ
দেবাৎ যদি সামান্য নায়ক-নায়িকা সংযোগ জনিত শৃঙ্গাররস

স্বরণ করেন, তাহা হইলে তৎক্ষণাৎ মুখ বন্ধ করিয়া পুনঃ পুনঃ
ফুৎকার নিষ্ক্ষেপ করেন।

হে রসিক ভক্তগণ! ভক্তপ্রবর বিদগ্ধ চুড়ামণি বঙ্গভাষার আদি
কবি শ্রীচণ্ডিদাস ঠাকুরের “বিদেশিনী, বেদেনী, নাপিতিনী” প্রভৃতি
এবং ভক্তগণাগ্রগণ্য মহানুভব শ্রীঘনশ্যাম বা নরহরি দাসের
“মালিনী” নয়নপথে পতিত হইলে, পরিচয় লইয়া চিনিতে হয়।
মধুর-মিলনের “গোয়ালিনী” প্রভৃতিকে দেখিবামাত্রই চিনিতে
পারা যায়। যদিও পিতৃদেব চণ্ডিদাস প্রভৃতি ভক্ত কবিদিগের
চরণানুসরণ পূর্বক “মধুর-মিলন” রচনা করিয়াছেন; কিন্তু তাঁহাদের
স্বরণ প্রভাবে মধুর-মিলনের “গোয়ালিনী” প্রভৃতি নানাসাজে,
নানাভাব-ভঙ্গীতে আপনাদের নয়নপথে দাঁড়াইয়াছেন। আপনারা
শরম প্রীতিভাবে “গোয়ালিনী” প্রভৃতির সহিত আত্মপরিচয়
করিয়া প্রেমসাগরে নিমগ্ন হউন। ঐ সাগরের আশ্চর্য্যশুণ!
উহাতে নিমগ্ন হইলে হাঁপাইয়া মরিতে হয় না—“ধড়্ ফড়্
ছট্ ফট্”ও করিতে হয় না। জড়ীয় প্রেমসাগরে ডুবিলে হাঁপাইয়া,
“ছট্ফট্” করিয়া প্রাণবিয়োগ হয়। সেইজন্য মহাত্মা সকল জড়ীয়
প্রেমসাগরের কাছেও বান না। অধিকন্তু তাহার স্বরণ হইলে
স্নগা সহকারে বার বার নিষ্ঠিবন (থু থু) ফেলিয়া থাকেন।
হে রসিক ভক্তগণ! আপনারা যে প্রেমসাগরে ডুবিতে চান,
সেই প্রেমসাগর এই “মধুর-মিলন”। আপনাদের মধ্যে কেহ কেহ
ব্রজ-গোয়ালিনী প্রভৃতির প্রেমসাগরে বড় একটা প্রীতি করিতে
চান না। পিতৃদেব প্রভু তাঁহাদের প্রীতির জন্য নদীয়া “গোয়া-
লিনী” প্রভৃতিকে মধুর-মিলনে আনিয়াছেন। নদীয়া গোয়ালিনী
প্রভৃতিরও “ভাব-ভঙ্গী—ঠমক্-ঠামক্” ব্রজ-“গোয়ালিনী” প্রভৃতি

আপেক্ষা বড় ন্যূন দেখা যায় না। এখন আপনাদের দৃষ্টির উপর সমস্তই নির্ভর।

পরিশেষে ব্যক্তব্য এই যে, কলিকাতা ৬৮১ নং কেথিড্রাল মিসন্‌লেন নিবাসী বৈষ্ণবজন-কিষ্কর-বদান্যবর-অপ্রাকৃতোজ্জ্বলরস পিপাসু শ্রীযুক্ত বিহারিলাল রাম ভাগবতভূষণ নিঃস্বার্থ দাতব্যের পূর্বানুকূল্যোদ্যমই “মধুর-মিলন” প্রকাশের মূল। পাবনা জেলার অন্তর্গত দেলুয়া গ্রাম নিবাসী বিখ্যাত প্রামাণিক-বংশ-তিলক সাধুহৃদয় শ্রীযুক্ত বরদাচরণ প্রামাণিক গুণগ্রাহীবর “মধুর-মিলন” মুদ্রাঙ্কণ সম্বন্ধে সনয়ে সনয়ে যথেষ্ট সাহায্য করিয়াছেন এবং বাণীপ্রেসের অধ্যক্ষ পবিত্রাত্মা-স্বধর্মপরায়ণ-স্নেহভাজন শ্রীযুক্ত যোগেন্দ্রমাথ দে গ্রন্থের প্রকৃৎ শোধন সম্বন্ধে যথেষ্ট পরিশ্রম স্বীকার পূর্বক আমাকে বাধিত করিয়াছেন। এক্ষণে শ্রীশ্রীভগবানের নিকট প্রার্থনা এই যে, উল্লিখিত সদাশয়ত্রয় দীর্ঘজীবন লাভ করিয়া বৈষ্ণব জগতের আশীর্ভাজন হউন। অমমতি পন্নবিত্তেণ।

শকাব্দঃ ১৮২৮।
শ্রীচৈতন্যাব্দঃ ৪২১।২২
আষাঢ় মাস।

শ্রীললিতারঞ্জন গোস্বামী।
নিবাস শ্রীপাট বাঘনাপাড়া।
অবস্থিতি—২৮ নং বনমালী সরকার
স্ট্রীট, কুমারটুলী, কলিকাতা।

সূচীপত্র ।

বিষয় ।	পৃষ্ঠা ।
গ্রন্থকারশ্চ নমস্কারঃ	১
জ্যোতি	৬
বন্দনা	২
মধুর-মিলনাশ্রয় বন্দনা	৪
মুক্তি-প্রমাণোক্তি	৫
কাল নিরূপণ	৭
প্রতি মুহূর্ত মিলন	৮
গ্রন্থ প্রশংসা	১০
শ্রীগোয়ালিনী-মিলন	৬
শ্রীবনদেবী-মিলন	১৫
শ্রীবেদিনী-মিলন	২২
শ্রীদৈবজ্ঞা-মিলন	৩১
শ্রীনড়িনী-মিলন	৪০
শ্রীমালবী-মিলন	৫১
শ্রীবৈষ্ণবী-মিলন	৬৫
শ্রীবিদেশিনী-মিলন	৮১
শ্রীযোগিনী-মিলন	৯৭
শ্রীভৈরবী-মিলন	১১২
শ্রীরঞ্জিকা-মিলন	১৩০

বিষয় ।	পৃষ্ঠা ।
শ্রীনাথিঠিনী-মিলন	১৪২
শ্রীনটিনী-মিলন	১৫৬
শ্রীবেণেনী-মিলন	১৭০
শ্রীচিত্রকরী-মিলন	১৮৯
শ্রীপর্ণবিক্রয়িনী-মিলন	২০৪
শ্রীমালিনী-মিলন	২১৭
ফলশ্রুতি	২৪১
গ্রন্থোত্তমস্ব	২৪২
আত্মপরিচয়	২৪৩
মধুরমিলনাপর্ণ	২৪৮
স্নিগ্ধভক্ত-শিষ্যাতির প্রতি... ..	ঐ
শ্রীমৎ প্রভু বংশীবদনাস্বরগণ প্রতি	২৫২
শ্রীবংশীবদনপোত্র শ্রীমৎ প্রভু রামচন্দ্র গোস্বামির শাখানুশাখা প্রতি	২৫৩
ভক্তগণ প্রতি	ঐ
পরলোকগত মৎপূজনীয়গণ এবং ভক্তদ্বয় প্রতি	২৫৪
মৎস্নেহাস্পদাগণ প্রতি	২৫৬
শ্রীবাখ্যারীচরণে নিবেদন	২৫৭
লেখনীর প্রতি... ..	ঐ
মস্যাদার প্রতি	২৫৮
লেখ্যপত্র প্রতি	২৫৯
মম জীবনের প্রতি	ঐ
মমাক্ষেপোক্তি	২৬০
আমঙ্গি বিদায়	২৬১
মম জীবনের শেষ ব্রত	২৬২

শ্রীশ্রীবলদেবকৃষ্ণাভ্যাম্ নমঃ ॥

মধুর মিলন ।

গ্রন্থকারস্য নমস্কারাঃ ।

কৃপাসিক্তং গুরুং বন্দে শুচিমূর্তিঃ শুচিপ্রিয়ম্ ।
সচ্ছিব্যবৎসলং দেবং কৃষ্ণাভিন্নকলেবরম্ ॥ ১ ॥
শ্রীমদ্ভৃন্দাবনাধীশো বল্লবীকুলবল্লভো ।
কুলাধিদৈবভৌ মেহপি রামকৃষ্ণৌ ভজাম্যহম্ ॥ ২ ॥
বৃষাকটমুমাকাস্তং সোমমীশং সদাশিবম্ ।
হরিনামরসোন্নতং নোমি গোপীশ্বরং হরম্ ॥ ৩ ॥
শ্রীমদ্বিশ্বন্তরৌ বন্দে নিত্যানন্দৌ জনপ্রিয়ৌ ।
ভক্তাবতারকাবীশৌ নামপ্রেমপ্রদায়কৌ ॥ ৪ ॥
শ্রীবংশীবদনং নোমি শ্রীবংশীবদনপ্রিয়ম্ ।
যস্য করাধুজে ভক্তিং দত্তা গৌরো ভুবং জহৌ ॥ ৫ ॥
নিন্দাদিদোষহীনঞ্চ নার্যার্থবিমুখং সদা ।
জগৎপূতকরং শুদ্ধং প্রণমামি হরিপ্রিয়ম্ ॥ ৬ ॥
জননীজনকৌ বন্দে ধরণীধরগীধরৌ ।
সন্তানবৎসলৌ পূজ্যৌ সন্তানকুশলার্থিনৌ ॥ ৭ ॥

জয়োক্তি ।

জয় জয় মন্ত্রগুরু শুচিপ্রিয়বর ।

শুচিরসমূর্তি কৃষ্ণাভিন্নানন্দাস্তর ॥

জয় রে জয় রে জয় “মধুর-মিলন ।”
 রসিক ভকতে নিত্য করেন স্মাদন ॥
 জয় রে জয় রে জয় কিশোরী-কিশোর ।
 “মধুর-মিলন” রসপানেতে বিভোর ॥ ১ ॥

বন্দনা ।

কুলাধিদেবতা বন্দ কৃষ্ণ-বলরাম ।
 শ্রীরাধা-রেবতী সঙ্গে শোভা অনুপাম ॥
 শ্রীপ্রাণবল্লভ বন্দ যুড়ি দুই কর ।
 বংশীর জীবন, বংশীবদন সুন্দর ॥
 শ্রীরাধাবল্লভ বন্দ রাধাকান্তপুরে ।
 যাঁহার মাধুর্য্যে মুগ্ধ দেব-ভক্তসুরে ॥
 শ্রীরাধা-মুরলীধর বন্দ বৃন্দাবনে ।
 যাঁর রূপ হেরি মুগ্ধ দেব-দেবী গণে ॥
 শ্রীগোকুল চন্দ্র বন্দ দশে তৃণ ধরি ।
 শ্রীরাধাবল্লভ বন্দ ধরণীতে পড়ি ॥
 জয় জয় শিক্ষাগুরু মহাস্ত স্বরূপ ।
 সর্ব-সুখপ্রদ প্রভু সর্ব-রসভূপ ॥
 জয় সোম-সোমমৌলী দেব গোপীশ্বর ।
 মম কুল শিক্ষাচার্য্য,—বৈষ্ণব প্রবর ॥
 জননী-জনক বন্দ যুড়ি দুই কর ।
 সন্তান বৎসল,—স্নেহ পরিপূর্ণাস্তর ॥

জয় জয় মহাপ্রভু শ্রীগৌর-সুন্দর ।
 ভক্তচিত্ত বিনোদন ভাবুক-প্রবর ॥
 জয় জয় গদাধর পণ্ডিত গোসাঁই ।
 গৌর প্রেমাধার বলি যাঁহার বড়াই ॥
 জয় জয় নিত্যানন্দ প্রয়োজন সার ।
 দীন-হীন প্রতি যাঁর করুণা অপার ॥
 জয় জয়াদ্বৈতাদ্বৈতবাদ বিখণ্ডন ।
 গৌরভক্ত শিরোমণি বৈষ্ণবরঞ্জন ॥
 জয় জয় সর্বাকর্ষী শ্রীবংশীবদন ।
 গৌরাঙ্গের প্রিয়োত্তম ভুসুর ভূষণ ॥
 শ্রীবাস পণ্ডিত জয় ভক্ত অগ্রগণ্য ।
 বাঁহার সর্বস্বধন শ্রীকৃষ্ণ চৈতন্য ॥
 জয় শ্রীস্বরূপ, রূপ, জয় সনাতন ।
 জয় শ্রীগোপাল ভট্ট ভক্তি প্রকাশন ॥
 জয় সুর শিরোমণি জীব-রসপুর ।
 জয় ভট্ট রঘুনাথ ভক্তি-প্রেমাতুর ॥
 জয় রঘুনাথ দাস ভক্ত নিক্ষিপ্তন ।
 জয় কবি কৃষ্ণদাস, জয় বৃন্দাবন ॥
 জয় ভক্ত বীরভদ্র নিত্যানন্দ সুত ।
 বেদধর্ম্মরতারত সাক্ষাদবধূত ॥
 জয় রামচন্দ্র দেব ভক্তি-রসবীর ।
 শ্রীশচী-নন্দন জয় প্রেম কলাধীর ॥

শ্রীরাজবল্লভ জয়, শ্রীবল্লভ জয় ।
 জয় শ্রীকেশব চন্দ্র প্রেমানন্দময় ॥
 জয় শ্রীগোপলকৃষ্ণ সিদ্ধি গণাধিত ;
 জয় হরি নারায়ণ ভক্তি বিভূষিত ॥
 যাঁর ভক্তিমতী পত্নী যম-পুণ্যাখ্যান ।
 পুঙ্কর্ণী প্রতিষ্ঠা করি বিপ্রে করে দান
 জয় গদাধর দেব গদাধর প্রায় ।
 জয় প্রেমলাল প্রেম যাঁহার হিয়ায় ॥
 জয় বনমালী বনমালীগত প্রাণ ।
 জয় দীননাথ দীনজনের নিধান ॥
 জয় জয় গৌরাজের অনুচরগণ ।
 যাঁদের কৃপায় হয় বাসনা পূরণ ॥ ২ ॥

মধুর মিলনাশ্রয় বন্দনা ।

জয় পদ্মাপ্রিয় জয়দেব মহাশয় ।
 জয় লক্ষ্মীপ্রিয় বিদ্যাপতি মহোদয় ॥
 জয় চিন্তামণি প্রিয় শ্রীবিশ্বমঙ্গল ।
 জয় চণ্ডিদাস রামী প্রণয় বিশ্বল ॥
 জয় ব্রজাঙ্গনা প্রাণ শ্রীবংশীবদন ।
 জয় রামচন্দ্র, জয় শ্রীশচীনন্দন ॥
 জয় রামানন্দ রায়, জয় কৃষ্ণদাস ।
 জয় প্রেমানন্দ দাস, জয় শ্রীনিবাস ॥

এ সব রসিক পদ করিয়া শরণ ।
মনের আনন্দে গাই “মধুর মিলন ॥” •
কোন ভক্তৈষণা-প্রশ্ন পূরণ কারণ ।
যথা জ্ঞান গাই মুখিঃ “মধুর মিলন ॥” ৩ ॥

• যুক্তি-প্রমাণোক্তি ।

সর্ব মূল্যায় কৃষ্ণ-সরব কারণ ।
সর্বশক্তি পরিপূর্ণ-সর্ব বিমোহন ॥
বহু-রূপধারী-হরি-শ্রীনন্দ-নন্দন ।
শ্রীযশোদাস্তনকয় শ্যামল বরণ ॥
সর্ব-রসপয়োনিধি সরব রঞ্জন ।
নারী-মনোহারী-বংশী কুজিত বদন ॥
বিদগ্ধ-বিলাসীরাজ মন্মথ মথন ।
নিত্যলীলাময় তনু সর্ব বিনোদন ॥
যখন যে ভাবে লীলা করে শ্যামরায় ।
সেই সব লীলা নিত্য ঋষিগণ গায় ॥
রূপানন্ত, জনানন্ত, ধামানন্ত বঁার ।
লীলানন্ত অসম্ভব নাহি হয় তাঁর ॥
“ধামানন্তেত্যাদি” বাক্য দ্বারা শাস্ত্র কয় । :
কৃষ্ণের সকল লীলা নিত্য সুনিশ্চয় ॥
“জন্ম-কর্মেত্যাদি” বাক্যে স্বয়ং ভগবান ।
স্বকর্মের নিত্যত্বাদিসবারে জানান ॥

তথাহি শ্রীগোপালোপনিষদি ।

একো বশী সৰ্ব্বগঃ কৃষ্ণ ঈড্য,

একোহপি সন্ বহুধা যোহবভাতি ।

তং পীঠস্থং যে তু যজন্তি ধীরা-

স্তেষাং স্মৃৎ শাস্বতং নেতরেষাম্ ॥ ১ ॥

স্বতৌ চ ।

জন্ম কৰ্ম্ম চ মে দিব্যমেবং যো বেত্তি তত্ত্বতঃ ।

ত্যক্ত্বা দেহং পুনর্জন্ম নৈতি মামেতি সোহর্জুন ॥ ২ ॥

রূপানন্ত্যাজ্জনানন্ত্যাক্ৰামানন্ত্যাচ্চ কৰ্ম্ম তং ।

নিত্যং শ্রান্তদভেদাচ্ছেত্বাদিতং তত্ত্ববিত্তমৈঃ ॥ ৩ ॥

শ্রীভরত, চন্দ্রালোক, উজ্জ্বল প্রমাণে ।

চণ্ডিদাস, গোবিন্দাদি বিরচিত গানে ॥

নায়ক নায়িকা সাজে নায়িকার পাশ ।

গমন করেন,—এই আছয়ে প্রকাশ ॥

ইহাতে সংশয় কেহ না করিহ মনে ।

সংশয় হইলে সেথা দেখিবে নয়নে ॥

স্ববুদ্ধি কল্লিত নহে “মধুর মিলন ।”

প্রমাণোপলক্ষণেতে করিব কীর্তন ॥

অপ্রাকৃত রসসুখ ভকত সবার ।

“মধুর মিলন” শ্রবণেতে অধিকার ॥

প্রাকৃত রসিকে ইহা করিলে শ্রবণ ।

নিশ্চয় নিশ্চয় তার হইবে পতন ॥

অথবাত্মকামীজন ইহার শ্রবণে ।

আত্মকাম পরিহার করিবে তৎক্ষণে ॥ ৪ ॥

কাল নিরূপণ

কালরূপ ভগবানে করি নমস্কার ।

নিত্য আসে যায় কাল ইচ্ছায় যাঁহার ॥

সূর্য্যের উদয়াবধি অস্তকাল যেই ।

দিনমান বলি গণ্য জানিবেক সেই ॥

সূর্য্যোদয়-অস্তকাল ত্রিংশদগু হয় ।

দিনমান সেই কাল कहিনু নিশ্চয় ॥

দুই দগু কাল যেই মুহূর্ত্তাখ্যা তার ।

পঞ্চদশ মুহূর্ত্তেতে দিবস বিচার ॥

দিনমান ন্যূনাধিক যেই কালে হয় ।

মুহূর্ত্তের ন্যূনাধিক হয় সে সময় ॥

বিংশ কলাত্মক কালে মুহূর্ত্ত জানিবে ।

তৃতীয় মুহূর্ত্তাধিকে প্রহর মানিবে ॥

পঞ্চকলাধিক সেই কালের নিশ্চয় ।

ত্রিংশকাষ্ঠা কলা কাল জ্যোতিষেতে কর ॥

চতুর্থ প্রহরে দিবা সামান্যতঃ হয় ।

আদ্যন্তে মুহূর্ত্ত চারি দিন গণ্য নয় ॥

ইহার বিচার এথা নাহি প্রয়োজন ।

কলার বিচার कहি করহ শ্রবণ ॥

- পঞ্চদশাঙ্কিনিমিষে এক কাষ্ঠা হয় ।
 • ত্রিংশকাষ্ঠা কালে এক কলার নির্ণয় ॥
 সংক্ষেপে কহিনু এই কলার বিচার ।
 বৃন্দাবনে সর্বকাল পূর্ণ কালাকার ॥
 কালের আধিক্য-নূন কাল-বৃন্দাবনে ।
 ত্রিকালে নাহিক হয় কন ঋষিগণে ॥
 কৃষ্ণেচ্ছায় সর্ব কাল পূর্ণভাবে তথা ।
 বিরাজ করেন, কহি শাস্ত্রবাক্য যথা ॥
 কালগতি বিক্রমাদি বৃন্দাবনে নাই ।
 যথা তথা এই কথা শুনিবারে পাই ॥ ৫ ॥

প্রতিমূর্ত্ত মিলন ।

- প্রথম মুহূর্ত্তে শ্যাম সাজি “গোয়ালিনী ।”
 জটিল ভবনে যান যথা বিনোদিনী ॥
 দ্বিতীয় মুহূর্ত্তে “বনদেবী” সাজে শ্যাম ।
 আয়ান আবাসে যান পূরাইতে কাম ॥
 তৃতীয় মুহূর্ত্তে কৃষ্ণ “বেদিনী” সাজিয়া ।
 রাধার ভবনে যান স্বরসে রসিয়া ॥
 “দৈবজ্ঞা” সাজিয়া কভু করেন গমন ।
 গুরুমুখে এই কথা করিনু শ্রবণ ॥
 চতুর্থ মুহূর্ত্তকালে সুনাগর বর ।
 “নড়িনী” সাজিয়া যান জটিলার ঘর ॥

পঞ্চম-মুহূর্তে শ্যাম “মালবী” সাজিয়া ।
 জটিল। আলয়ে যান রাধার লাগিয়া ॥ *
 “বৈষ্ণবী” সাজিয়া কৃষ্ণ ষষ্ঠ-মুহূর্তেতে ।
 আয়ান পুরীতে যান রস উল্লাসেতে ॥
 সপ্তম-মুহূর্ত কালে “বিদেশিনী” সাজে ।
 রাধার ভবনে যান শ্যাম-রসরাজে ॥
 অষ্টম-মুহূর্ত কালে সাজিয়া “যোগিনী ।”
 ত্বরা করি যান কৃষ্ণ যথা বিনোদিনী ॥
 নবম-মুহূর্তে শ্যাম “ভৈরবী” সাজিয়া ।
 রাই মিলিবারে যান মদনে মাতিয়া ॥
 দশম-মুহূর্ত কালে “রঞ্জিকার” বেশে ।
 রাধার অঙ্গনে যান ভাবাবেশাশ্লেষে ॥
 “নাপিতিনী” সাজে একাদশ মুহূর্তেতে ।
 রাই লাগি যান শ্যাম জটিল। গৃহেতে ॥
 দ্বাদশ মুহূর্তে শ্যাম সাজিয়া “নটিনী” ।
 আয়ান আবাসে যান যথা কমলিনী ॥
 ত্রয়োদশ মুহূর্তেতে “বেণেনী” সাজিয়া ।
 রাই পাশ যান কৃষ্ণ মন্মথে মাতিয়া ॥
 চতুর্দশ মুহূর্তেতে “চিত্রকরী” আর ।
 “পর্ণবিক্রয়িনী” বেশে শ্যাম-গুণাধার ॥
 মৃদু-মৃদু হাসি যান জটিল। অঙ্গনে ।
 যথা চন্দ্রাননী রাই সখীগণ সনে ॥

পঞ্চদশ মুহূর্ত্তে “মালিনী” সাজিয়া ।
 • রাই মিলিবারে শ্যাম বায়েন হাসিয়া ॥
 পঞ্চদশ মুহূর্ত্তে নায়িকা সজ্জায় ।
 রাই সঙ্গে মিলে কৃষ্ণ আনন্দ হিয়ায় ॥
 পঞ্চদশে সপ্তদশ সন্মিলন যেই ।
 “মধুর মিলন” সেই कहিলাম এই ॥ ৬ ॥

গ্রন্থ প্রশংসা ।

শৃঙ্গার রসের সার মধুর মিলন ।
 মোক্ষাবধি পিয় নিত্য সুরসিকজন ॥

গ্রন্থকারস্যবচনং ।

শৃঙ্গাররসসারঞ্চ গ্রন্থং মধুরসঙ্গমন্ ।
 পিবতু পিবতু নিত্যমালয়ং রসিকো জনঃ ॥ ১ ॥

শ্রীগোয়ালিনী মিলন ।

তদুচিত শ্রীগৌরচন্দ্রঃ ।

গ্রন্থকারস্ত নমস্কারঃ ।

গোয়ালিনীং সমালোক্য যো দেবঃ ক্লেশমবতুং ।
 তং শচীনন্দনং গৌরং বন্দেহং নাগরীপ্রিয়ম্ ॥ ১ ॥

:

রাগঃ ।

জয় নবদীপ সুধাকর ।

মৈত্রকৃত্য সারি, নদীয়া বিহারি,
 শচীসুত বিশ্বস্তর ॥ ধ্রুঃ ॥

সরণির পাশে, মনের উল্লাসে,
প্রিয়সখা গণ সনে ।

হসিত বদনে, শ্রীদম্ব ধাবনে,
করে কৃষ্ণ আলাপনে ॥

এ হেন সময়ে, দুঃখকুস্ত লয়ে,
শ্যামা গোয়ালিনী যায় ।

তাহারে হেরিয়া, নিশ্বাস ছাড়িয়া,
কহয়ে গৌরাজ রায় ॥

গোয়ালিনী সাজ, সাজি রসরাজ,
রাই মিলিবার আসে ।

মধুর হাসিয়া, ঠমকে চাহিয়া,
যান জটিলার বাসে ॥

মরি কি মাধুরী, শ্যামের চাতুরী,
দেখ দেখ আঁখি ভরি ।

শ্যামরসান্বেষে, ভাবের আবেশে,
ইহা কহি গৌরহরি ॥

কর্ণেক হাসয়ে, কর্ণেক কঁদয়ে,
কর্ণেক হুঙ্কার করে ।

বিপিন বিহারি, সে ভাব নেহারি,
ভাবয়ে ভাবের ভরে ॥ ১ ॥

গ্রহকারন্ত দণ্ডবনতিঃ ।

গোয়ালিনীরূপং ধৃত্বা যো গচ্ছেদাধিকালম্ ।

তং ব্রজেদ্রস্তুতং দেবং শ্রীকৃষ্ণং সমুপাস্তহে ॥ ১ ॥

চিত্র রাগ ।

শ্রীরাধা-মাধব যুগল বিলাস ।

সদা নব নব ভাবেতে প্রকাশ ॥ ৫ঃ ॥

গোয়ালিনী সাজে শ্যাম-নটবর ।

রাই সঙ্গে মিলে জটিলার ঘর ॥

দুঃখকুস্ত কঁাকে তীব্র গতি ধায় ।

মুছ-মুছ হাসি চারিদিকে চায় ॥

নানা রঙ্গে করে নয়ন চালন ।

ডাকিলে নাহিক বলয়ে বচন ॥

গরবে ভূমিতে পা নাহি পড়য় ।

নটী-গোয়ালিনী স্বভাব এ হয় ॥

নগদ দুগধ চাহিলে বলয় ।

দুগধ না করি নগদ বিক্রয় ॥

আমার দুগধ পিয়ে যেই জন ।

মাসান্তে মিটায়ে দেয় যত পণ ॥

আমি নহি ভাই ! গোয়ালিনী “যে-সে

মোর সঙ্গে কথা কহে বল বা কে ॥

: হেন মতে কত করি ঠার-ঠোর ।

পথেতে চলেন শ্যাম মনচোর ॥

মুহূর্ত্তেক মধ্যে জটিল অঙ্গনে ।

: দুঃখকুস্ত কঁাকে দিলা দরশনে ॥

নব-গোয়ালিনী হেরিয়া নয়নে ।
 জটিল। কহয়ে মধুর বচনে ॥
 ওগো গোয়ালিনি ! কোথা তব ঘর ।
 গোয়ালিনী কহে গোকুল নগর ॥
 জটিল। কহয়ে দুগধ লইয়া ।
 মোর ঘরে এবে কি মনে করিয়া ॥
 গোয়ালিনী কহে বোহিন আমার :
 দুধের যোগান করয়ে তোমার ॥
 জটিল। কহয়ে বিহান-বেলায় ।
 কি লাগি আনিলে দুগধ এথায় ॥
 বেলার লাগিয়া বোহিনে তোমার ।
 কত রূপে করিয়াছি তিরস্কার ॥
 গোয়ালিনী কহে নবীন বাছুরী ।
 ভোরে দোহী তেঞি,—না করি চাতুরী ॥
 বাসি দুধ মুঞি কভু নাহি রাখি ।
 ঝুঁট নাহি কহি,—দিননাথ সাথী ॥
 বাসি-সাজে বুঝে করি আবর্তনে ।
 সন্দেহ কেন বা করিতেছ মনে ॥
 অলপাবর্তনে মিঠা ক্ষীর হয় ।
 আদরে আমার দুধ সবে লয় ॥
 আমার দুধেতে নাশয়ে ত্রিদোষ ।
 পানেতে সবার হৃদয় সন্তোষ ॥

জটীলা কহয়ে কি নাম তোমার ।
 জানিতে বাসনা হঞাছে আমার ॥
 গোয়ালিনী কহে “শ্যামা” মোর নাম ।
 কাঁট দুখ লহ ?—যাব অন্য ঠাম ॥
 জটীলা কহয়ে বধূর ভবনে ।
 দুখ লঞা তুমি করহ গমনে ॥
 গোয়ালিনী কহে বধূর ভবন ।
 কোন্ দিকে তাহা দেখাও এখন ॥
 জটীলা কহয়ে পূরবে যাইবে ।
 বধূর ভবন তবে সে পাইবে ॥
 গোয়ালিনী ভাবে জটীলা-কৃপায় ।
 অবাধে দেখিব জীবন রাধায় ॥
 তবে গোয়ালিনী হাসিতে হাসিতে ।
 রাধার অঙ্গনে হৈলা উপনীতে ॥
 দূরে হোতে হেরি রাধার বদনে ।
 সিহরিয়া কুন্ত ভাঙ্গিলা অঙ্গনে ॥
 তাহা দেখি কহে সুবদনী রাই ।
 আহা ! আহা বাছা ! দুঃখে মরে যাই
 এস গোয়ালিনি ! বৈস মোর কাছে ।
 দুখ গেছে তার দুঃখ কিবা আছে ॥
 গোয়ালিনী কহে মহামৃত পাশ ।
 এ সামান্য দুখ আনা উপহাস ॥

এত শুনি রাই মুচকী হাসিল ।
 গোয়ালিনী ধাঞা রাধারে ধরিল ॥
 ভাহা দেখি লাজে প্রিয় সখীগণে ।
 হরিত যাইয়া হইলা গোপনে ॥
 শ্রীমতী কহিলা একি রসরাজ ! ।
 আমার লাগিয়া গোয়ালিনী সাজ ॥
 কত সাজ প্রিয় ! পার সাজিবারে ।
 তব নাট কেবা বুঝিবারে পারে ॥
 গোয়ালিনী সাজে প্রাতর সময় ।
 রাই সনে মিলে শ্যাম রসময় ॥
 শ্রীরাধা-কৃষ্ণের রহঃ কেলী যেই ।
 সর্ব কাল জয়যুক্ত,—কহি এই ॥
 শ্রীরাধা-মাধব মধুর মিলন ।
 এ বিপিন যেন হেরে সর্বক্ষণ ॥ ১ ॥

মনের প্রতি ।

প্রথম মুহূর্তে গোয়ালিনী সন্মিলন ।
 ওরে মনঃ ! অনুদিন করহ স্মরণ ॥ ১ ॥

শ্রীবনদেবী মিলন ।

তদুচিত শ্রীগৌরচন্দ্রঃ ।

গ্রন্থকারস্য নমস্কারঃ ।

বনদেবীঃ সমালোক্য পূর্বভাবেন বিহ্বলঃ ।
 যো দেবঃ স্বপ্রিয়াগ্রে চ তুং গৌরং প্রণতোহস্মাহম্ ॥ ২ ॥

রাগঃ ।

জয় জয় শ্রীশচীনন্দন ।

শ্রীদম্ব ধাবন করি, বসি বিছালয়োপরি,
করে গোরা শাস্ত্র অধ্যাপন ॥ ধ্রুঃ ॥

চারিদিকে ছাত্রগণ, করে শাস্ত্র অধ্যয়ন,
শুনে প্রভু আনন্দিত মনে ।

হেনকালে তথা আসি, বনদেবী মৃদু হাসি,
জিজ্ঞাসেন পড়ুয়ার গণে ॥

শচীর ভবনে যাব, কোন দিকে পথ পাব,
বাপ ! সবে কহ ত্বরা করি ।

এ বোল শুনিয়া কাণে, সবে বিশ্বস্তর পানে,
তাকাইয়া বলে হরি হরি ॥

তবে কন গৌরহরি, ওগো মাতঃ ! কৃপা করি,
ঐছে দ্বারে করুন গমন ।

গৌরঙ্গ-বদন শোভা, জগজন-মনলোভা,
বনদেবী করেন দর্শন ॥

বুঝিয়া দেবীর মন, শ্রীশচী-নন্দন কন,
এথা আর নাহি প্রয়োজন ।

: মার সন্নিধানে গিয়া, বসুন দর্শন দিয়া,
তব পদে এই নিবেদন ॥

এতৃ কহি নবগোরা, পূর্বভাবে হঞা ভোরা,
ক্ষণে ক্ষণে করে ললঙ্কার ।

দীঘল নিশ্বাস ছাড়ে, কহে এই বারে বারে,
 দেখে সবে কিবা চমৎকার ॥
 বনদেবী সাজে কাণ, জটীলা মন্দিরে যান,
 রাই সঙ্গে করিতে মিলন ।
 বিপিন বিহারি দাসে, আনন্দ পাখারে ভাসে,
 করি গোরা ভাব দরশন ॥ ২ ॥

গ্রন্থকারস্য দণ্ডবনতিঃ ।

বনদেবীরূপধ্বক্ দেবো যো গচ্ছেদ্রাধিকালয়ম্ !
 তং শ্রীবৃন্দাবনাধীশং শ্রীগোবিন্দং ভজামহে ॥ ২ ॥

চিত্র রাগ ।

শ্রীরাধা-গোবিন্দ মধুর-মিলন ।
 নিতি নিতি নবভাবে প্রবর্তন ॥ ধ্রুঃ ॥
 বনদেবী সাজে রসিক-মুরারি ।
 মিলিবারে যান ভানুর বিয়ারি ॥
 গেড়ুয়া বসন কটিতে পিন্ধন ।
 বৃকেতে কাঁচুলী ওরনাচ্ছাদন ॥
 জপমালা করে অতি সুশোভন ।
 ভাবে ঢুলু ঢুলু যুগল নয়ন ॥
 কর-কণ্ঠ-কর্ণ ভূষণ মালিকা ।
 মুখে-মুছ হাসি ষোড়শী বালিকা ॥

কোটীন্দু বদন, ভালেতে চন্দন ।
 বিমুক্ত কুস্তল নয়ন-রঞ্জন ॥
 নাসায় তিলক, নয়ন চকোর ।
 পদে কত শশী নাহি তার ওর ॥
 ক্ষীণকটি-শোভা কেশরী জিনিয়া ।
 বিশাল নিতম্ব তাহাতে অমিয়া ॥
 “শঙ্করী-শঙ্করী” বলয়ে বদনে ।
 কোন দিকে নাহি চালায়ে নয়নে ॥
 বামপদ আগে ফেলিয়া নাগর ।
 গজেন্দ্র গমনে ধায় মনোহর ॥
 কভু আড়দিঠে ইতি-উতি চায় ।
 পাছু পাছু অলি সূধা লোভে ধায় ॥
 প্রবেশিয়া শ্যাম আয়ান ভবনে ।
 “তারা তারা” নাম করেন বদনে ॥
 অঙ্গনে দাড়াএণ চারিদিকে চায় ।
 জটীলা আসিয়া প্রণমিলা পায় ॥
 বনদেবী হাসি আশীষ করিলা ।
 করযোড়ে তবে কহয়ে জটীলা ॥
 বধূর গৃহেতে করিয়া গমন ।
 বধূরে আশীষ করুন এখন ॥
 এই আশীর্ব্বাদ করিবেন তায় ।
 *কভু কোন দুঃখ যেন নাহি পায় ॥

চিরকাল যেন আমার হইয়া ।
 ঘর করে বধু সকলে লইয়া ॥
 জটিল বচন শুনি কহে শ্যাম ।
 পূরণ হউক তুয়া মনস্কাম ॥
 বর্তমান কথা জটিলার পাশ ।
 ঠারে ঠারে দেবী করেন প্রকাশ ॥
 তবে ত জটিল কহয়ে দেবীরে ।
 ছরা করি যাও বধুর-মন্দিরে ॥
 নাগর কহয়ে কোন্ দিকে যাব ।
 বধুর মন্দির কিবা রূপে পাব ॥
 জটিল কহয়ে আমি যাই সনে ।
 ইহা শুনি শ্যাম ভাবে মনে মনে ॥
 জটিল-কুটিল সঙ্গ যদি যায় ।
 কিশোরী মিলনে ঘটিবেক দায় ॥
 এত ভাবি শ্যাম জটিলারে কন ।
 ভালই হইল চল গো ! এখন ॥
 দেবীরে লইয়া আনন্দে জটিল ।
 বধুর ভবনে প্রবেশ করিলা ॥
 জটিলারে হেরি বনদেবী সনে ।
 অধোমুখ রাই হইলা তখনে ॥
 জটিল কহয়ে বনদেবী পায় ।
 প্রণাম করহ যাতে দুঃখ যায় ॥

- এত শুনি রাই দেবীর চরণে ।
- প্রণাম করিয়া করেন বন্দনে ॥
কলাগুরু ছল্য করিয়া তখনে ।
জটিলারে কন মধুর বচনে ॥
তোমার নিকটে বধূটী তোমার ।
মনোভাব নাহি করিবে প্রচার ॥
শাশুড়ী-ননদী রহয়ে যথায় ।
বধূর সরম বিষম তথায় ॥
দেবীর বচন করিয়া শ্রবণ ।
জটিল্য যাইল আপন ভবন ॥
তবে বনদেবী রাধা-মুখ চাই ।
মৃদু-মৃদু হাসে করিয়া বড়াই ॥
তাহা দেখি রাই কহে সখীগণে ।
বনদেবী দেখ হাসে কি কারণে ॥
সখীগণ কহে দেবীর অন্তরে ।
কিবা ভাব তাহা কে করে গোচরে
বনদেবী কহে মনোভাব যাহা ।
এখন কি কেহ বুঝ নাই তাহা ॥
এত কহি হরি রাই কর ধরি ।
প্রবেশ করেন গৃহের ভিতরি ॥
তাহা দেখি লাজে প্রিয়সখীগণে ।
 - মুখে বস্ত্র দিয়া হইলা-গোপনে ॥

নাগরে কহেন চন্দ্রাননী রাই ।
 এমন বেভার কার শুনি নাই ॥
 কত ছলা তুমি জান হে নাগর ! ।
 কোন্ নারী তুয়া বুঝিবে অন্তর ॥
 তোমার ভাবান্ত বুঝে হেন জন ।
 কোন লোকে নাহি হয় দরশন ॥
 নাগর তখন রাধার চরণ—।
 ধারণ করিয়া করেন চুম্বন ॥
 রাই কহে একি হেরি বিপরীতি ।
 নাগর কহেন এই রীতি-নীতি ॥
 রাই কহে ইহা শিখিলা কোথায় ।
 শ্যাম কহে প্রিয়ে ! তোমার কৃপায় ॥
 তুমি যার গুরু অভাব কি তার ।
 তুয়া পাশ এই কহিলাম সার ॥
 ইহা শুনি রাই করে নিবেদনে ।
 অপরাধী যেন না হই চরণে ॥
 শ্যাম কহে প্রিয়ে ! আমি তুমি যথা ।
 অপরাধ আদি কভু নাহি তথা ॥
 আমার তোমার সেবক যাহারা ।
 পাপ-পুণ্য আদি না জানে তাহারা ॥
 এত কহি শ্যাম হলাদিনীর সঙ্গে ।
 নিধুবন ক্রীড়া আরম্ভিলা সঙ্গে ॥

হেরিয়া মদন আস্থিক আপন ।
 পাসরিয়া দূরে করে পলায়ন ॥
 মদন দরপ বিনশন যথা ।
 মনোভাবহিক নাহি ঘটে তথা ॥
 যথা নাহি রহে মন্থাথ মথন ।
 মনোভাবহিক তথা নিরূপণ ॥
 বনদেবী সাজে শ্রীরাধার সনে ।
 কৃষ্ণের মিলন যে করে স্মরণে ॥
 রসিক ভকত-সুর সেইজন ।
 এ বিপিন সেবে তাহার চরণ ॥ ২

মনের প্রতি ।

দ্বিতীয় মুহূর্তে বনদেবী সন্মিলন ।
 ওরে মনঃ ! অনুদিন করহ স্মরণ ॥ ২

শ্রীবেদিনী মিলন ।

তদুচিত শ্রীগৌরচন্দ্রঃ ।

গ্রন্থকারস্য নমস্কারঃ ।

বেদিনীরূপমালোক্য যো দেবশ্চাতিকাতরঃ ।
 পূর্বভাবমহুস্ত্য তং গৌরাঙ্গং ভজামহে ॥ ৩ ॥

রাগঃ ।

জয় গোরা নবদ্বীপ প্রাণ ।

ছাত্রগণে অগ্রে করি, বিশ্বস্তর গৌরহরি,
নানা শাস্ত্র করে শিক্ষা দান ॥ ধ্রুঃ ॥

কভু গদাধর সঙ্গে, কথা কন রস রঙ্গে,
উষারিয়া পূরবের ভাবে ।

ভকত-ভাবুক বিনে, ভাবিলেও রাত্রি দিনে,
সে ভাবের সন্ধান না পাবে ॥

হেন কালে পথ দিয়া, কৃতিবাস বেদে পিয়া,
ডাকিয়া ডাকিয়া চলি যায় ।

ছলে কহে কথা কত, ঠমক অনেক মত,
অঁখি চালি উরস দোলায় ॥

তৈল থালী লঞা করে, জড়ি কোলা স্কন্ধোপরে,
অঁকরের ছড়ি লঞা রঙ্গে ।

মুখ ভরা শুকাপান, হাসিয়া হাসিয়া যান,
পিঙ্গলা কুকুরী করি সঙ্গে ॥

বলে বাত করি ভাল, মারি দাঁত পোকা পাল,
ঝাড়ান ঝাড়ান করি আর ।

কামাখ্যার মন্ত্র পড়ি, অসাধ্য সাধন করি,
মোর পাশ জারি নাহি কার ॥

“বেঙ্গাগী” তলায় বাস, বেদে মোর “কিতিবাস”,
“বেঙ্গাগী” মায়ের চেলা হয় ।

তার দল্ল গুণ যত, একমুখে কব কত,
 চারি মুখো বেঙ্গা না পারয় ॥
 “মেলাই চণ্ডীর” যাতে, আমার বেদের সাথে,
 বাণ মন্ত্রে হারিলা সবাই ।
 মুঞি তার নারী “তারা” যে লয় আমার সারা,
 তার নাশি “আলাই-বালাই ॥”
 বিদ্যালয় হোতে গোরা, বেদিনী হেরিয়া ভোরা,
 পূর্বের ভাব ভাবি হন ।
 ছঙ্কার-গর্জ্জন করি, প্রিয় গদাধরে ধরি,
 কন এই কর দরশন ॥
 বেদিনী সাজিয়া হরি, যাইছেন আহা মরি,
 রাই আশে জটিল ভবনে ।
 ইহা কহি গৌরহরি, অচেতন ভূমে পড়ি,
 তাহা দেখি ভাবে ছাত্রগণে ॥
 ভাব দেখি গদাধর, কহে একি বিশ্বস্তর !,
 শীঘ্র ভাব করহ গোপন ।
 বিপিন বিহারি কহে, গোপনের ভাব নহে,
 ভাব করে হৃদয় দলন ॥ ৩ ॥

গ্রন্থকারস্য দণ্ডবন্দিতঃ ।

. বিধৃত্য বেদিনীকুণ্ডং যো গচ্ছেজ্জটিলালয়ম্ ।
 তং বন্দবীকুলপ্রেষ্ঠং শ্রীকৃষ্ণং সমুপাস্মহে ॥ ৩ ॥

চিত্র রাগ ।

মরি কিবা শোভা কর দরশন ।
 বেদিনী সাজল মদনমোহন ॥ ধ্রুঃ ॥
 ছাড়ি পীতধড়া,—লোহিতবরণ-!
 ঘাঘড়া পরল মনের মতন ॥
 চেলখণ্ড দিয়া কুচযুগাধারে ।
 কুচযুগ করি শৈল-শিরাকারে ॥
 চম্পক বরণ কাঁচলী যতনে ।
 বাঁধল নাগর পিয়া উদ্দীপনে ॥
 টাঁচড় কুন্তল বামে হেলাইয়া ।
 কবরী বাঁধল রাজাসূতা দিয়া ॥
 কিকীর পাখনা তাহার উপরে ।
 গুঁজিলা নাগর রাইরস ভরে ॥
 শশধরাকার রঙ্গপত্র বিন্দু ।
 বিন্দুতে পরল গোপকুল ইন্দু ॥
 বিন্দুর উপরে সীমন্তুর মাঝে ।
 সিন্দূর পরল শ্যামরস রাজে ॥
 অবণেতে ছল লোহিতবরণ—।
 পরল যতনে গোকুল-জীবন ॥
 নীল-পীত-শ্বেত বরণের চুড়ী ।
 দু-হাতে পরল কেলিকলাসূরী ॥

প্রবালের হার পরিয়া গলায় !
 রাইপদ ভাবি উঠিলা ত্বরায় ॥
 স্নগন্ধ তাম্বুলে অধর স্নলাল ।
 কবরী বেড়িয়া দিল ফুলমাল ॥
 জড়ি-বড়ী ঝোলা লঞা বাম কাঁধে ।
 অন্তরে ফুকরে দয়া কর রাধে ! ॥
 তুয়া পদ আশে প্রথম বেলায় ।
 বেদিনী সাজিনু স্মরিয়া তোমায় ॥
 তবে ত নাগর হিঙ্গুলবরণ— ।
 অনুরাগোত্তরী করল ধারণ ॥
 নিতম্ব দোলায়ে হাসিতে হাসিতে ।
 পথে যান দিক দেখিতে দেখিতে ॥
 মাঝে মাঝে হাকে স্তমধুরস্বরে ।
 মোরে জানে সব গোকুল নগরে ॥
 বাত ভাল করি দাঁতপোকা ঝারি ।
 ঘূরঘূরে নালি ঘা মল্লধারা মারি ॥
 জড়ি-বড়ী মোর অনেক আছয় ।
 যাহাতে অসাধ্য সাধন করয় ॥
 কামাখ্যা চণ্ডীর, সীতার আজ্ঞায় ।
 সব রোগ নাশি কহিনু সবায় ॥
 বশীকরণাদি মন্ত্রোষধী যত ।
 আমি সব জানি কামাখ্যা সম্মত ॥

এত বোল বলি হাসিতে হাসিতে ।
 স্বাই দ্বারে যাঞা হন উপনীতে ॥
 দ্বারেতে দাঁড়ায়ে কুহক লাগায় ।
 যে কুহক সেই মদনে মাতায় ॥
 আমার জড়িতে অবশ নাগর ।
 বশ হঞা ঘরে রহে নিরন্তর ॥
 এমনি আমার জড়ির প্রভাব ।
 ধারণেতে করে সত্তিনী অভাব ॥
 সত্তিনীর জ্বালা যাহার আছয় ।
 সে মোর জড়ির আদর করয় ॥
 মোর-কৃত বড়ী করিলে সেবন ।
 সব রোগ দূরে করে পলায়ন ॥
 আমার মস্তকের এত বল হয় ।
 প্রবাসী নাগরে ঘরেতে আনয় ॥
 আমার মস্তকের বল নাশিবারে ।
 কার সাধ্য নাই এ তিন সংসারে ॥
 বিধি-ভব আদি দেবতা সকলে ।
 সিংহরিয়া উঠে মোর মস্তকলে ॥
 আমার মস্তকে মোহিত ভুবন ।
 তাহার প্রমাণ মুনি-ঋষিগণ ॥
 বেদিনী কুহক শুনি বিনোদিনী ।
 স্বকীর্ণে কন কি কহে বেদিনী ॥

সখীগণ কহে বেদিনী আপন ।
 গুণের প্রভাব করিছে কীর্তন ॥
 রাই কন সবে তুরিত যাইয়া ।
 বেদিনীরে এথা আনহ ডাকিয়া ॥
 তবে কোন সখী দ্বারেতে যাইয়া ।
 রাই পাশ তাঁরে আনেন ডাকিয়া ॥
 বেদিনীরে হেরি কন বিনোদিনী ।
 কোথা রহ তুমি কহ গো বেদিনি ! ॥
 বেদিনী কহেন গহ্বর বনেতে— ।
 নিবাস আমার জানিহ মনেতে ॥
 সকল সময় সকলের ঠাই ।
 পরকাশ মোর কোন কালে নাই ॥
 বেদিনীর বাণী করিয়া শ্রবণে ।
 রসিকা কিশোরী কন হাস্যাননে ॥
 জড়ি-বড়ি মন্ত্র লইলে,—তোমাংরে ।
 কিবা পণ দিতে হইবে আমাংরে ॥
 বেদিনী কন ঐ যুগল চরণ ।
 পণ দিয়া মোর রাখহ জীবন ॥
 হেন কথা শুনি কন বিনোদিনী ।
 একি কথা তুমি কহিলা বেদিনি ! ॥
 কেমনে পরশ করিব তোমাংরে ।
 পরশিলে অঙ্গ হবে ধুইবারে ॥

বেদিনী কহেন ছুঁইলে আঁমায় ।
 সিনান করিতে হবে না তোঁমায় ॥
 ভুবন পবিত্রকারী যারা যারা ।
 আমার পরশ লাগিয়া তাঁহারা ॥
 ঘুরিয়া বেড়ায় কাননে কাননে ।
 তবু নাহি পায় আমার দর্শনে ॥
 বেদিনীর কথা শুনিয়া শ্রবণে !
 কহেন কিশোরী মধুর বচনে ॥
 পরশিলে ছুঁটী চরণ আমার ।
 কি লাভ হইবে বল হে ! তোঁমার ॥
 লহ ধন-কড়ি বসন-ভূষণ ।
 মিছা কেন মাগ যুগল চরণ ॥
 বেদিনী কন ঐ চরণের তরে ।
 আসিলাম মুণ্ডি গোকুল নগরে ॥
 হেন কথা যদি কহিলা বেদিনী ।
 মুচকি হাসিয়া রাই বিনোদিনী ॥
 সখীগণে কন নয়ন চালিয়া ।
 জল আন সবে কালিন্দী যাইয়া ॥
 সঙ্কেত বচন করিয়া শ্রবণ ।
 তুরিত সবাই করিলা গমন ॥
 বেদিনী তখন ধরিয়া রাখায় ।
 কহেন চিনিতে পার কি আঁমায় ॥

তোমার লাগিয়া প্রথম বেলায় ।
 বেদিনী সাজিনু আনন্দ হিয়ায় ॥
 এত কহি শ্যাম নাগরী রাধায়—।
 টানিয়া আপন কোলেতে বসায় ॥
 কুচযুগ ধরি শ্রীকর যুগলে ।
 চুম্বন করেন বদন কমলে ॥
 কাঞ্চন কমলে শ্যামল সারঙ্গ—।
 মধুপান করে করি নানা রঙ্গ ॥
 গোপতে রহিয়া হেরি সে বিলাস ।
 সখীগণ কহে পাইয়া তরাস ॥
 কি করে নাগর প্রথম বেলায় ।
 যদি কেহ ইহা দেখিবারে পায় ॥
 তবে ত ঘটিবে ভয়ানক দায় ।
 ভয় কি কিছুই নাহিক হিয়ায় ॥
 দিবসে ডাকাতি পরের ভবনে ।
 এমন সাহস না দেখি কখনে ॥
 বিপিন কহয়ে কিছু ভয় নাই ।
 ও চোরে লখিতে না পারে সবাই ॥
 প্রথম বেলায় বেদিনী মিলন ।
 রসিক ভকতে করে দরশন ॥
 প্রাকৃত রসের রসিক যাহারা ।
 এ রসে বঞ্চিত সদাই তাহারা ॥

অপ্রাকৃত রস-ভাবজ্ঞ যে জন ।

তিঁহঁ ত বুঝিবে বেদনী মিলন ॥

অপ্রাকৃত রস ভাব কিবা হয় ।

দীননাথ স্মৃত তাহা না জানয় ॥ ৩ ॥

মনের প্রতি ।

তৃতীয় মুহূর্ত্তকালে “বেদিনী মিলন ।”

ওরে মনঃ ! অনুদিন করহ স্মরণ ॥ ৩ ॥

শ্রীদৈবজ্ঞামিলন ।

তদুচিত শ্রীগৌরচন্দ্রঃ ।

গ্রন্থকারস্ত নমস্কারঃ ।

দৈবজ্ঞগৃহিণীং দৃষ্ট্বা যো দেবশ্চাতিকাতরঃ ।

তং গীর্বাণ গণাধীশং নমামি গৌরসুন্দরম্ ॥ ৪ ॥

রাগঃ ।

জয় জয় সুররাজ গোরা ।

ভুবন মগুন শোভা, ভুবন নাগরী লোভা,

সুরগুরু-মন-জ্ঞান-চোরা ॥ ধ্রুঃ ॥

বাণী বাণী বিমোহন, বেদ মুখ বিদলন,

সুরতরঙ্গিণী প্রিয়বর ।

বিপ্র-বেদ পরায়ণ, বিপ্রপ্রিয় সর্ববক্ষণ,

বিপ্রভূষা সর্ববাস্তুগোচর ॥

ছাত্রগণে লঞা সঙ্গে, বেদীপর বসি রঙ্গে,
পড়ায়েন নানা শাস্ত্রানন্দে ।

হেনকালে তথা আসি, মৃদু-মৃদু-মৃদু হাসি,
দৈবজ্ঞা কহেন নানা ছন্দে ॥

হে বাপ পড়ুয়াগণ !, জগন্নাথ মিশ্রাঙ্গন,
কোন দিকে কহ ত আমার ।

ইহা শুনি ছাত্রগণে, কহিলেন হাস্তাননে,
কিবা কাজ তোমার তথায় ॥

দৈবজ্ঞা কহেন বাণী, ডাকিয়াছে ঠাকুরাণী,
বধূভাগ্য গণনা কারণ ।

দৈবজ্ঞা গৃহিণী আমি, জগৎপূজ্য মোর স্বামি,
গণনায় অতিবিচক্ষণ ॥

শুনি বাণী ছাত্রগণে, হেরি গোরা চন্দ্রাননে,
কহে কোথা নিবাস তোমার ? ।

দৈবজ্ঞা কহেন কথা, শ্রীবংশীবদন যথা,
তথা হয় নিবাস আমার ॥

তবে ছাত্রগণ কয়, সম্মুখে যে দ্বার হয়,
ঐছে দ্বারে করহ গমন ।

তবে মার শ্রীচরণে, পাবে তুমি দরশনে,
এথা আর নাহি প্রয়োজন ॥

নেহাশ্রি দৈবজ্ঞা রূপ, শ্রীগোরাঙ্গ রসভূপ,
পূরবের ভাবেতে মাতিয়া ।

প্রিয় গদাধরে ধরি, হৃৎকার-গর্জজন করি,
কন কৃষ্ণ রাধার লাগিয়া ॥
দৈবজ্ঞা সাজিয়া সঙ্গে, যান বুদ্ধিদূতী সঙ্গে,
জটিলার মনোহর বাসে ।
মুগ্ধ করি জটিলায়, রাই মিলে শ্যামরায়,
এ বিপিন প্রেমানন্দে ভাষে ॥ ৪ ॥

ঐশ্বর্যকারস্য দণ্ডবন্দিতঃ ।

দৈবজ্ঞারূপমাস্থ্যত যো গচ্ছেজ্জটীলা গৃহম্ ।
তং সৰ্বজ্ঞং সুরাধীশং শ্রীকৃষ্ণং সমুপাস্মহে ॥ ৪ ॥

চিত্র রাগ ।

দেখ দেখ কিবা রঙ্গ মনোহর ।
দৈবজ্ঞা সাজল শ্যাম-নটবর ॥ ধ্রুঃ ॥
পীতধড়া ছাড়ি ঘাঘড়ী পরল ।
বুকের উপরি কাঁচুলী বাঁধল ॥
চূড়া পরিহরি কবরী সুন্দর—।
অলপ বাঁকায়ে বাঁধল নাগর ॥
পদের মঞ্জীর রাখিয়া দূরেতে ।
সিন্দূরের ফোঁটা লাগান ভালেতে ॥
আধল ঘোঙটা দিয়া শ্যামরায় ।
শ্রীঅঙ্গ বেড়িয়া উড়ানী লাগায় ॥

রুদ্রাক্ষের মালা গলায় পরিলা ।
 করেতে কঙ্কণ ভূষা লাগাইলা ॥
 মুরলী ফেলিয়া তণ্ডুল পুটলী ।
 শ্রীকরে ধরিলা হএণ কুতূহলী ॥
 “শঙ্করী শঙ্করী” বলিতে বলিতে ।
 জটিল ভবনে যায়েন তুরিতে ॥
 দৈবজ্ঞা দেখিয়া জটিল কহিলা ।
 কোথা হোতে এথা দরশন দিলা ?
 কি নাম তোমার কহ আচার্য্যাণী ।
 ইহা শুনি শ্যাম কন মূঢ় বাণী ॥
 নিবাস আমার ভাদাবলী গাঁয় ।
 “শ্রীশ্যামলা” নাম কহিনু তোমায় ।
 জটিল কহয়ে জান কি গণিতে ।
 দৈবজ্ঞা কহেন হাসিতে হাসিতে ॥
 গ্রহফল আদি যতেক আছয় ।
 সকল গণিব কহিনু নিশ্চয় ॥
 করাক্ষ দেখিয়া কহিব সকল ।
 আমার গণনা না হয় বিফল ॥
 এ বোল শুনিয়া জটিল তখন ।
 তণ্ডুল-গুবাক করে আনয়ন ॥
 দৈবজ্ঞা কহেন গণিব কি বল ? ।
 জটিল কহয়ে কহ গ্রহফল ॥

কঠিনী পাতিয়া দৈবজ্ঞা তখন ।
 গ্রহকল যত করিয়া গণন ॥
 জটিলারে কন কি বলিব আর ।
 “শনিগ্রহ” কিছু প্রবল তোমার ॥
 শনির পূজাদি করাইবে যবে ।
 সেই দিনাবধি শনি দূর হবে ॥
 আর এক কহি করহ শ্রবণ ।
 তোমার ভ্রাতার বৈরি একজন ॥
 ব্রজে আছে যেবা নন্দের নন্দন ।
 তোমার ভ্রাতার বৈরী সেইজন ॥
 শিহরিয়া কহে জটিল তখন ।
 কেমনে হইবে তাহার দলন ॥
 দৈবজ্ঞা কহেন সে বড় চতুর ।
 কার সাধ্য তার করে দর্পচূর ॥
 তার দর্প নাশে একোপায় যাহা ।
 তুমি ত নারিবে করিবারে তাহা ॥
 জটিল কহয়ে কেবা সে উপায় ।
 সাধন করিবে কহ গো ! আমায় ॥
 দৈবজ্ঞা কহেন তুয়া বধু দ্বারে ।
 সে উপায় সিদ্ধ হইবারে পারে ॥
 তোমার বধুর মনোভাবাস্তর—।
 করিতে হইবে তাহার উপর ॥

- তার মন্ত্রোষধী যত মত আছে ।
 • বিরলে বলিব বধূটির কাছে ॥
 জটিল। কহয়ে বধূর ভবন ।
 তবে দয়া করি করুন গমন ॥
 এ বোল শুনিয়া দৈবজ্ঞা কহয় ।
 বধূর ভবন কোন্ দিকে হয় ? ॥
 জটিল। কহয়ে এই সখী সনে ।
 গমন করুন বধূর ভবনে ॥
 “শঙ্করী” বলিয়া দৈবজ্ঞা তখন ।
 রাধার অঙ্গনে দিলা দরশন ॥
 দৈবজ্ঞা দেখিয়া ভানুর বিয়ারি ।
 অঙ্গনে আসেন নিজ গৃহ ছাড়ি ॥
 দৈবজ্ঞা কহেন কেন হে সুন্দরি !
 অঙ্গনে আইলা গৃহ পরিহরি ॥
 গৃহগত ধন গৃহে শোভা পায় ।
 বাহির হইলে অতি দুঃখ তায় ॥
 গৃহগত ধন ছিল মোর যাহা ।
 কিছু দূর গত হইয়াছে তাহা ॥
 সেই ত কারণে বহুদুঃখ পাই ।
 মরমের কথা কহিনু ইহাই ॥
 • কিশোরী কহেন হেরি আপনারে ।
 বর ছাড়ি আনু অঙ্গন মাঝারে ॥

এত কহি রাই লঞা দৈবজ্ঞারে ।
 বসিলেন যাঞা স্ব-গৃহের দ্বারে ॥
 তবে চন্দ্রাননী রাই হাস্থাননে— ।
 নিবেদন করে দৈবজ্ঞা চরণে ॥
 গণনা করিয়া কহ গ্রহফল ।
 দৈবজ্ঞা কহেন সকল মঙ্গল ॥
 রাই কন তবে দুঃখ কেন পাই ।
 দৈবজ্ঞা কহেন কিবা দুঃখ রাই ? ॥
 রাই কহে নাম জানিলা কেমনে ।
 দৈবজ্ঞা কহেন সদা গনি মনে ॥
 রাই কন কেন গণ মঝু নাম ।
 দৈবজ্ঞা কহেন পূরাইতে কাম ॥
 তুয়া নাম-মন্ত্র গুরু দিলা মোরে ।
 তেঞিও সদা গনি কহিলাম তোরে ॥
 হেন শুনি রাই বুঝিলা অস্তুরে ।
 দৈবজ্ঞা এ নয় শ্যাম এল ঘরে ॥
 তথাপি কহেন ছলা করি রাই ।
 মঝু পাশে মোর না কর বড়াই ॥
 মোর নাম-মন্ত্র যদি তুয়া হয় ।
 তবে কেন মোর এত দুঃখোদয় ॥
 দৈবজ্ঞা কহেন কি করিবে বল ।
 তোমার আগার হয় এক ফল ॥

তোমার করমে হেন ফলোদয় !
 যাহাতে আমায় বিকল করয় ॥
 অথবা এ রস আশ্বাদ কারণ ।
 হেন ফল ভোগ,—করি নিবেদন ॥
 অনিত্য এ ফল কভু নাহি হয়ে ।
 বুঝিয়া দেখহ আপন হৃদয়ে ॥
 এ নিত্য কলের মধুরতা যাহা ।
 তোমার আমার বেজ্ঞ হয় তাহা ॥
 কিছু কিছু জানে প্রিয়সখী গণে ।
 নিবেদিবু এই রাতুল চরণে ॥
 এ কথা শুনিয়া নাগরী তখন ।
 দৈবজ্ঞার কর করেন ধারণ ॥
 দৈবজ্ঞা কহেন কি কাজ করিলে ।
 গোয়ালিনী হঞা আমারে ছুঁইলে
 কিশোরী কহেন কিবা দোষ তায় ।
 দৈবজ্ঞা কহেন যে ছোঁএ আমায় ।
 গৃহ পরিহরি বনী হয় সেই ।
 দোষ যাহা তাহা কহিলাম এই ॥
 ধনী কহে বনী নহি কি তোমার ।
 বুট নাহি-কহ নিকটে আমার ॥
 হেন শুনি কন নব-নটশ্যাম ।
 কহ লো সুন্দরি ! বনপাল নাম ॥

রাই কহে নাম “গোপ বনমালী” ।
 শঠ-ধূর্ত অতি জানি চিরকালি ॥
 শ্যাম কন সেই বনমালী পাশ ।
 কিবা ফল পাও করহ প্রকাশ ॥
 রাই কহে ফল শুক্লবর্ণ হয় ।
 “প্রেমামৃত” নাম তার সবে কয় ॥
 চারি ফলাতীত ফল সেই যাহা ।
 বনমালী মোরে দিয়াছেন তাহা ॥
 প্রেমামৃত ফল পায় যেই জন ।
 আন ফল সেহ না করে গ্রহণ ॥
 শ্যাম কন সেই প্রেমামৃত ফল ।
 তুয়া সন্নিধানে আছয়ে কেবল ॥
 সেই ফল কিছু পাইবার আশে ।
 দৈবজ্ঞা সাজিয়া আনু তুয়া পাশে ॥
 সে ফলে বঞ্চিত না কর আগায় ।
 নিবেদিবু এই তব রাজ্য পায় ॥
 রাই কহে বঁধো ! জান কত ছল ।
 দৈবজ্ঞা সাজিয়া এ রঙ্গ কেবল ॥
 ধনীর ইঙ্গিতে প্রিয়সখী গণে ।
 ধীরে ধীরে যাঞা হইলা গোপনে ॥
 নাগরী তখন লইয়া নাগরে ।
 প্রবেশ করিলা গৃহের ভিতরে ॥

বনমালী ক্রোড়ে বনী ধনী-শোভা ।

ভাবুক জনার মন-অঁখি লোভা ॥

বিপিনবিহারি কবির বর্ণন ।

রসিক আনন্দ করুক বর্ধন ॥ ৪ ॥

মনের প্রতি ।

তৃতীয় মুহূর্ত্তে কভু দৈবজ্ঞা মিলন ।

ওরে মনঃ ! অনুদিন করহ স্মরণ ॥ ৪ ॥

শ্রীনড়িনী মিলন ।

তছুচিত শ্রীগৌরচন্দ্রঃ ।

গ্রন্থকারস্য নমস্কারঃ ।

বিলোক্য নড়িনীরূপং যো দেবশ্চাভিকাতরঃ ।

পূর্ব্বেভাব মনুষ্যত্ব তং গৌরং প্রণতোস্ম্যহং ॥ ৫ ॥

রাগঃ ।

জয় জয় শ্রীশচী-নন্দন ।

শ্রীবিদ্যা মণ্ডপে বসি, নবদ্বীপ পূর্ণশশি,

গন্ধ-তৈল করেন মর্দন ॥ ৬ ॥

চতুর্দিকে ছাত্রগণ, লঞা স্নানোপকরণ,

প্রভুর প্রতীক্ষা করি রহে ।

কহে প্রিয় গদাধর, কহ শুনি বিশ্বম্ভর !,

গঙ্গা ধারা কোন দিকে বহে ॥

হাসি কন গৌরহরি, পশ্চিমেতে গঙ্গা ধরি,

পূরবে যমুনা ধারা বয় ।

মধ্যে বহে সরস্বতী, ব্রহ্মপ্রিয়া বেগবতী,

ব্রহ্মাবর্ত য়ার তীরে রয় ॥

পুনঃ কহে গদাধর, কহ প্রভু বিশ্বম্ভর !,

শিব শিরে গঙ্গা কেন ধরে ।

প্রভু কন গঙ্গা যিনি, বিষ্ণুপাদোদ্ভবা তিনি,

তেত্রিঃ শিব ধরে শিরোপরে ॥

যমুনা কৃষ্ণের দাসী, বাণী তাঁর বাঙালানী,

শ্রুতি-স্মৃতি-পুরাণে বাখানো ।

শুনিয়া প্রভুর বাণী, সবে করে কাণাকাণি,

গদাধর শিরে কর হানে ॥

হেনকালে দ্বারে আসি, মৃদু-মৃদু-মৃদু হাসি,

নড়িনী কহয়ে ডাক দিয়া ।

চুড়ী লহ বধুগণ !, যার যাতে হয় মন,

ধীরে-ধীরে দিব পরাইয়া ॥

শুনিয়া নড়িনী ডাকে, লক্ষ্মীপ্রিয়া কন মা'কে:

মাগো ! মা ! ঐ ডাকিছে নড়িনী ।

শুনিয়া বধূর বাণী, দ্বারে যাঞা ঠাকুরাণী,

কন এস চুড়ী-বিক্রয়িনি ! ॥

নড়িনীরে হেরি গোরা, পূর্বভাবে হঞা ভোরা,
কহিলেন দেখ গদাধর ! ।

নড়িনী সাজিয়া শ্যাম, পুরাইতে নিজ কাম,
যাইছেন জটিলার ঘর ॥

শুনিয়া গৌরান্দ বাণী, ছাত্রে করে কাণাকানি,
একি কথা কহেন নিমাই ।

নিমাঞের ভাব যাহা, গদাধর জানে তাহা,
ছাত্রের বুঝিতে শক্তি নাই ॥

গৌর-গদাধর যারে, কৃপা করে এ সংসারে,
সেই জন বুঝিবারে পারে ।

ওহে গৌর ! গদাধর !, এ বিপিনে কৃপা কর,
মোর কেহ নাহিক সংসারে ॥ ৫ ॥

গ্রন্থকারস্য দণ্ডবন্দিতঃ ।

বিহৃত্য নড়িনীরূপং যো গচ্ছেদ্রাধিকালয়ং ।

তং সৰ্ব্বরসসম্পূর্ণং শ্রীগোবিন্দং ভজামহে ॥ ৫ ॥

চিত্র রাগ ।

দেখ কিবা রঙ্গ ।

নড়িনী সাজল ললিত ত্রিভঙ্গ ॥ ধ্রুঃ ॥

ঘাঁর তরে শ্যাম সাজল নড়িনী ।

জটিলার ঘরে সেই বিনোদিনী ॥

না জানি সে ধনী কিবা গুণ জানে ।
 নড়িনী সাজায় নব-নট কাণে ॥
 মরি ! মরি ! মরি ! কিবা প্রেম তার ।
 নড়িনী সাজল শ্যাম গুণাধার ॥
 হরি ! হরি ! প্রেমে বলিহারি যাই ।
 চুড়ী বুড়ী কঁাকে ধরিলা কাণাই ॥
 প্রেমবশ শ্যাম প্রেমের লাগিয়া— ।
 ত্বরিত যায়েন নড়িনী সাজিয়া ॥
 প্রেম টান যথা তথা ত্বর গতি— ।
 সরব জনার,—সদা তথা রতি ॥
 অমল-প্রেমের ধারা এই হয় ।
 লাজ-কর্শ-জ্ঞান তথা নাহি রয় ॥
 ধরম-বরণ বিধিবাণী তথা— ।
 সব বিরহিত ছাঁকা প্রেম যথা ॥
 শিব ! শিব ! শিব ! প্রেম কি রতন ।
 তাহা জানে প্রেম জহুরী যেজন ॥
 মরি ! মরি ! লঞা প্রেমের বালাই ।
 যা লাগি নড়িনী সাজল কাণাই ॥
 হরিবারে রাই প্রেমরত্ন ধন ।
 নড়িনী সাজল গোকুল-মোহন ॥
 মোহিয়া সবারে চুড়ি লঞা কঁাকে ।
 নিতম্ব দোলায়ে যান, চান, হাঁকে ॥

চুড়ী লঞা চুরি করিবার আশে ।
 ত্বর্য যান শ্যাম জটিলার বাসে ॥
 না চিনি না জানি সে রতন কার ।
 জটিল ভাবে এ রত্ন আমার ॥
 স্বকীয় ভাবের গৌরব-বড়াই ।
 জটিলার মিছা দেখিবারে পাই ॥
 পরকীয় রত্নে স্বকীয় ভাবন ।
 ভাই সহ তার দেখি অকারণ ॥
 জটিল গৌরব হরিবার তরে ।
 হরি ! হরি ! হরি যান তার ঘরে ॥
 নানা রঙ্গ চুড়ী দেখাইয়া তায় ।
 হরিবে রতন চোর শ্যামরায় ॥
 দিবসেতে চুরি করে যেইজন ।
 নানা সাজ সেই করয়ে ধারণ ॥
 স্বভাব, স্বরূপ সংগোপন বিনে ।
 চুরি করা নাহি হয় প্রায় দিনে ॥
 কিশোরীর প্রেমে বলিহারি যাই ।
 নিজ বেশ ছাড়ে নাগর কাণাই ॥
 গোপভাব, গোপবেশ নিত্য য়ার ।
 নড়িনীর বেশ দেখ ! দেখ ! তাঁর ॥
 অমল প্রেমেতে স্বভাব ছাড়ায় ।
 প্রেমগুণ এই, গরি হায় ! হায় ! ॥

ধড়া ছাড়ি হরি ঘাগরী পরল ।
 বুকতে কাঁচলী ধারণ করল ॥
 স্ন-নীল বরণ উড়াগী ধরল ।
 অলপ বাঁকয়ে কবরী বাঁধিল ॥
 নীল-শ্বেত-লাল-হলিদি বরণ ।
 চুড়ী উভ করে করল ধারণ ॥
 সিংখায় সিন্দূর, নয়নে অঞ্জন—।
 লাগা ওল শ্যাম প্রেমের কারণ ॥
 শ্রবণে ঝুগকা-তুল-পাশা শোভা ।
 কণ্ঠেতে পদক-পুঁতিমাল লোভা ॥
 কোমর বন্ধন চুড়ী ঝুড়ি তায়—।
 বসনে ঢাকিয়া কুহক লাগায় ॥
 চুরি লাগি চুড়া প্রিয়বাঁশী ছাড়ে ।
 বলিহারি যাই শ্রীমতী রাধারে ॥
 “চুড়ী চাই চুড়ী চাই” বলি শ্যাম ।
 ফুকরি ফুকরি যান প্রেমধাম ॥
 জসম, গগ্‌রী, তীরকাটা, বালা ।
 সোণাপাত মোড়া তায় পুঁতিমালা ॥
 চাঁদ শোভা জিনি চাঁদ চুড়ী যাহা ।
 আমার নিকটে পাইবেক তাহা ॥
 চুমকী, রতন, চুড়িকামোহন ।
 সব বেচি মুঞি, লই ন্যূন পণ ॥

অনেক রঙের চুড়ী মঝু ঠাই— ।

মিলিবেক,—যাহা কার কাছে নাই ॥

হেনমতে শ্যাম কুলুক লাগায়ে ।

চলি যান নারী হৃদয় মাতায়ে ॥

জটিলার দ্বারে করিয়া গমন ।

“চুড়ী নেবে” বলি হাঁকে ঘন ঘন ॥

নড়িনীর ডাক শুনিয়া শ্রবণে ।

জটিল কহয়ে প্রিয় দাসীগণে ॥

নড়িনীরে এথা আনহ ডাকিয়া ।

বধূরে পরাব চুড়ী মোহনিয়া ॥

জটিলার বাণী করিয়া শ্রবণে ।

দ্বারে যাঞা ডাকে প্রিয়দাসী গণে ॥

এস গো নড়িনি ! এস এ ভবনে ।

জটিল-তো চুড়ী দেখিবে নয়নে ॥

মনের মতন চুড়ী যদি হয় ।

তবে ত বধূরে দিবেন নিশ্চয় ॥

দাসীগণ বাণী করিয়া শ্রবণে ।

নড়িনী প্রবেশে জটিল ভবনে ॥

নড়িনীরে হেরি কহয়ে গোপিনী ।

কি কি চুড়ী আছে দেখাও নড়িনি ! ॥

জটিলার আশ্রয় করিয়া শ্রবণে ।

চুড়ী ঝুড়ি ধীরে নাগান যতনে ॥

বসন খুলিয়া দেখায়েন চুড়ী ।
 বলিহারি যাই শ্যামের চাতুরী ॥
 চুড়ী হেরি কয় জটিল গোপিনী ।
 মোহনিয়া চুড়ী দেখাও নড়িনী ॥
 মোহনিয়া চুড়ী করে ধরি শ্যাম ।
 কন দেখ চুড়ী কেমন স্তম্ভাম ॥
 এ চুড়ী না পাবে আর কার ঠাই ।
 কহিলাম এই করিয়া বড়াই ॥
 চুড়ী হেরি গোপী নড়িনীরে কয় ।
 কহগো নড়িনি ! কত পণ হয় ॥
 নড়িনী কহেন পণ কথা পরে ।
 এস গো ! পরাই আগে তুয়া করে ॥
 ইহা শুনি হাসি কহয়ে জটিল ।
 চুড়ী পরা সাধ বিধাতা নাশিলা ॥
 এ চুড়ী লইয়া বধুর ভবনে ।
 গমন করহ এই দাসী সনে ॥
 শ্যামনড়িনীরে বলিহারি যাই ।
 জটিলারে মোহে চুড়িকা দেখাই ॥
 ভুবন মোহন আখ্যান ঘাঁহার ।
 জটিল মোহন বেশী কি তাঁহার ॥
 তবে ত নড়িনী প্রিয়দাসী সঙ্গে ।
 কিশোরী ভবনে প্রবেশেন সঙ্গে ॥

প্রিয়দাসী সনে নড়িনী হেরিয়া ।
 কিশোরী কহেন মুচকি হাসিয়া ॥
 কহ প্রিয়দাসি ! নড়িনীর সনে ।
 কেবা তোমা এথা করিলা প্রেরণে ।
 দাসী কহে তছু ননদী-জটিল ।
 নড়িনীর সঙ্গে মোরে পাঠাইলা ॥
 তবে মৃদু হাসি বিনোদিনী রাই ।
 নড়িনীরে কন আড় দিঠে চাই ॥
 দেখাও আমারে কি কি চুড়ী আছে
 মনোমত হোলে লব তব কাছে ॥
 নড়িনী তখন মোহন-রতন ।
 চুড়ী লঞা ধরে রাধার সদন ॥
 হেরিয়া শ্রীমতী চুড়ী মোহনিয়া ।
 নড়িনীরে কন মুচকি হাসিয়া ॥
 এ মোহন চুড়ী মনের মতন ।
 শুনিবারে চাই এর কত পণ ॥
 নড়িনী কহেন এর পণ যত ।
 তুমি কি পারিবে মোরে দিতে তত ।
 প্যারী কন তুমি চাবে যেই পণ ।
 সেই পণ আগি করিব অর্পণ ॥
 এই পণ মোর মিছা কভু নয় ।
 সত্য করি কহ পণ কত হয় ॥

নড়িনী কহেন তব এই পণ ।
 ঠিক যেন থাকে,—না যায় কখন ॥
 শুনিয়াছি এই স্ব-পণ পালনে ।
 বিরতা না হয় সাধুশীলা গণে ॥
 পণ তবে কহি করহ শ্রবণ ।
 এর পণ তুয়া যুগল-চরণ ॥
 তাহা দিয়া মোরে স্ব-পণ পালন ।
 ভরা করি কর,—এই নিবেদন ॥
 হেন কথা শুনি কন বিনোদিনী ।
 একি কথা তুমি কহিছ নড়িনি ! ॥
 নাগর কহেন ও চরণ তরে ।
 নড়িনী সাজিয়া আনু তুয়া ঘরে ॥
 চুড়ী বুড়ী কাঁকে যাহার লাগিয়া ।
 সেই পদ শিরে দেহ গো ! তুলিয়া ॥
 তোমার লাগিয়া সাজি নানা সাজ ।
 তোমা বিনা মোর নাহি কোন কাজ ।
 তোমা ছাড়া আমি নড়িবারে নারি ।
 মনেতে বুঝিয়া দেখ দেখ প্যারি ! ॥
 প্রপন্ন জনারে না কর বঞ্চন ।
 করযোড়ে এই করি নিবেদন ॥
 হেন শুনি ধনী ঘোড়টা টানিয়া ।
 বঁধুমুখ চাঞা কহেন হাসিয়া ॥

কলাগুরু তুমি জান কত ছলা ।
 লাগায়ে কুলুক বধহ অবলা ॥
 ব্যাধের সমান ধরম তোমার ! ।
 নারীজাতি হএগ কত কব আর ॥
 তোমার চরণে যে করে শরণ ।
 বিরহ আগিতে সে হয় দহন ॥
 মূর্ত্তিমান শর আঁখির সন্ধান ।
 মুরলীর গান পাশের সমান ॥
 বিনোদিনী বাণী করিয়া শ্রবণে ।
 কাতরে নাগর করে নিবেদনে ॥
 প্রাণাধিকে ! আর না কর ভৎসন
 কি করিব বল বিধির লিখন ॥
 বিধির বিধানে তোমায় আমায় ।
 কভু বা বিচ্ছেদ মানবী-লীলায় ॥
 নাগরী কহেন বিধি মুখে ছাই ।
 এস প্রাণনাথ ! গৃহ মাঝে যাই ॥
 আমার লাগিয়া তোমার এ সাজ ।
 ইহা কি পরাণে সহে রসরাজ ! ॥
 শ্রীমতীর ভান হেরি সখীগণে ।
 আন ঘরে গিয়া হইলা গোপনে ॥
 নাগরী তখন লইয়া নাগরে ।
 প্রবেশ করেন আপনার ঘরে ॥

কাঞ্চন পালঙ্কে বসিয়া নাগর ।
 নাগরীরে রাখি কোলের উপর ॥
 অধর চুম্বয়ে আনন্দ অন্তরে ।
 কমলে ভ্রমর যেন ক্রীড়া করে ॥
 নাগরের কোলে নাগরীর শোভা ।
 ভাবুক জনার প্রাণ-মনলোভা ॥
 শ্রীরাধা-কৃষ্ণের মধুর মিলন ।
 বিপিন বিহারি না পায় দর্শন ॥
 কবিকুল সেবি এবিপিন দাসে !
 মধুর-মিলন ভাসে হৃদ্যুচ্ছ্বাসে ॥ ৫ ॥

মনেরপ্রতি ।

চতুর্থ মুহূর্ত্তকালে নড়িনী-মিলন ।
 গুরে মনঃ ! অনুদিন করহ স্মরণ ॥ ৫ ॥

শ্রীমালবী-মিলন ।

তদুচিত শ্রীগৌরচন্দ্রঃ ।

প্রস্থকারন্ত নমস্কারঃ ।

দৃষ্ট্বা মালাঅজারুপং যো প্রভুশ্চাতিবিহ্বলঃ ।
 তং শ্রীমামপ্রিয়ং দেবং গৌরচন্দ্রং ভজাম্যহম্ ॥ ৬ ॥

রাগঃ ।

জয় জয় নিমাই পণ্ডিত ।

জাহ্নবী-সিনান তরে, ছাত্র-মিত্র সঙ্গে করে,
যান গোরা হঞা আনন্দিত ॥ ধ্রুঃ ॥

গঙ্গার মাহাত্ম্য যত, কহিছেন অবিরত,
শুনি সবে চিত্রপ্রায় রহে ।

কন প্রিয় গদাধর, কহ দেব বিশ্বস্তর !,
গঙ্গাতীর্থ ব্রজে কোথা বহে ॥

শুনি গদাধর বাণী, ভালদেশে কর হানি,
কন গোরা গদাধর পাশ ।

ওহে প্রিয় গদাধর !, বুঝাসুর বধ পর,
গোপীগণ করি পরিহাস ॥

কন প্রিয়তম কাণে, কর সর্ব তীর্থস্নানে,
তবে মোরা ছুঁইব তোমায় ।

গো হনন-কারী জনে, মহাপাপী ত্রিভুবনে,
তাঁর স্পর্শ কেহ নাহি চায় ॥

কভু স্পর্শ হৈলে পরে, মন্ত্র প্রায়শ্চিত্ত করে,
এই কথা কন বৃদ্ধগণে ।

ইহা শুনি নন্দসুত, হাসি কন গোপীমুখ !,
দেখ সর্ব তীর্থ আনি বনে ॥

তবে শ্রাম তীর্থগণে, করিলেন আবাহনে,
 অমনি সকল তীর্থ আসি ।

কৃষ্ণ পদে করি নতি, স্তব করে যথামতি,
 গঙ্গা কন আমি চির দাসী ॥

কেন মোরে আবাহন, করিলেন শ্রীরমণ !,
 কহ শুনি তাহার কারণ ।

কৃষ্ণ কন ওহে গঙ্গে !, সর্বতীর্থ তব অঙ্গে,
 তেত্রিঃ তোমা করি আবাহন ॥

যশোদা কৃতি বুঝাস্বরে, নাশিয়া এ ব্রজপুরে,
 মহাপাপ স্পর্শিল আমায় ।

সেই পাপ নাশিবারে, এথা তোমা সবাকারে,
 ডাকিলাম,—কহিনু তোমায় ॥

এবে তোমাদের অঙ্গে, স্নান আদি করি রঙ্গে,
 মহাপাপ শীঘ্র করি দূর ।

নতুবা ভুবন জন, ঘৃষিবেন সর্বক্ষণ,
 হাসিবেন এই ব্রজপুর ॥

এতেক কহিয়া হরি, সর্বতীর্থ স্নান করি,
 কহিলেন ব্রজাঙ্গনাগণে ।

এইত গোপীকাগণ ! পাপ কৈলু বিমোচন,
 দেখি সবে ভাবে মনে মনে ॥

মোদের যশোদাসুত, দেব কি মানুষ ভূত,
 কিছু মোরা বুঝিতে না পারি ।

ইহাঁর করম যত, লোকাতীত অবিরত,

এই মত কহে যত নারী ॥

তথাপি সহজ রতি, মোহিয়া গোপীর গতি,

কৃষ্ণে নর ভাবনা করায় ।

নরলীলা লীলা সার, বিধি নাহি পায় পার,

আধার গোপিনী গোপ যায় ॥

গোপীগণে মুগ্ধ করি, তীর্থ সবে পরিহরি,

জাহ্নবীরে কহেন হাসিয়া ।

তুমি মম বৃন্দাবনে, রহ এক অংশ ক্রমে,

শ্রীমানসী গঙ্গাখ্যা ধরিয়া ॥

প্রভু আজ্ঞা অঙ্গীকরি, শ্রীযমুনা সহচরী,

শ্রীমানসী গঙ্গারূপ ধরি ।

রহিলেন বৃন্দাবনে, এই কথা মুনিগণে,

লিখিলেন শাস্ত্রের ভিতরি ॥

কার কার এই বাণী, কৃষ্ণমাতা নন্দরাণী,

গঙ্গাস্নানে করিলেন মন ।

তেঞিও নন্দসুত হরি, গঙ্গারে আহ্বান করি,

ব্রজেতে করেন আনয়ন ॥

শ্রীমানসী গঙ্গা কথা, শাস্ত্র বিজ্ঞে কন যথা,

তাহা গোরা কন গদাধরে ।

হেনকালে পথ নাঝে, দেখে গোরা দ্বিজরাজে,

“মালবি” খেলায় অহিবরে ॥

সেই খেলা বহুজন, করিতেছে দরশন,
 হেরি গোরা কন ভাব ভরে ।
 দেখ দেখ গদাধর !, কিবা খেলে অহিবর,
 হেরি মম হৃদয় শিহরে ॥
 অনুমানি সেই শ্যাম, পুরাইতে নিজ কাম,
 মনোহরা মালিকি সাজিয়া ।
 কাঁচুনী করিয়া গান, আয়ান ভবনে যান,
 মনমথ রসেতে রসিয়া ॥
 হেনমতে নবগোরা, পূর্বভাবে ইএগ ভোরা,
 কন গদাধর মুখ চাই ।
 হাসি কন গদাধর, একি কহ বিশ্বস্তর !,
 কোথা কৃষ্ণ কোথা সেই রাই ॥
 এ ত বৃন্দাবন নয়, নবদ্বীপ গ্রাম হয়,
 বিরাজিতা জাহ্নবী এথায় ।
 যমুনা-নিকুঞ্জবন, বল্লভ-বল্লবীগণ,
 এথায় নাহিক দেখা যায় ॥
 শিশুকুল স্নানভূমি, মৃগ-মৃগী বিচরণ,
 এথা নাহি হয় দরশনে ।
 ভ্রমর-ভ্রমরী রোল, শুক-সারিকার বোল,
 এথা নাহি শুনিবে শ্রবণে ॥
 তথাপিহ সর্ববিগ্গণ, বৃন্দাবন উদ্দীপন,—
 হইতেছে হৃদয়ে তোমার ।

উদ্দীপন হেতু যাহা, বুঝিতে না পারি তাহা,
কহ শুনি কারণ ইহার ॥

প্রভু কন গদাধর !, জানে সব তবাস্তর,
মিছা কেন লুকাও আমারে ।

হেন শুনি ছাত্রগণে, নানা ভাব ভাবে মনে,
কেহ কিছু বুঝিতে না পারে ॥

পড়ুয়াগণের চিত, কস্ম-জ্ঞানে বিমোহিত,
তেঞি তারা বুঝিতে নারয়ে
রসিকভকত যাঁরা, বুঝিতে পারেন তাঁরা,
শ্রীগৌরঙ্গ যাঁদের হৃদয়ে ॥

শুক-জ্ঞান-কাম-কস্ম, পাপ-পুণ্য-শাস্তা-শাস্ত, —
নাশ মোর গৌর-গদাধর ! ।

তোহঁ। দুই শ্রীচরণ, বাহার সর্বস্ব ধন,
এ বিপিন তাঁর অনুচর ॥ ৬ ॥

গ্রন্থকারস্য দণ্ডবন্দিতঃ ।

ধৃষা মালায়জাকৃপং যো গচ্ছেদ্রাধিকালয়ম্ ।
তং বিদগ্ধগণাধীশঃ শ্রীকৃষ্ণং সমুপাস্মহে ॥ ৭ ॥

৭

চিত্র রাগ ।

মরি ! মরি ! মরি ! যাই বলিহারী ।

“মালবী” মাজল রসিক মুরারী ॥ ধ্রুঃ ॥

পীতধড়া ছাড়ি হিঙ্গুল-বরণ ।
 রাগের ঘাগড়ী কটিতে পিঙ্কন ॥
 বুকেতে কাঁচলী হলিদী-বরণ ।
 চূড়া পরিহরি কবরী বন্ধন ॥
 গলেতে প্রবাল মালা, পুঁতি হার ।
 শ্রবণেতে ছল পটল আকার ॥
 নাকে নাকচাবী—করেতে কঙ্কণ ।
 মরি কিবা শোভা হেররে নয়ন ! ॥
 মুরলী লুকাঞা বাঁশের পাঁচন ।
 ডাহিন করেতে করল ধারণ ॥
 সাপের হাঁড়িটা বাঁ-করে ঝোলায়ে ।
 যাইছেন শ্যাম ডমরু বাজায়ে ॥
 বদনে কাঁদুনী করিছেন গান ।
 মুহু মুহু হাসি চারি দিকে চান ॥
 যদি কেহ চাহে সাপ দেখিবারে ।
 পণ লঞা সাপ দেখান তাহারে ॥
 হেন মতে পথে নাগর কানাই ।
 যায়েন অনেকে সরপ দেখাই ॥
 আয়ানের দ্বারে করিয়া গমন ।
 সজোরে করেন ডমরু বাদন ॥
 কাঁদুনী গায়েন অতি উচ্চরবে ।
 শুনিয়া কিশোরী কন, সখী সবে ॥

ঝাঁট যাএগা এথা আন মালঝিরে ।

সরপ দেখিব রহিয়া মন্দিরে ॥

কিশোরীর বাণী শ্রবণ করিয়া ।

প্রিয় সখীগণ দ্বারেতে যাইয়া ॥

মালঝিরে কহে এসহ ভবনে ।

কেমন সরপ হেরিব নয়নে ॥

যে পণ মাগিবে পাইবে তাহাই ।

কিশোরীর সম দাতা কেহ নাই ॥

সখীগণ বাণী করিয়া শ্রবণ ।

হাসিয়া মালঝি বলেন তখন ॥

নরপ খেলাএগা ফিরি নানা ঠাঁই ।

সব ঠাঁই শুনি দাতা বড় রাই ॥

তেএগ বড় আশে আইলু এথায় ;

চল চল যাই কিশোরী যথায় ॥

সখীগণ সনে মালঝি নাগর ।

প্রবেশেন রাই ভবন ভিতর ॥

মালঝির রূপ করি দরশনে ।

হাসিয়া শ্রীমতী কন সখীগণে ॥

আহা ! মরি ! মরি ! মালের ভবনে ।

এমন রমণী না হেরি নয়নে ॥

বিধাতার বিধি না জানি কেমন ।

মালঝরে হেন রমণী রতন ॥

হেন কহি ধনী মালঝিরে কন ।
 কহ গো মালঝি ! কোথায় ভবন ॥
 মালঝি কহেন শ্রীখণ্ডের বনে ।
 নিবাস আমার জানে বহুজনে ॥
 বড় বড় সাপ অনেক তথায় ।
 ভয়ে প্রায় সেথা কেহ নাহি যায় ॥
 তবে বিনোদিনী কহেন আদরে ।
 কহ গো মালঝি ! সরল অন্তরে ॥
 তোমার নাগর কেমন তোমায় ।
 হৃদয় হইতে কভু কি নামায় ॥
 মালঝি কহেন আমা বিনু সেই ।
 আন নাহি হেরে কহিলাম এই ॥
 বাতি জ্বালাইয়া আমিহ নাগরে ।—
 বশ করিয়াছি,—করিবু গোচরে ॥
 মালরমণীর নিকটে কাহার ।
 চাতুরী না খাটে কহি বার বার ॥
 হেন গুণ মুই পারি করিবারে !
 নাগর কখন ঘর নাহি ছাড়ে ॥
 হেন শুনি প্যারী কহেন তখন ।
 সে বাতি কি মিলে দিলে কোন পণ ॥
 মালঝি কহেন পণে কি না মিলে ।
 প্রাণ মিলে সমুচিত পণ দিলে ॥

বিনোদিনী কন চাবে পণ যাহা ।
 মোরে বাতি দিলে পাইবেক তাহা ॥
 মালঝি কহেন বাতির যে পণ ।
 তাহা কি পারিবে করিতে অর্পণ ॥
 শ্রীমতী কহেন যদি সাধ্য হয় ।
 তবেত তোমায় দিব হে নিশ্চয় ॥
 মালঝি কহেন সুসাধ্য তোমার ।
 প্যারী কন তবে ভাবনা কি আর ॥
 এই সব কথা হইবেক পরে ।
 কহ তুয়া পতি কিবা নাম ধরে ॥
 মালঝি কহেন “মীনধ্বজ জয়” ।
 মো-পতির নাম সকলে জানয় ॥
 মীনধ্বজ ভয় স্মরণে তাঁহার—।
 দূরে যায়, এই কহিলাম সার ॥
 তবে কন প্যারী কি সাপ হাঁড়িতে ।
 মোদের দেখাও হঞা সাবহিতে ॥
 কিশোরীর আঙ্কা পাইয়া তখন ।
 মালঝি ডমরু করেন বাদন ॥
 কাঁদুনী গাইয়া শিব গুণ গান ।
 হাঁড়িতে চাপড় মারে শঠকান ॥
 সরাব খুলিয়া হাঁড়ির ভিতরে ।
 দুঁ দিয়া পুনহি হাঁড়িটা চাপড়ে ॥

ধোকা সাপ টোকা থাইয়া তখন ।
 সুপী সস ফণ করিয়া ধারণ — ॥
 ফোঁস্ ফোঁস্ রবে করে গরজন ।
 তাহা দেখি সবে করে পলায়ন ॥
 মালবি সরপ রাখিয়া অঙ্গনে ।
 হাঁটু মাথা নাড়ি খেলান যতনে ॥
 সরপ দেখিয়া কন সবজনে ।
 এ হেন সরপ না হেরি নয়নে ॥
 কোন্ বা দেশের সরপ এ হয় ।
 কহ গো মালবি ! করিয়া নিশ্চয় ॥
 মালবি কহেন কামাখ্যা যথায় ।
 এ সপ্ত জনমে জানিহ তথায় ॥
 এ সপ্তের নাম “শঙ্খচূড়” হয় ।
 সরপের রাজা এই সাপে কয় ॥
 হেন শুনি কন বিনোদিনী রাই ।
 কামাখ্যাদেবীর কেমন বড়াই ॥
 মালবি কহেন মায়াতীর্থ সেই ।
 মায়া ঘোরে পড়ে তথা যায় যেই ॥
 কামাখ্যাচণ্ডীর সেনাদাসী যাঁরা ।
 কাম স্বরূপিণী হন সব তাঁরা ॥
 কামেতে ভুলিয়া পুরুষের মন ।
 ভেড়া করি রাখি জন্ম মতন ॥

কামাখ্যাচণ্ডীর কেমন বড়াই ! ।
 ইথে বুঝে দেখ বিনোদিনী রাই ! ॥
 পতি সঙ্গে মুই ঘাইয়া তথায় ।
 এ সপ্ন আনিবু কহিবু তোমায় ॥
 তবে ত মালবী সরপ তুলিয়া ।
 হাঁড়িতে রাখিলা সরা চাপা দিয়া ॥
 ধোকা সাপ ফোকা হইল তখন ।
 বুঝিতে নারিলা তাহা কোন জন ॥
 কিশোরী কহেন আগে মধু পাশ ।
 বাতির বারতা করিলা প্রকাশ ॥
 সেই বাতি দেহ এবে সে আমার ।
 সমুচিত পণ দিবগো তোমায় ॥
 মালবী তখন কহেন হাসিয়া ।
 নব কানী আন দেই বানাইয়া ॥
 ইহা শুনি ঘরে যাএগা সখীগণ ।
 নব কানী আনি করিলা অর্পণ ॥
 তবে ত মালবী তিন বাতি করি ।
 রাই করে দেন গোষ্ঠমনু পড়ি ॥
 ভোরে বঁধু পাশ এ বাতি জালিয়া ।
 বঁধুরে দেখএগা দিবে ফেলাইয়া ॥
 তবে তুয়া বঁধু আর কার ঘরে ।
 কভু নাহি যাবে যদি প্রাণে মরে ॥

চিরদিন রবে হইয়া তোমার ।
 দেখ ! দেখ ! গুণ বাতির আমার ॥
 শ্রীমতী কহেন মালবী ! এখন— ।
 দুই পণ মাগ আমার সদন ॥
 বাতি দিয়া আর সাপ খেলাইয়া ।
 প্রসন্ন করিলে মঝু এই হিয়া ॥
 কহগো মালবী ! দুইটীর পণ— ।
 কিবা তুমি লবে আমার সদন ॥
 বাহা চাবে তুমি পাইবে তাহাই ।
 সাধ্যমত দানে মোর ত্রুটি নাই ॥
 হেন বাণী শুনি মালবী তখন ।
 দুই পণ চান রাধার সদন ॥
 বাতি পড়া পণ যুগল চরণ ।
 মম শিরে প্যারি ! কর সমর্পণ ॥
 সরপ দেখার পণ আলিঙ্গন ।
 দেহ মোরে ত্বরা এই নিবেদন ॥
 পণ শুনি প্যারী কন সখীগণে ।
 কি পণ মাগিছে শুনিলে শ্রবণে ॥
 সখীগণ কহে মালবী এ নয় ।
 শঠ-নট-শ্যাম ভাবে বোধ হয় ॥
 সখীগণ বাণী করিয়া শ্রবণ ।
 মালবী কাতরে করে নিবেদন ॥

দেখ ! দেখ ! প্যারি ! তোমার লাগিয়া
 এথায় আইনু মালঝি সাজিয়া ॥
 প্রাণাধিকে ! তুমি সাজাবে যেমনে ।
 সেইমত আমি সাজি বৃন্দাবনে ॥
 তোমা বিনু রাই ! ভুবন মাঝারে ।
 কেহ নাহি মোরে সাজাইতে পারে ॥
 ইহা শুনি ধনী কহেন কাঁদিয়া ।
 মোর তরে এথা মালঝি সাজিয়া ॥
 এ দুঃখ পরাণে সহনে না যায় ।
 মরি ! মরি ! নাথ ! কি করি উপায় ॥
 তোমার লাগিয়া রহিয়া বিরলে ।
 ভাসি আঁখিনীরে পাতি নানা ছলে ॥
 একুলে সেকুলে তুমি সে আমার ।
 তোমা বিনু কেহ নাহি এ সাধার ॥
 কানু কন প্যারি ! তোমার চরণ ।
 একুলে সেকুলে আমার শরণ ॥
 তুমি মোর হৃদি সরবস ধন ।
 তে বিনু আকাশ হেরি যে ভুবন ॥
 তোমার লাগিয়া গোধন চরাই ।
 তোমা বিনু আর কেহ মোর নাই ॥
 শপথি করিয়া কহি তুয়া পাশ ।
 এ লোকে সে লোকে আমি তব দাস ॥

দাসের বাসনা করহ পূরণ ।
 গলে বাস দিয়া করি নিবেদন ॥
 তবে রাইধনী বঁধুরে লইয়া ।
 ঘরে প্রবেশিলা প্রমাদ্র হইয়া ॥
 মখীগণ তবে হইয়া গোপন ।
 যুগল-মিলন করে দরশন ॥
 মালকি হৃদয়ে বিনোদিনী শোভা ।
 নীলপদ্মে যেন স্বর্ণপদ্ম লোভা ॥
 শ্রীরাধা-কৃষ্ণের সন্মিলন বাহা ।
 মন-অঁখি লোভা শোভা সীমা তাহা ॥
 বিপিন বিহারি সে শোভা দর্শনে— ।
 বঞ্চিত হইয়া ভাবে সর্ববক্ষণে ॥
 ভাবনার আর নাহি দেখি পার ।
 ভরসা কেবল গুরুকর্ণধার ॥ ৬ ॥

মনের প্রতি ।

পঞ্চম মুহূর্ত্তকালে মালকি-মিলন ।
 ওরে মনঃ ! অনুদিন করহ স্মরণ ॥ ৬ ॥

শ্রীবৈষ্ণবী-মিলন ।

তদুচিত শ্রীগৌরচন্দ্রঃ ।

প্রস্তুকারস্ত নমস্কারঃ ।

একাক্ষি বৈষ্ণবীং দৃষ্ট্বা মৃদুহাস্তঞ্চকার যঃ ।
 তং ভাবুকবরাধীশং নোমি শ্রীগৌরসুন্দরন্ ॥ ৭ ॥

রাগঃ ।

জয় গোরা সরব জীবন ।

ছাত্র-মিত্র করি সঙ্গে, জাহ্নবী সিনানি সঙ্গে,
করে গোরা ভবনে গমন ॥ ধ্রুঃ ॥

শ্রীচরণ প্রক্ষালিয়া, বারতর্য আচমিয়া,
শ্রীবিষ্ণু-মন্দিরে প্রবেশয় ।

পূজা করি নারায়ণে, লঞা ছাত্র-মিত্রগণে,
জলপান আনন্দে করয় ॥

তবে আসি বিছালয়ে, বসি নানা কথা কয়ে,
হেনকালে বৈষ্ণবী ললিতা ।

“হরি বোল” বলি মুখে, প্রবেশিলা তথা স্থখে,
বিষ্ণুদাস বৈষ্ণব দয়িতা ॥

বৈষ্ণবীয়ে হেরি গোরা, হাস্তরসে হঞা ভোরা,
জিজ্ঞাসয়ে কোথা তুয়া ঘর ।

বৈষ্ণবী হাসিয়া কয়, তাহে কিবা ফলোদয়,
কহ আগে আমার গোচর ॥

হাসিয়া নিমাই কহে, জিজ্ঞাসা দোষের নহে,
পূর্বাপর এ প্রথা আছেয় ।

অজ্ঞাতার পরিচয়, আগে সর্বলোকে লয়,
তাহে কেন তুয়া রাগোদয় ॥

বৈষ্ণবী হয়েন যাঁরা, রাগিনী-নাগিনী তাঁরা,
 ইহা প্রায় করি দরশন ।
 শুনিয়া গৌরাজ্ঞ বাণী, নিজ বক্ষে কর হানি,
 ধনী কহে চালিয়া নয়ন ॥

ব্যাত্রপাদ মুনিবরে, বেখানে তপস্তা করে,—
 বহুযুগ শিবত্রত ধরি ।
 তাহার পশ্চিমে শোভা, বিষ্ণুভক্ত মনোলোভা,
 শ্রীরাধানগর গৌরহরি ॥

তথায় আমার বাস, প্রভু মোর বিষ্ণুদাস,
 নাম মোর ললিতা-মঞ্জরী ।
 তব রূপ হেরিবারে, আইনু শচীর দ্বারে,
 ওহে গৌর ! কহিনু বিবরি ॥

কৃপাশুণ পরকাশি, কর চরণের দাসী,
 বঞ্চনা না কর কৃপাময় ! ।
 বৈষ্ণবীর ভাব যাহা, বুঝি বিশ্বস্তর তাহা,
 কহে শুন ছাত্র-মিত্রচয় ॥

বৈষ্ণবীর ভাবাস্তরে, বুঝিতে কে শক্তি ধরে,
 রঙ্গ-রাগ অতি চিত্র হয় ।
 ভাব-রঙ্গে সর্ব মন, মোহয়ে বৈষ্ণবীগণ,
 এই কথা বিজ্ঞগণ কয় ॥

শুনি কহে গদাধর, ওহে গোরা ! বিশ্বস্তর !,
 মুগ্ধ সবে বৈষ্ণবী, মায়ায় ।

তার সাক্ষী বৃন্দাবন, কর গোরা ! দরশন,
স্মৃতি লাগি কহিনু তোমায় ॥

ইহা শুনি বিশ্বস্তর, ভাবে হএণ গর-গর,
কহে ওহে প্রিয় গদাধর ! ।

পুরাইতে নিজ কাম, বৈষ্ণবী সাজিয়া শ্রাম,
যাইছেন রাধার গোচর ॥

মুগ্ধ করি জটিলায়, শঠ-নট শ্রামরায়,
রাই সঙ্গে হইয়া মিলন ।

সাধিবে আপন কাজ, শৃঙ্গার-মুরতিরাজ,
নিবেদিনু তোমার সদন ॥

ইহা শুনি গদাধর, কহে কি এ বিশ্বস্তর !,
তব ভাব বুঝা নাহি যায় ।

বৈষ্ণবীরে হেরি ভাবে, হারাইয়া স্ব-স্বভাবে,
ক্ষিপ্ত সম কি কহ আমায় ॥

শুনি কহে বিশ্বস্তর, ওহে প্রিয় গদাধর !,
মোরে কেন করিছ বঞ্চনা ।

আমি জানি তবাস্তর, তুমি জান মমাস্তর,
মিছা আর না কর ছলনা ॥

যত ছাত্র ছিল তথা, তারা উভয়ের কথা,
না বুঝিয়া রহে চিত্র প্রায় ।

গৌর-গদাধর যারে, বুঝায় সে বুঝিতে পারে,
রহস্য বিপিন দাসে গায় ॥ ৭ ॥

গ্রন্থকারস্য দণ্ডবন্দতিঃ ।

যে দেবো বৈষ্ণবী ভূত্বা জগাম ললিতাগৃহম্ ।
তং রাধারমণং কৃষ্ণং নমামি দণ্ডবদ্ধুবি ॥ ৭ ॥

চিত্র রাগ ।

হায় ! হায় ! শোভা যাই বলিহারী ।
কি বেশ ধরল নট বংশীধারী ॥ ধ্রুঃ ॥

হের শোভা-লোভা, নয়ন-রঞ্জন ।

রাধার লাগিয়া মদন-গঞ্জন ॥

অঞ্জন বরণ শঠ-শ্যামরায় ।

বৈষ্ণবী সাজল আনন্দ হিয়ায় ॥

রজত বরণ বসন চিকণ—।

ঘাগড়া করিয়া করল পিঙ্কন ॥

পয়োপরিপূর্ণ পয়োধরাকার— ।

পয়োধর করি পয়োধরাধার ॥

কাঞ্চন বরণ কাঁচলী উরসে ।

পরল নাগর রাই প্রেমরসে ॥

মোহন চূড়াটী খুলিয়া যতনে ।

সুবলের করে করে সমর্পণে ॥

টাঁচড় চিকুর চামর আকারে ।

পৃষ্ঠে ফেলাইলা শ্যামা অনুসারে ॥

করের বলয়া—শ্রবণ বেষ্টিত ।

- চরণ হংসক—সপ্তকী লম্বন ॥
 কিঙ্কিনী-কেয়ুর-মুকুতারহার ।
 শৃঙ্গ-বেণু-বেত্র শ্রীনন্দকুমার ॥
 সুবলের করে করিয়া প্রদান ।
 তিলক রচল বিদগধ কাণ ॥
 নারায়ণ নাম ভালেতে রচিয়া ।
 হাসে খল খল মুকুর ধরিয়া ॥
 তুলসীর মালা ত্রিকণ্ঠি করিয়া ।
 হরিষে পরল শ্রীহরি বলিয়া ॥
 পুঞ্জগুঞ্জমালা তাহার উপর ।
 লাগাওল শ্যাম নব-নটবর ॥
 ভান ভিক্ষাবুলি কাঁধেতে ধরিয়া ।
 উঠিলা নাগর কিশোরী স্মরিয়া ॥
 রজত-বরণোত্তরীয় বসন— ।
 শ্রীঅঙ্গ ঢাকিয়া করল ধারণ ॥
 জপমালা লঞা সুবল তখন ।
 বৈষ্ণবীর করে করিলা অর্পণ ॥
 তনে ত বৈষ্ণবী সুবলে কহিলা ।
 কার জপমালা মোরে সমর্পিলা ॥
 সুবল কহয়ে এ মালা আমায় ।
 বৃন্দা দিলা-তাই দিলাম তোমায়

বৈষ্ণবী কহয়ে এ মালায় ভাই ! ।
 কার নাম জপ হবে,—কহ তাই ॥
 সুবল কহয়ে “রাধা রাধা” নাম ।
 এ মালায় জপ কর অবিরাম ॥
 জপিতে জপিতে ভাব-কাস্তি তার ।
 পাইবে কানাই ! কহিলাম সার ॥
 সুবলের বাণী করিয়া শ্রবণ ।
 হাসিতে লাগিলা যশোদা-নন্দন ॥
 তবে ত সুবল অরুণ বরণ— ।
 অনুরাগ কস্থা করিলা অর্পণ ॥
 কস্থা পাঞা শ্যাম সুবলে কহিলা ।
 এ কস্থা কাহার নিকটে পাইলা ॥
 নানাবর্ণ সূত্রে চারু চিত্রা চিত্রা— ।
 কস্থা মনোহরা পরম পবিত্রা ॥
 কেবা তোমা ইহা করিলা অর্পণ ।
 কহ সখে ! তাই করিব শ্রবণ ॥
 সুবল কহয়ে সুচিত্রা আমায় ।
 এই কস্থা দিলা কহিনু তোমায় ॥
 কানু কহে ভাই ! কি কাজ করিলে ।
 এখন হইতে কস্থা ধরাইলে ॥
 সুবল কহয়ে নাহি কর দুঃখ ।
 এ কস্থা ধারণে পাবে বড় সুখ ॥

কিশোরীর তরে ধর যদি কস্থা ।
 সেই ত তোমার পরসুখ পস্থা ॥
 কিশোরী-পূজন—কিশোরী-ভজন ।
 কিশোরী-চরণ পরম শরণ— ॥
 যাহার তাহার এ কস্থা ধারণে ।
 পরম আনন্দ বুঝে দেখ মনে ॥
 স্নবলের বাণী করিয়া শ্রবণ ।
 হাসিতে হাসিতে বৈষ্ণবী তখন ॥
 মরাল গমনে নিতম্ব নাচাঞা ।
 গমন করয়ে চারিদিক চাঞা ॥
 রাই-রূপ ভাবি মনের উল্লাসে ।
 উতরিল গিয়া জটিলার বাসে ॥
 বৈষ্ণবী হেরিয়া জটিল তখনে ।
 তুরিত উঠিয়া করিলা বন্দনে ॥
 আসন আনিয়া আনন্দ অস্তুরে ।
 পাতিয়া দিলেন বসিবার তরে ॥
 আসনে বসিয়া বৈষ্ণবী তখন ।
 অধোমুখে মালা করয়ে জপন ॥
 জটিল আনন্দে বৈষ্ণবীরে কয় ।
 কোথা তব বাস দেহ পরিচয় ॥
 বৈষ্ণবী কহয়ে আমার নিবাস ।
 এক ঠাই নয়,—করিনু প্রকাশ ॥

কভু বদ্রিনাথে কভু বা কেরলে ।
 কভু কামকোষ্ঠি কভু বা কোশলে ॥
 কখন বেক্সটে শ্রীরঙ্গে কখন ।
 কভু কাঞ্চী কভু দণ্ডককানন ॥
 কভু ঋষভাদ্রি কভু বৃন্দাবন ।
 কভু মধুপুরী, বদরীকানন ॥
 কভু মন্দারকে কভু চিত্রগিরি ।
 কভু বা প্রভাসতীরে ঘুরি ফিরি ॥
 কভু নীলগিরি, দক্ষিণ মথুরা ।
 কভু সূর্য্যারক, মাহীশ্রতিপুরা ॥
 কভু গয়াক্ষেত্র শ্রীবিষ্ণুচরণে ।
 কভু বা প্রয়াগে মাধব সদনে ॥
 কভু গায়ত্রী দ্বারে সুরধ্বনী-তীরে ।
 কভু শিবকাশী কভু শৈল-শিরে ॥
 কভু অবন্তীতে কভু বা সাগরে ।
 কভুবা কঙ্কালে, দ্রাবিড় অন্তরে ॥
 কভু চন্দ্রনাথে, নৈমিষে কখন ।
 কভু বা পুষ্করে সাবিত্রী সদন ॥
 কভু বিষ্ণ্যাচলে আগার নিবাস ।
 কামসরোবরে কভু বা প্রকাশ ॥
 কভু বা নেপালে শিব সন্নিধানে ।
 কভু পঞ্চবটী শ্রীরাম যেখানে ॥

আমার নিবাস কত ঠাণ্ডা হয় ।
 কার সাধ্য তাহা করিবে নিশ্চয় ॥
 চৌদ্দ ভুবনের বার্তাবলী বাহা ।
 আমার অন্তরে সদা জাগে তাহা ॥
 যে মোরে যে ভাবে মনে বাসে ভাল ।
 তারে আমি ভালবাসি চিরকাল ॥
 বৈষ্ণবীর বাণী করিয়া শ্রবণ ।
 করযোড়ে কয় জটিল তখন ॥
 ওগো ঠাকুরাণি ! অনেক সাধনে ।
 হেরিতেছ সব যুগল নয়নে ॥
 তোমার বিদিত সকল সংসার ।
 তুয়া অবিদিত কিছু নাহি আর ॥
 আমার ঘরের শুভাশুভ কথা ।
 কৃপা করি कह না কর অন্যথা ॥
 জটিলার বাণী করিয়া শ্রবণ ।
 হাসিয়া বৈষ্ণবী कहিলা তখন ॥
 ছিটা-ফোঁটা-মন্ত্র-গণা-গাথা যত ।
 সকলি আমার কণ্ঠ-করগত ॥
 পরবেশ করি বাড়ীতে যাহার ।
 তখনি বাড়ীর বারতা তাহার—॥
 সকলিত আমি পারি জানিবারে ।
 প্রকাশিয়া এই कहিনু তোমাতে ॥

তোমার ঘরের বধু হন যিনি ।
 স্বপতি বিরতা চিরদিন তিনি ॥
 নন্দের নন্দন এ গোকুলে যেটা ।
 বধুর ঘরেতে সিঁদ দিল সেটা ॥
 সিঁদকাটা চোর তাহার সমান ।
 ভুবন ভিতরে নাহি দেখি আন ॥
 সিঁদ দিয়া অন্তঃপুরে সবাকার ।
 সাধে নিজ কাজ এমনি বেভার ॥
 প্রায় কেহ তারে ধরিবারে নারে ।
 যে বড় চতুর সেই ধরে তারে ॥
 বৈষ্ণবীর মুখে শুনি হেন কথা ।
 জটীলা মরমে পাঞা বড় ব্যথা ॥
 করঘোড়ে কয় বৈষ্ণবীরে তবে ।
 সে চোর ধরার উপায় কি হবে ॥
 ধরিতে পারিলে সে ধূর্ত চোরারে— ।
 রাখিয়া আসিব কংস-কারাগারে ॥
 ইহা শুনি কয় বৈষ্ণবী তখন ।
 এক মস্ত্রে চোর হইবে দমন ॥
 নড়ন-চড়ন নাহি রবে তার ।
 মস্ত্র বল কত দেখিবে আমার ॥
 হে জটীলে ! নাহি ভাবনা তাহার ।
 মোর মস্ত্রে চোর হবে ছারখার ॥

আমাদের লইয়া চল বধু পাশ ।
 আগে দেখি তার কিসের পিয়াস
 জটিল। তখন লঞা বৈষ্ণবীরে ।
 বধুর ভবনে চলে ধীরে ধীরে ॥
 দূর হৈতে রাই হেরি জটিলায় ।
 ঘোড়টা টানিয়া ঘর মাঝে যায় ॥
 তবে ত জটিল। বধু পাশ কয় ।
 এই ঠাকুরাণী সামান্য না হয় ॥
 সকল তীর্থেতে ভ্রমণ ইহঁার ।
 সাধনে গোচর সকল সংসার ॥
 স্বসিদ্ধা বৈষ্ণবী ভুবন ভিতর ।
 ইহঁার সমান না হয় গোচর ॥
 জটিলার বাণী শুনিয়া শ্রীমতী ।
 বৈষ্ণবীর পদে করিলা প্রণতি ॥
 রাধার ইঙ্গিতে প্রিয় সখীগণ ।
 বৈষ্ণবীরে দিলা বসিতে আসন ॥
 বসিয়া বৈষ্ণবী জটিলারে কয় ।
 তোমার বধূটা বড় ভাল হয় ॥
 নন্দের-নন্দন কালীয়াবরণ ।
 কেবল ইহা করে করিলা এমন ॥
 এমনি বাড়ন বাড়িব বধুরে ।
 নন্দের-নন্দন পলাইবে দূরে ॥

ঝাড়ন সময়ে নিকটে আমার ।
 কেহ না থাকিবে কহিলাম সার ॥
 নিভূতে লইয়া তোমার বধুরে ।
 ঝাড়ন ঝাড়িব অতি মৃদু-সুরে ॥
 বৈষ্ণবীর কথা করিয়া শ্রবণ ।
 জটীলা কাতরে করে নিবেদন ॥
 যাতে ভাল হয় করিবেন তাই ।
 প্রণমিয়া আমি নিজ ঘরে যাই ॥
 জটীলার গতি করি দরশনে ।
 মুচকি মুচকি হাসে সখীগণে ॥
 বৈষ্ণবী সাজিয়া জটীলা মোহন ।
 দিবসে করিলা মদন-দলন ॥
 ভুবন মোহিত যাহার মায়ায় ।
 জটীলা মোহন তার নহে দায় ॥
 রাধার ইঙ্গিতে তবে সখীগণে ।
 সেখান হইতে হইলা গোপনে ॥
 শ্রীমতী তখন বৈষ্ণবীরে কয় ।
 কি নাম তোমার দেহ পরিচয় ॥
 বৈষ্ণবী কহয়ে “রাধাদাসী” নাম ।
 বাস সব ঠাঁই,—কহি তুয়া ঠাম ॥
 “বিলাসমঞ্জরী” আর নাম হয় ।
 হে সুন্দরি ! এই মঝু পরিচয় ॥

ছুঃখের কথা কি বলিব তোমায়ে ।
 ছুরন্ত যৌবনে ঠাকুর আমায়ে ॥
 বিরহ আগুনে করি পরিহার ।
 বৈরাগী হইলা ছাড়িয়া সংসার ॥
 গোকুল-নগরে করি আগমন ।
 বিজন বনেতে করিছে ভজন ॥
 ত্রিসন্ধ্যা সিনান যমুনার জলে ।
 “গোপী” বলি কাঁদে নীপতরুতলে ॥
 দিবারন্তাবধি মহানিশা ধরি ।
 নয়ন মুদ্রিয়া বলে “হরি হরি ॥”
 মহানিশাপর আরম্ভ করিয়া— ।
 ব্রহ্মরাত্রাবধি প্রেমেতে মাতিয়া— ॥
 লক্ষ “রাধা” নাম করেন কীর্তন ।
 নয়ন-নীরেতে ভাসেন তখন ॥
 নাহি জানি “রাধা” নামে কত গুড় ।
 আন নাম সব ভুলিলা ঠাকুর ॥
 মাধুকরি করি ভরয়ে উদর ।
 ভিক্ না মাগেন কাহার গোচর ॥
 নামমালা গোপী গলেতে শোভয় ।
 “রাধা” নামাঙ্কিত শূনি অঙ্গময় ॥
 “শ্রীরাধাহৃদয়” নামটি তাঁহার ।
 রাখিয়াছে গুরু করিয়া বিচার ॥

লোকমুখে ইহা করিয়া শ্রবণে ।
 দরশন লাগি আনু বৃন্দাবনে ॥
 তাঁর তরে মুখিঃ বৈষ্ণবী হইয়া ।
 তীর্থে তীর্থে ফিরি মন গুমরিয়া ॥
 ভ্রমিতে ভ্রমিতে এথায় গমন ।
 নিবেদিবু এই তোমার সদন ॥
 শ্রীমতী কহয়ে বিলাসমঞ্জরি ! ।
 বিলাস*কেমন কহ কৃপা করি ॥
 বৈষ্ণবী কহয়ে অনেক বিলাস ।
 রূপ, রস, প্রেম প্রধান প্রকাশ ॥
 রূপে অঁখি, রসে জিহ্বা, প্রেমে মন
 রসিক রসিকা তিনেতে মগন ॥
 কিশোরী কহয়ে কাহার নিকটে ।
 শিখিলা বিলাস কহ অকপটে ॥
 বৈষ্ণবী কহয়ে তোহাঁরি কৃপায় ।
 শিখিবু বিলাসকলা সমুদায় ॥
 বৈষ্ণবীর মুখে এহেন ভারতী ।
 শ্রবণ করিয়া কহিলা শ্রীমতী ॥
 মরি মরি বঁধো ! দেখিয়া তোমায় ।
 অভাগীর তরে দিলা কাঁথা গায় ॥
 অভাগীর তরে কাঁধে ভিক্ষা বুলাই ।
 অভাগীর তরে ফের কুলি কুলি ॥

অভাগীর তরে জটিল ভবনে ।
 বৈষ্ণবী সাজিয়া করিলা গমনে ॥
 তোমার গুণের নিছনি লইয়া ।
 মরি ! মরি ! গুণমাগরে ডুবিয়া ॥
 গুণাতীত গুণ বঁধোহে ! তোমার ।
 তুলনা নাহিক ভুবনে যাহার ॥
 আমার লাগিয়া পেলো যত দুঃখ ।
 সে সব ভাবিতে ফেটে যায় বুক ॥
 হৃদয় পুতলী তুমি হে ! আমার ।
 তোমা বিনু মোর গতি নাহি আর ॥
 তোমা বিনু মুই হই শবাকার ।
 তোমা বিনু অঁধা সকল সংসার ॥
 ধরম-করম তুমি হে ! আমার ।
 তোমা বিনু সব জানি যে অসার ॥
 হেন কথা শুনি নাগর তখন ।
 রাধারে ধরিয়া করিলা চুম্বন ॥
 চামীকর লতা তমালে ঘেড়ল ।
 হেরি রতিপতি লাজেতে ভাগল ॥
 বৈষ্ণবী-মিলন প্রেমের সাগর ।
 বিধি ভবাদির নাহিক গোচর ॥
 শৃঙ্গার রসের ভকত যাহারা ।
 বৈষ্ণবী-মিলন বুঝয়ে তাঁহারা ॥

প্রাকৃত্য বুদ্ধিতে বৈষ্ণবী-মিলন ।
 বুদ্ধিতে নারিবে কভু কোন জন ॥
 রসিক-রঞ্জন শ্রীবংশীবদন— ।
 চরণ হৃদয়ে করিয়া ধারণ ॥
 প্রেমানন্দোদয় বৈষ্ণবী-মিলন ।
 বিপিনবিহারি করিল বর্ণন ॥ ৭ ॥

মনের প্রতি ।

দিবা যষ্ঠমূহূর্ত্তে বৈষ্ণবী-মিলন ।
 ওরে মনঃ ! অনুদিন করহ স্মরণ ॥ ৭ ॥

শ্রীবিদেশিনী-মিলন ।

তদুচিত শ্রীগৌরচন্দ্রঃ ।

গ্রন্থকারস্য নমস্কারঃ ।

বিদেশিনীং সমালোক্য যো দেবঃ কেশমম্বভূং ।
 তং ভক্তিপ্রিয়ভক্তেশং শ্রীগৌরাঙ্গং ভজামহে ॥ ৮ ॥

রাগঃ ।

জয় গোরা ভকত-রঞ্জন ।

প্রিয় গদাধর সঙ্গে, ভোজন করেন সঙ্গে,
 লক্ষ্মীপতি শ্রীশচী-নন্দন ॥ ৫ঃ ॥

ভোজন করহ আগে, যাহা তব মনে লাগে,
হেন শুনি বিদেশিনী হাসে ॥

ঠারে ঠোরে গদাধর, কহে ওহে বিশ্বস্তর !,
তোমায়ে করিতে দরশন ।

স্ব-কৈলাশ পরিহরি, বিদেশিনী বেশ ধরি,
“শঙ্করী” করিলা আগমন ॥

ইহা শুনি বিশ্বস্তর, কন ওহে গদাধর !,
কেন মোরে ছল অকারণে ।

পূরাইতে নিজ কাম, বিদেশিনী সাজে শ্যাম,
যাইছেন জটিল ভবনে ॥

আর দেখ গদাধর !, রসময়-নটবর,
ললিত-ত্রিভঙ্গ শ্যামরায় ।

বুদ্ধিদূতী করি সঙ্গে, যাইছেন কিবা সঙ্গে,
মৃদুহাসি আনন্দ হিয়ায় ॥

মন দূতে আগে রাখি, রাই প্রেম করি সাখী,
স্ব-বিশাল নিতম্ব দোলায়ে ।

বাঁ-পদ বাড়ীঞা আগে, বিনোদিনী অনুরাগে,
যাইছেন সবারে ভুলায়ে ॥

হেন শুনি গদাধর, ভঙ্গী করি মনোহর,
কহিলেন প্রিয় বিশ্বস্তরে ।

ব্রজ ভাবে হঞা ভোরা, কিবা কহ নবগোরা !,
তাহা কিছু না বুঝি অস্তরে ॥

তবাস্তুর ভাব যাহা, কার সাধ্য বুঝে তাহা,
যাহারে জানাও সেই জানে ।

শুনি গদাধর বাণী, ভালে বাম কর হানি,
আচমিয়া করে গাত্রোথানে ॥

মুখ প্রক্ষালণ করি, স্মরি জনার্দন-হরি,
সুতামূল করেন ভঙ্গণে ।

বস্ত্র বাঁধি শিরোপরে, বসি বিদ্যাদান ঘরে,
নানা কথা করে আলাপনে ॥

শুনিয়া সে সব কথা, গদাধর পাঞা ব্যথা,
ভাবে মগ্ন হইয়া রহয় ।

বিদেশিনী তথা আসি, হুহু-হুহু-হুহু হাসি,
গোরাপদে প্রণাম করয় ॥

পরকাস্তা হেরি ঘরে, গোরাচাঁদ লজ্জাস্তরে,
বিদেশিনী প্রতি এই কয় ।

বিদেশিনি ! হুয়া করি, যাও গৃহ পরিহরি,
এথা রহা উচিত না হয় ॥

হেনমতে গোরায়ায়, তাঁহারে করি বিদায়,
পূর্বভাবে নিমগ্ন হইয়া ।

গদাইর কণ্ঠ ধরি, কহে কি উপায় করি,
কিসে থির করি এই হিয়া ॥

দেয়াশিনী বেশে কাণ, জটীলা-ভবনে যান,
মোরে সঙ্গে কেন না লইলা ।

এত কহি গৌরহরি, শয্যায় শয়ন করি,—
 গোঁ-গোঁ রব করিতে লাগিলা ॥
 গদাধর কহে গোরা !, কেন ভাবে হঞা ভোরা,
 এথা তুমি করিছ এমন ।
 একি সেই বৃন্দাবন, ওহে ক্রীশচীনন্দন !,
 এবে ভাব কর সম্বরণ ॥
 বিপিনবিহারি কয়, এভাব বিষম হয়,
 ভাবুকের হৃদয় মাতায় ।
 ভাবের বিক্রম যাহা, ভাবুক জানয়ে তাহা,
 ভুবনেতে ভাব বড় দায় ॥ ৮ ॥

গ্রন্থকারস্য দণ্ডবন্দিতঃ ।

ধৃত্বা বিদেশিনী রূপং যো গচ্ছেজ্জটিলায়ম্ ।
 তং শৃঙ্গার স্বরূপঞ্চ গোবিন্দং সমুপাস্মহে ॥ ৮ ॥

চিত্র রাগ ।

দেখ দেখ সখি ! রঙ্গ ।
 বিদেশিনী বেশ নবীন ত্রিভঙ্গ ॥ ধ্রুঃ ॥
 পীত ধড়া ছাড়ি সুপীত ষাগড়ী ।
 পরল নাগর স্মরিয়া নাগরী ॥
 মোহন চূড়াটি সুবলের করে— ।
 সমপিয়া,—কেশ এলাইয়া ধরে ॥

প্রিয় বাঁশী-মুখ করিয়া চুম্বন ।
 সুবলের হাতে করেন অর্পণ ॥
 শ্যামাঙ্গে বিভূতি মাখল যতনে ।
 প্রণয় কাঁচুলী করল ধারণে ॥
 সুরভ্রু চন্দন কপালে লেপন— ।
 অনুরাগে করে মদনমোহন ॥
 মকর কুণ্ডল শোভিত শ্রবণে ।
 রুদ্রাক্ষের হার করল ধারণে ॥
 জাহ্নবী, যমুনা শোভা জিনি লোভা ।
 শঙ্খ, লোহে করে বাম কর শোভা ॥
 বাণী বর্ণ জিনি নারী মনোহর ।
 সূশঙ্খে শোভয়ে ডাহিন শ্রীকর ॥
 সিঁথায় সিন্দূর অরুণ আকার ।
 সতী মন হরে দরশনে যার ॥
 চরণ মঞ্জীর খুলিয়া নাগর ।
 বাজায়ে রাখল সুবল গোচর ॥
 বীণাপানি ভাব করিয়া বিজয় ।
 ডানি করে বীণা ধারণ করয় ॥
 ফুলের সাজিটী ধরি বাম করে ।
 সুবলে কহেন মৃদুমধুস্বরে ॥
 ওহে সখে ! মোরে দেহ জপমালা ।
 সুবল কহয়ে ঘটাইলে জ্বালা ॥

কার নাম শ্যাম ! জপিব মালায় ।
 প্রকাশ করিয়া কহ তা আমায় ॥
 কানু কহে ভাই ! কিশোরীর নাম ।
 জপিব মালায়,—কহি তুয়া ঠাম ॥
 কিশোরী স্মরণ—কিশোরী পূজন—
 কিশোরী বন্দন—কিশোরী কীর্ত্তন—
 কিশোরী চরণে আত্ম সমর্পণ— ।
 নয়নে কিশোরী হেরি সর্ববক্ষণ ॥
 কিশোরী বিনুহি কিছু নাহি জানি ।
 তুয়া পাশ এই কহিনু বাখানি ॥
 হেন বাণী শুনি সুবল তখনে ।
 জপমালা আনি সুহাস্ত বদনে— ॥
 সখার ডাহিন করে সমপিলা ।
 মালা হেরি শ্যাম সুবলে কহিলা ॥
 কহ কহ সখে ! মোরে অকপটে ।
 এ মালা পাইলা কাহার নিকটে ॥
 পঞ্চাস্ত রুদ্রাক্ষ ইহারে কহয় ।
 পঞ্চবাণ ইথে বিরাজ করয় ॥
 পঞ্চবাণে সেই দেব পঞ্চানন ।
 দেবা-সুর আদি করেন মোহন ॥
 পঞ্চানন পঞ্চরূপে এ মালায়— ।
 বিরাজ করেন কহিনু তোমায় ॥

ইহা শুনি কহে সুবল তখন ।
 পৌর্ণমাসী মোরে করিলা অর্পণ ॥
 পঞ্চশর সাধ্য হয় এ মালায় ।
 পৌর্ণমাসী ইহা কহিলা আমায় ॥
 পঞ্চশর ক্ষেপ করিবার তরে ।
 এ মালা স্তূপিছু তুয়া ডানি করে ॥
 এ মালায় ভাই ! সেই শরাধার ।
 মধুর নামটী জপ অনিবার ॥
 শরাধার নাম সাধ্য এ মালায় ।
 পৌর্ণমাসী ইহা কহিলা আমায় ॥
 সুবলের বাণী করিয়া শ্রবণে ।
 নাগর মুচকি হাসে চন্দ্রাননে ॥
 সুবল কহয়ে ভরতে ভাবিয়া ।
 ত্বরা যাও তথা শ্যাম-বিনোদিয়া ! ॥
 শুভ কাজে আর বিলম্ব না কর ।
 দেখ যেন পথে ধরা নাহি পড় ॥
 কানু কহে ভাই ! কিছু ভয় নাই ।
 মোরে ধরে প্রায় খুঁজি নাহি পাই ॥
 প্রেমাঙ্গন চোকে লাগাইলা যঁরা ।
 আমাকে ধরিতে পারিলেন তাঁরা ॥
 প্রেমিক জনায় যদি মোরে ধরে ।
 তাহে কিবা ভয় ?—বুঝহ অন্তরে ॥

স্তবল কহয়ে শ্যাম-রসরাজ ! ।
 সাধন করিনু সখার যে কাজ ॥
 ঠারে ঠারে তুমি কহ যত বাণী ।
 সে সব বাণীর মরম না জানি ॥
 হায় ! হায় ! নরলীলার মাধুরী ।
 সবে মোহে শ্যাম করিয়া চাতুরী ॥
 স্তবলাদি নিত্যসখা-সখী যারা ।
 মানবী লীলায় বিমোহিত তারা ॥
 তাহার প্রমাণ স্তবল সখায় ।
 “কহে যেন কেহ না ধরে তোমায় ॥”
 তবে কানু রাধা-চরণ স্মরিয়া ।
 বাম পদ আগে দিলা বাড়াইয়া ॥
 স্তবল হাসিয়া কহয়ে তখন ।
 কোথায় শিখিলা রঙ্গণী গমন ॥
 কানু কহে মোরে শিখাইল যেই ।
 আয়ান ভবনে বিরাজিছে সেই ॥
 হেন কহি শ্যাম যাবটাভিমুখে ।
 গমন করেন নিজ প্রেম স্তুখে ॥
 গোপ গোপীগণে ভুলাবার তরে ।
 অবিরত এই কন মধুস্বরে ॥
 “জয় জয় দেবী দুর্গতিনাশিনি ! ।
 রক্ষ ! রক্ষ ! নিতি গোপ-গোয়ালিনী ॥”

আশীর্ব্বাদ শুনি গোপ সিমস্তিনী ।
 বাহির হইয়া হেরে বিদেশিনী ॥
 বিদেশিনী সবে হেরিয়া নয়নে ।
 কহে ভাল আছে গোপ-গাভিগণে ॥
 স-গোকুল তোমা সবাকার জয় ।
 শত্রু হবে ক্ষয় নাহি পাবে ভয় ॥
 হেন কহি দেবী কুমারিকা সবে ।
 কহয়ে তোদের ভাল পতি হবে ॥
 এইরূপে সবে আশীষ করিয়া ।
 জটিলার দ্বারে উতরিল গিয়া ॥
 দ্বারেতে দাঁড়াঞা কহে বিদেশিনী ।
 “জয় জয় জয় গোপ-সিমস্তিনি ! ॥”
 হেন কথা শুনি কুটিলার সনে ।
 জটিল। আসিয়া পড়য়ে চরণে ॥
 করষোড়ে কহে ওগো বিদেশিনি ! ।
 কহ মো-ভ্রাতার মঙ্গল কাহিনী ॥
 বিদেশিনী কন মুছ মধুস্বরে ।
 তোমার ভ্রাতার জয় নিরন্তরে ॥
 এ ব্রজে তোমার ভ্রাতার সমানে ।
 ভাগ্যবান গোপ না হেরি নয়ানে ॥
 অনেক তপস্যা করি আচরণ— ।
 লভিয়াছে রাই রমণীভূষণ ॥

মহালক্ষ্মী হন বধূটী তোমার ।
 হে জটিলে ! এই কহিলাম সার ॥
 হেন শুনি তবে জটীলা-কুটীলা ।
 দেয়াশিনী লঞা গৃহে প্রবেশিলা ॥
 ক্ষণেক বসিঞা আপনার বাসে ।
 বিদেশিনী লঞা যায় বধু পাশে ॥
 ননদিনী সনে হেরি বিদেশিনী ।
 অঙ্গনে নামিলা রাই-বিনোদিনী ॥
 জটীলা কহে বো ! বিদেশিনী পাশ ।
 বর মাগো মনে যাহা অভিলাষ ॥
 রাখারে হেরিয়া বিদেশিনী কহে ।
 তোমার বধূটী সামান্য ত নহে ॥
 গন্ধর্ব পাবনী, সুলক্ষণযুতা ।
 সরবানন্দিনী এই ভানুসুতা ॥
 তবে রাই কর করিয়া ধারণে ।
 বিদেশিনী কন মধুর-বচনে ॥
 মাথার বসন কর উন্মোচন ।
 আশীষ করিব মনের মতন ॥
 হেন কহি দেবী মাথার বসন ।
 আপনার করে করে উন্মোচন ॥
 সাজিটী খুলিয়া কুসুম তুলিয়া— ।
 রাই কেশে বাঁধে মদনে মাতিয়া ॥

আশীষ করেন আনন্দে রহিবে ।
 কখন কলঙ্ক কুলে না হইবে ॥
 তবে ছলাগুরু ছলনা করিয়া— ।
 দুই ননদীরে কহেন হাসিয়া ॥
 তোমাদের এথা রহা ভাল নয় ।
 রহিলে বধূর হবে লাজোদয় ॥
 বর না চাহিবে মনের মতন ।
 তোমরা স্ব-ঘরে করহ গমন ॥
 বিদেশিনী বাণী করিয়া শ্রবণে ।
 জটীলা-কুটীলা করিলা গমনে ॥
 শ্রীরাধা-কৃষ্ণের সম্মিলন যথা ।
 জটিল-কুটিল ভাবহীন তথা ॥
 সরল-সহজ মধুর-মিলন ।
 বেদ-বিধি যার না পায় দর্শন ॥
 জটীলা-কুটীলা শ্রুতি-স্মৃতি হয় ।
 ব্রজভাব অধিকারিণী ত নয় ॥
 তবে বিনোদিনী ধীরে ধীরে কয়
 হিয়ার বেদনা কিমে বা যুচয় ॥
 বিদেশিনী কহে যাহার চরণে ।
 বাঁধিলে সুন্দরি ! আপন জীবনে
 পর-কাস্ত সেহ স্ব-কাস্ত না হয় ।
 হেত্রিও পাও ব্যথা কহিনু নিশ্চয়

পর-কাস্ত সনে গোপত পিরীতি ।
 বিষামৃত সম জানিবেক নিতি ॥
 বিরহে বিয়ের জ্বালা ভোগ হয় ।
 মিলনে অমৃত ভোগানন্দোদয় ॥
 কখন আনন্দ কভু দুঃখভোগ ।
 গোপত প্রেমের এই মহারোগ ॥
 কখন সংযোগ কখন বিয়োগ ।
 কখন অভোগ কখন সন্তোগ ॥
 হেন শুনি ধনী ঘোড়টা টানিয়া ।
 হাসে বিদেশিনী বদন চাহিয়া ॥
 বিদেশিনী কহে হাস কি কারণে ।
 রাই কহে কথা করিয়া শ্রবণে ॥
 বিদেশিনী কহে মনের মতন— ।
 কথাটী হইলে হাসে সব জন ॥
 রাই কহে কহ দেবী-দেয়াশিনি ! ।
 তুয়া পতি তোমা করি বিরহিণী ॥
 কিসের লাগিয়া ছাড়িলা ভবন ।
 কিবা নাম তাঁর করিব শ্রবণ ॥
 বিদেশিনী কহে মোর পতি যিনি ।
 অবস্খীতে গেলা পড়িবারে তিনি ॥
 কি পড়া পড়িলা গুরু সন্নিধানে ।
 ভবনে আসিয়া কন মোর থানে ॥

“সন্ন্যাসী হইব সংসার ছাড়িয়া ।
 ঘরে রহ তুমি স্ব-ধর্ম ধরিয়া ॥”
 হেন কহি তিনি মোরে পরিহরি ।
 বদরীকান্দে গেল দণ্ডধরি ॥
 নামটী তাঁহার “দেব-শ্রীনিবাস ।”
 তুয়া পাশ এই করিছু প্রকাশ ॥
 তার আজ্ঞামত আমি পাপ ঘরে ।
 স্বধর্মেরে রহিছু দুঃখীত অন্তরে ॥
 মুখরা শাশুড়ী-ননদী জ্বালায় ।
 দেয়াশিনী হ’নু স্মরিয়া তাঁহায় ॥
 কভু জ্বালামুখী কভু বা কজ্জলে ।
 কভু বা কাশীতে কভু বিক্ষ্যাচলে ॥
 কভু কামরূপে কামাখ্যা সদনে— ।
 থাকিয়া আইনু তব বৃন্দাবনে ॥
 বহু তীর্থ মুই করিয়া ভ্রমণ ।
 এবে তুয়া পদে লইনু শরণ ॥
 তোমার চরণ সকলের সার ।
 তোমা বিনু এবে নাহি জানি আর ॥
 রাই কহে দেবি ! তুমি যে জ্বালায়—
 জ্বালাতন হঞা ছাড়িলে সবায় ॥
 আমিও সে জ্বালা সহি সব ক্ষণ ।
 এস দেয়াশিনি ! করি আলিঙ্গন ॥

ওগো দেয়াশিনি ! বীণাটি বাজায়ে ।
 গান কর “মান” হৃদয় মাতায়ে ॥
 কিশোরী বচন শুনি দেয়াশিনী ।
 “মান” গান করে ছাড়িয়া রাগিণী ॥
 “এত মান কেন প্রাণ ! ক্রীতদাস প্রতি হে ! ।
 কৃপা কর কৃপাময়ি ! মানিনী শ্রীমতি হে ! ॥
 অকারণে প্রিয়জনে কেন দুঃখ দাও হে ! ।
 কোমল চরণ মোর মাথায় চাপাও হে ! ॥”
 “মান” গান শুনি হাসে সখীগণ ।
 লাজেতে কিশোরী মুদ্রিলা নয়ন ॥
 তবে কন ধনী জান কত ছল ।
 অন্তর-বাহির তোমার সকল ॥
 অন্তরে-অন্তরে রহিয়া নাগর ! ।
 বাহিরে-বাহির কর নটবর ! ॥
 তোমার অন্তর বুঝা অতি ভার ।
 বাহির করণ স্বভাব তোমার ॥
 বাঁশীটি বাজায়ে কুলুক লাগায়ে ।
 অবলা-সরলা হৃদয় মাতায়ে— ॥
 অবশেষ ডার দুঃখ পারাবারে ।
 তোমার বেভার কে বুঝিতে পারে ॥
 তবে বিদেশিনী নাগর কহয় ।
 আমার বেভার কেহ না নিন্দয় ॥

মরম ভেদন কুলুক সঙ্কানে ।
 পটু নাহি হেরি তোমার সমানে ॥
 তোমার কুলুক সঙ্কান আশায় ।
 বিদেশিনী বেশ ধরায় এথায় ॥
 হের ধনি ! তুয়া কুলুক সঙ্কানে— ।
 অথির হইয়া হারাইলু জ্ঞানে ॥
 তেঞি সে ধরিলু বিদেশিনী বেশ ।
 ওহে অবশেষা ! কহিলু বিশেষ ॥
 এবে কৃপা করি রাতুল-চরণ ।
 মঝু শিরোপরে করহ অর্পণ ॥
 হেন শুনি ধনী লঞা বিদেশিনী ।
 শয় গৃহে গেলা হঞা উন্মাদিনী ॥
 রাই সনে বিদেশিনী সঙ্গিলন— ।
 হেরি দূরে গেলা প্রিয় সখীগণ ॥
 পর্য্যঙ্ক শয্যায় বসিয়া নাগর ।
 ধনীরে বসান কোলের উপর ॥
 বদন চুম্বেন আনন্দ অন্তরে ।
 কভু উরসিজ মরদন করে ॥
 বাণী অঙ্কে কিবা রাম-রমা শোভা ।
 অতি চিত্রময় মন-প্রাণ-লোভা ॥
 বিদেশিনী বেশে বিদগধরাজ ।
 দিবসে সাধয়ে মনোমত কাজ ॥

রাই সনে বিদেশিনীর মিলন— ।
 অতি চিত্র যার না হয় বর্ণন ॥
 বেদ-বিধি আদি নাহি জানে যাহা ।
 কেবা বল ধরে বর্ণিবারে তাহা ॥
 অনঙ্গমঞ্জরী গুরু যে জনারে— ।
 কৃপা করে সেই বলিবারে পারে ॥
 প্রভু দীননাথ গোস্বামি নন্দন— ।
 বিপিন বিহারি কবির বর্ণন— ॥
 রাই সঙ্গে বিদেশিনীর মিলন ।
 ভক্তানন্দ সদা করুক বর্ধন ॥ ৮ ॥

মনের প্রতি ।

সপ্তম মুহূর্ত্তে বিদেশিনী-সন্মিলন ।
 ওরে মনঃ ! অনুদিন করহ স্মরণ ॥ ৮ ॥

শ্রীযোগিনী-মিলন ।

তছুচিত শ্রীগৌরচন্দ্রঃ ।

ঐশ্বর্যকারস্য নমস্কারঃ ।

বিলোক্য যোগিনীং সিদ্ধামগমদ্বিস্বয়ং হি যঃ ।
 তং গীর্বাণগণাধীশং শ্রীগৌরাজং ভজাম্যহম্ ॥ ৯ ॥

রাগঃ ।

জয় গোরা সুররাজ ! ।

অধ্যাহ শয়ন, করি বরজন,
বৈঠল ছাত্র সমাজ ॥ প্রঃ ৪

গদাধর সঙ্গে, অবধূত সঙ্গে,
উপনীত সেই ঠাই ।

উভয়ে হেরিয়া, মুচকি হাসিয়া,
কন পণ্ডিত নিমাই ॥

কিবা করি মনে, হোল আগমনে,
তাঁহা কহ মো-সদনে ।

গদাই নিতাই, কহয়ে নিমাই !,
আছে বিশেষ কারণে ॥

ভূগতিশাসিনী, স্বসিদ্ধা যোগিনী,
তোমার দর্শন আশে ।

কাশী পরিহরি, নদীয়া নগরী—,
এল ছাড়ি কুন্তিবাসে ॥

কুলীয়া নগরে, শ্রীমাধব ঘরে,
পঞ্চদিন করি বাস ।

আজিক বিহানে, করি গঙ্গাস্নানে,
 আইলা তোমার পাশে ॥

হেন শুনি গোরা, ভাবে হঞা ভোরা,
নিতাই গদায়ে কহে ।

মিছা একি ছল, প্রকাশিয়া বল,
ছলনা প্রাণে না সহে ॥

এমন সময়ে, দুই শিষ্যালয়ে,
যোগিনী আসিল তথা ।

যোগিনী হেরিয়া, মুচকি হাসিয়া,
অবধূত কহে কথা ॥

ওগো মা যোগিনি !, জন বিমোহিনি !,
দেহ নিজ পরিচয় ।

যোগিনী কহয়ে, মোর পরিচয়ে,
নাহি কোন ফলোদয় ॥

আসা যাঁর তরে, তিঁহ শচী ঘরে—,
বিরাজ করেন স্মুখে ।

ছাড়ি বৃন্দাবন, এথা আগমন,
কত কব এক মুখে ॥

তবে ত যোগিনী, শঙ্কর-সেবিনী,
গোরা পদে নতি করে ।

যোগিনীর কাজ, হেরি দ্বিজরাজ—,
গোরা হাসে ভাব ভরে ॥

যোগিনী তখন, গৌরাজ্ঞ সদন,
বিদায় মাগিয়া যায় ।

নিতাই গদাই, কহয়ে নিমাই !,
 যোগিনী কিছু না চায় ॥
 যোগিনী হেরিয়া, ভাবেতে মাতিয়া,
 কহেন গৌরাজ্জরায় ।
 যোগিনী সাজিয়া, শ্যাম-বিনোদিয়া,
 জটিল ভবনে যায় ॥
 জটিল মোহিয়া, শ্যাম-মোহনিয়া,
 সাধিবে আপন কাজ ।
 মরি ! কিবা রঙ্গ, জানয়ে ত্রিভঙ্গ—,
 শ্যাম-বিদগধরাজ ॥
 ইহা কহি গোরা, ভাবে হঞা ভোরা,
 হুঙ্কার রব করে ।
 গোরা-মুখ চাই, কহয়ে নিতাই,
 একি ভাব তবাস্তুরে ॥
 কহে গদাধর, ভাবুক অন্তর,
 কেহ বুঝিবারে নারে ।
 ভাবুক যাঁহারা, বুঝেন তাঁহারা,
 যাঁহারা মায়ার পারে ॥
 নিতাই-গদাই, সহিত নিমাই,
 করুণা করেন যায় ।
 সেই সে বুঝিবে, রসেতে মজিবে,
 এ বিপিন দাসে গায় ॥ ৯ ॥

মধুর-মিলন ।

গ্রন্থকারস্য দণ্ডবন্দতিঃ ।

যোগিনীরূপমাধুত্য যো গচ্ছেদ্রাধিকালয়ম্ ।

তং বহুরূপিণং দেবং নমামি শ্রামশুন্দরম্ ॥ ৯ ॥

চিত্র রাগ ।

মরি রে ! শোভার লইয়া বালাই ।

যোগিনী সাজল রসিক কানাই ॥ ধ্রুঃ

ছাড়ি পীতধড়া গেড়ুয়া ঘাগরী— ।

পরিধান কিবা হের আঁখি ভরি ॥

সর্বদাঙ্গ ভঙ্গ্য মাখল যতনে ।

শ্রাম-শিবরূপ করল ধারণে ॥

গেড়ুয়া কাঁচলী উরসে বন্ধন ।

গেড়ুয়া উড়ানী তাহাতে বেঁধেন ॥

এলায়ে কুস্তল চামর আকারে— ।

পিঠে ফেলাইলা ভারিয়া রাধারে ॥

শ্রবণকুণ্ডল করি পরিহার ।

পরল রুদ্রাঙ্গ শ্রীনন্দ-কুমার ॥

বেতসির আর মহানীমমালা ।

শ্রীকণ্ঠে পরল শ্রীচিকণ-কালা ॥

তদুপরি কিবা রুদ্রাঙ্গ শোভন— ।

গুঞ্জামাল সহ করল ধারণ ॥

শ্রীকর ভূষণ রুদ্রাক্ষের হার ।

বালান্দ জিনি শোভাটী যাহার ॥

রকত চন্দনে ত্রিপুণ্ড্র ধারণ— ।

করল নাগর মনের মতন ॥

রুদ্রাক্ষ মালায় শ্রীরাধার নাম ।

প্রেমানন্দে জপে নবঘনশ্যাম ॥

যোগিনীর বেশ হেরিয়া সুবল ।

হাসিয়া কহেন একি হে শ্যামল ! ॥

কি মনে করিয়া এমন সময় ।

যোগিনী সাজিলা শ্যাম-রসময় ! ॥

কানু কহে ভাই ! জানত সকল ।

মিছা-মিছি কেন করিতেছ ছল ॥

সুবল কহয়ে শ্রীদুর্গা স্মরিয়া ।

শুভযাত্রা কর শ্যাম-বিনোদিয়া ! ॥

গোষ্ঠেতে আসিয়া নিতি এই রঙ্গ ।

কেন কর বল ললিত-ত্রিভঙ্গ ! ॥

ভয় নাহি কিছু তোমার অন্তরে ।

দিনে ডাকাইতি বল কেবা করে ॥

গরজে গেয়ান কার নাহি রয় ।

কানু কন তাত জান সমুদয় ॥

হেন কহি শ্যাম মুচকি হাসিয়া ।

যাত্রা করে রাই চরণ চিস্তিয়া ॥

গোপ গোপীগণে ভুলাবার তরে ।
 মুখে দুর্গানাম করে মধুস্বরে ॥
 হে দুর্গে ! দুর্গতিনাশিনি ! শঙ্করি ! ।
 রক্ষ ! রক্ষ ! সবে শ্রীশিব-সুন্দরি ! ॥
 গোকুল-গো-কুল গোপ-গোপীগণে ।
 হের গো তারিণি ! প্রসন্ন নয়নে ॥
 শুভবাণী শুনি যোগিনী-বদনে ।
 সবাই আসিয়া পড়য়ে চরণে ॥
 হাসি দেবী সবে আশীষ করয় ।
 ভয়হরা দূর করু সব ভয় ॥
 শীতলা শীতল করু কৃপেক্ষণে ।
 হেনমতে মোহি গোপ-গোপীগণে ॥
 উতরেন গিয়া জটিলার দ্বারে ।
 দাসীগণ যাঞা কহে জটিলারে ॥
 দুয়ারে দাঁড়াঞা আছেন যোগিনী ।
 শুনিয়া জটিল লইয়া ভগিনী— ॥
 দ্বারে যাঞা পড়ে যোগিনী চরণে ।
 যোগিনী আশীষ করে হাস্থাননে ॥
 সশিব শিবানী তোমা সবাকারে ।
 চির সুখী করু এ ব্রজ মাঝারে ॥
 আশীষ শুনিয়া জটিল-কুটিল ।
 আনন্দ-সাগরে মগন হইলা ॥

যোড়কর করি যোগিনীরে কয় ।
 তুয়া আশীর্ব্বাদে কিবা নাহি হয় ॥
 এস মা যোগিনি ! ভবন মাঝার ।
 বাসনা পূরণ হউ সবাকার ॥
 যোগিনী কহয়ে কাহার ভবনে ।
 কভু নাহি মুই করিয়ে গমনে ॥
 তোমা ছুই ভাব করি দরশন ।
 তুঁহ ছুই ঘরে য্যাতে হয় মন ॥
 জটিল কহয়ে ভাগ্য সে আমার ।
 এস মা ! করুণা করিয়া বিছার ॥
 জটিল-কুটিল সঙ্গিতে যোগিনী ।
 প্রবেসিলা ঘরে ভাবি বিনোদিনী ॥
 আন জন আন করয়ে চিস্তন ।
 শ্যাম চিস্তে সেই শ্রীরাধা-বদন ॥
 আসনে বসিয়া যোগিনী তখন ।
 গেহের বারতা করেন শ্রবণ ॥
 যোগিনী কহেন যোগবলে মুই ।
 সকল জানিতে পারি যা কিছুই ॥
 যোগ দ্বারা যোগ বিয়োগ ঘটাই ।
 আমার অসাধ্য কোন কাজ নাই ॥
 মারগোচাটন-স্তুস্তন-মোহন— ।
 বশীকরণাদি করিমু সাধন ॥

শুনিয়া জটিল কুটিল কহয় ।
 ওগো মা যোগিনি ! যোগে কি না হয় ॥
 শশির কিরণ করিয়া ধারণ ।
 শশিলোকে যোগী করেন গমন ॥
 পরকায়ে যোগী করিয়া প্রবেশ ।
 পরভোগ ভোগ করেন বিশেষ ॥
 যোগের অসাধ্য কোন কাজ নাই ।
 সৃষ্টিনাশ যোগে শুনিলারে পাই ॥
 এবে দয়া করি জননী যোগিনি ! ।
 চল বধূঘরে শিব-সিমস্তিনি ! ॥
 যোগিনী কহেন বধূটী তোমার ।
 বাপের বাড়ী কি আপনার ঘর ॥
 জটিল কহয়ে জানিছ সকল ।
 মোরে চাল কেন করি মিছা ছল ॥
 তবেত জটিল কুটিলার সঙ্গে ।
 রাই গৃহে শঠ যান নানা রঙ্গে ॥
 ননদী সনেতে যোগিনী গমন ।
 দূরে হোতে প্যারী করি দরশন ॥
 গৃহ পরিহরি অঙ্গন উপরে ।
 দাঁড়ায়েন আসি মুছলাজাস্তরে ॥
 জটিল কহে বোঁ ! ইহার চরণে ।
 পরণাম কর করিয়া বন্দনে ॥

ইহঁার অসাধ্য কোন কাজ নাই ।
 এমন যোগিনী দেখিতে না পাই ॥
 তোমার কলঙ্ক ইহঁার কুপায় ।
 দূরেতে যাইবে কহিনু তোমায় ॥
 যোগিনী কহয়ে জটিলে ! কুটিলে !
 বধূর কিসের কলঙ্ক শুনিলে ॥
 জটিল কপালে করাঘাত করি ।
 কহয়ে আর কি কহিব সুন্দরি ! ॥
 নন্দের-নন্দন কালুটে কাণাই ।
 আমার বধূর হঞাছে বালাই ॥
 সঙ্কেতে যোগিনী কহেন তখন ।
 অনেক দিনের বালাই সে জন ॥
 হেন কহি পুনঃ হাসিয়া কহয় ।
 জটিলে ! কুটিলে ! আর নাহি ভয় ॥
 উচাটন মন্ত্রে কালুটে কাণায়ে ।
 পাঠাইব দূরে এ ব্রজ ছাড়ায়ে ॥
 যমুনা-কিনারে আর না ভ্রমিবে ।
 জাহ্নবীর-তীরে ঘুরিয়া মরিবে ॥
 পাগলের ন্যায় হরি হরি বলে ।
 ভাসিবে সদাই নয়নের জলে ॥
 তোমা ছুইজনে কাঁদালে যেমন ।
 তেমনি কাঁদিবে সে নন্দ-নন্দন ॥

কাঁদালে কাঁদিতে হয় আপনারে ।
 এই ত দেখি যে বিধির বিচারে ॥
 জটিল্য কহয়ে সে দিন কি আর ।
 ওগো মা যোগিনি ! হইবে আমার ॥
 কবে দূরে যাবে মনের বেদন ।
 যোগিনী কহেন দেখিবে যখন ॥
 যেমনি ঘুরান ঘুরাইব তায় ।
 তেমনি কাঁদাব কহিনু তোমায় ॥
 জটিল্য কহয়ে ওমুখ-বচন ।
 বিফল নাহিক হইবে কখন ॥
 যোগিনী কহেন জটিল্যে ! কুটিল্যে ! ।
 কেন আর ভাস নয়ন-সলিলে ॥
 তাঁতির চড়কী ঘুরয়ে যেমন ।
 তাহারে ক্ষেপায়ে ঘুরাব তেমন ॥
 কোথা ব্রজ কোথা গোপিনী বলিয়া ।
 ঘুরিয়া বেড়াবে কাঁদিয়া কাঁদিয়া ॥
 কভু ভিক্ষা ঝুলী করিয়া কাঁধেতে ।
 ভ্রমণ করিবে সবার দ্বারেতে ॥
 তার কিবা সাজা চাহ দিতে তারে ।
 যাহা চাবে তাহা হবে যোগ দ্বারে ॥
 জটিল্য কহয়ে নন্দের-নন্দন ।
 এ ব্রজ ছাড়িয়া করিলে গমন ॥

অন্তরের ব্যথা নাহি রবে আর ।
 ওগো মা যোগিনি ! কহিলাম সার ॥
 যোগিনী কহয়ে আনন্দ অন্তরে ।
 জটিলে ! কুটিলে ? যাও স্ব-স্ব ঘরে ।
 মনের বাসনা তোমাদের বাহা ।
 এখনি পূরণ করিব গো ! তাহা ॥
 বধূর মনের ভাব বুঝিবারে ।
 এথা হোতে যেতে কহি দুজনারে ॥
 ইহা শুনি তবে জটিল-কুটিল ।
 আপন আপন ঘরেতে যাইলা ॥
 কিশোরী তখন ঘোঙটা খুলিয়া ।
 যোগিনীকে কন মুচকি হাসিয়া ॥
 কি লাগি যোগিনী হইলা সুন্দরি ! ।
 কিবা নাম তুয়া কহ দয়া করি ॥
 যোগিনী কহেন, মোর পতি যিনি ।
 যৌবনে আমারে করে বিরহিণী ॥
 সন্মাস করিলা, কহিনু তোমায় ।
 “রাধা দাসী” মোর নাম সবে গায় ॥
 নানা তীর্থ মুই করিয়া ভ্রমণ ।
 সার কৈনু তুয়া যুগল-চরণ ॥
 সর্বতীর্থ ফল চরণে তোমার ।
 তুয়া বিনু সব হেরি অন্ধকার ॥

হেন শুনি ধনী ঘোড়াটা টানিয়া ।
 কহেন বঁধুর বদন হেরিয়া ॥
 কত বেশ নাথ ! পার ধরিবারে ।
 তুয়া রঙ্গ কেবা বুঝিবারে পারে ॥
 বেশে বেশে সবে বিমোহিত করি !
 অভাগীর পাশ এস হে শ্রীহরি ॥
 করযোড়ে তবে যোগিনী কহয় ।
 মঝু প্রাতি কেন হইলে নিদয় ॥
 মানময়ি ! মান কর পরিহার ।
 বিরহ বেদনা নাহি সহে আর ॥
 অনিদান মান উচিত না হয় ।
 আমি হে ! তোমার,—আর কার নয় ॥
 তবাজ্ঞ স্নগন্ধ আমার জীবন ।
 জাগিয়ে-ঘুমায়ে করয়ে গ্রহণ ॥ ১ ॥
 তব নাম-গুণ আমার বচন ।
 সদা সর্বক্ষণ করয়ে কীৰ্ত্তন ॥ ২ ॥
 তব মুখামৃতরস রস সার ।
 সদা আস্বাদয়ে রসনা আমার ॥ ৩ ॥
 তুয়া ভঙ্গী-রূপ মাধুর্য্য নয়নে — ।
 শয়নে-স্বপনে করি দরশনে ॥ ৪ ॥
 তোমার বাগাদি ধনিতে শ্রবণ ।
 অনুক্ষণ ধনি ! আছেয়ে মগন ॥ ৫ ॥

রূপ-রস আদি ভোগাই বিষয় ।
 তুমি হে ! আমার কহিনু নিশ্চয় ॥
 মম মন প্রিয়ে ! তোমার উপর ।
 আকৃষ্ট হইয়া আছে নিরন্তর ॥ ৬ ॥
 কর দুই মোর করমে তোমার ।
 সদা রত এই কহিলাম সার ॥ ৭ ॥
 ত্বক্ তন্নি ! রাই ! তুয়া পরশনে ।
 সদাকৃষ্ট এই নিবেদি চরণে ॥ ৮ ॥
 তুমি হে ! আমার সববস ধন ।
 তোমা বিনু অঁধা দেখিয়ে ভুবন ॥
 তোমা বিনু জড় আমি হে ! সদাই ।
 মরমের কথা কহিলাম রাই ! ॥
 তুমি হে আমাতে, আমি হে তোমায় ।
 কিছু ভেদ নাই তোমায় আমায় ॥
 বীজ ভেদ চিন্ যাহা দেখা যায় ।
 সে চিন্ নাহিক তোমায় আমায় ॥
 তোমায় আমায় এমনি মিলন ।
 দেখিবারে নাহে অরসিক গণ ॥
 আন কথা কিবা নিবেদিব প্যারি ! ।
 আগরা উভয়ে লখিবারে নারি ॥
 তোমার আমার এ চিত্র মিলন ।
 তোমার কুপায় লখিবে ভুবন ॥

মরমের কথা কহিনু তোমায় ।
 গান ত্যজি দাও চরণ মাথায় ॥
 অনিদান মানে কেন বধ প্রাণ ।
 পদে ধরি রাখে ! দেহ মান দান ॥
 দানী হঞা কেন হইছ কৃপণ ।
 তুমি হে ! আমার জীবন শরণ ॥
 তোমার কারণে হইনু যোগিনী ।
 অন্তরের কথা কনু বিনোদিনি ! ॥
 অন্তরে রহিয়া কেন হে ! আমায় ।
 হ্রঃখ দাও বল ?—বিরহ ব্যথায় ॥
 তুলিয়া বদন প্রসন্ন নয়নে ।
 বারেক হের হে ! অনুগত জনে ॥
 বিলম্ব করিলে মরিব এথায় ।
 তখন কে আর সাধিবে তোমায় ॥
 রাধার ইঙ্গিতে তবে সখীগণে ।
 মুচকি হাসিয়া হইলা গোপনে ॥
 নাগরী তখন যোগিনী নাগরে—।
 লইয়া প্রবেশে আপনার ঘরে ॥
 পর্য্যঙ্ক উপরে কগল শয্যায়— ।
 বৈঠল নাগর লইয়া রাধায় ॥
 বদন চুম্বন আনন্দ হিয়ায় ।
 কভু বন্ধোপরি তুলিয়া বসায় ॥

মধুর বিলাস হেরিয়া মদন ।
 দূরেতে ভাগল পাইয়া বেদন ॥
 যোগিনী সাজিয়া মদন-মোহন ।
 সাধে নিজ কাজ মনের মতন ॥
 শ্রীরাধা-কৃষ্ণের রহঃকেলী যাহা ।
 সর্বকাল জয়যুক্ত জানি তাহা ॥
 প্রভু দীননাথ জনক যাহার ।
 দেবী নন্দসখী জননী তাহার ॥
 সেই শ্রীবিপিন বিহারি বর্ণন ।
 পরম মধুর যোগিনী-মিলন ॥
 বিদগধ জন এ রসে মগন ।
 অবিদগ্ধ জন সবার মরণ ॥ ৯ ॥

মনের প্রতি ।—

অষ্টম মুহূর্ত্তকালে যোগিনী-মিলন ।
 ওরে মনঃ ! অণুদিন করহ স্মরণ ॥ ৯ ॥

শ্রীভৈরবী-মিলন ।

তদুচিত-শ্রীগৌরচন্দ্রঃ ।

প্রস্থকারস্য নমস্কারঃ ।

ভবানীং ভৈরবীং দৃষ্ট্বা যো দেবশ্চাতি বিহ্বলঃ ।
 পূৰ্ণভাবমবস্থত্য তং গৌরং প্রণতোহস্মাহম্ ॥ ১০ ॥

রাগঃ ।

জয় গোরা নদীয়া নাগর ।
 শচী-সুত প্রভু-বিশ্বস্তর ॥ ধ্রুঃ ॥
 ছাত্র সঙ্গে বসি বিদ্যালয়ে ।
 নানা কথা আলাপ করয়ে ॥
 তথা আসি নিত্যানন্দ রায়— ।
 বসিলেন আনন্দ হিয়ায় ॥
 অবধূতে হেরিয়া নয়নে ।
 গোরা কন মধুর বচনে ॥
 ওহে দেব ! এথা কি কারণ ।
 এসময় তব আগমন ॥
 অনুমানি আছে প্রয়োজন ।
 নহিলে বা কেন আগমন ॥
 মোরে করি কৃপা-বিতরণ ।
 অসময়ে দিলা দরশন ॥
 নিত্যানন্দ কহেন নিমাই ! ।
 তব দরশনে কাল নাই ॥
 কালাকাল যা কিছু বিচার ।
 কর্মকাণ্ডী শ্রুতিতে প্রচার ॥
 কাম-কর্ম্মে কালাদি বিচার ।
 সর্ববশান্ত্র কহে বার বার ॥

ইহা তুমি জানিত সকল ।
 মোরে কর কেন এত ছল ॥
 ওহে সুর ! সর্বভক্ত নিমাই ! ।
 ভৈরবীর সঙ্গেতে গদাই ॥
 আসিয়াছে তুয়া পাশে ।
 একথা শুনিয়া প্রভু হাসে ॥
 হেনকালে ভৈরবীর সঙ্গে ।
 গদাধর আইলেন রঙ্গে ॥
 ভৈরবীরে করি দরশন ।
 জিজ্ঞাসেন শ্রীশচী-নন্দন ॥
 ওগো দেবি ! কোন তীর্থে বাস
 ভৈরবী কহয়ে শ্রীকৈলাশ ॥
 হেন শুনি কন বিশ্বস্তর ।
 কৈলাশ মানব অগোচর ॥
 মানবীর নহে সেথা বাস ।
 কেন মোরে কর পরিহাস ॥
 ভৈরবী কহয়ে শিব যথা ।
 শ্রীকৈলাশ পুরী জানি তথা ॥
 যথা শোভে তুলসীকানন ।
 তথা রাধা-কৃষ্ণ-বৃন্দাবন ॥
 ওহে দেব শ্রীশচী-নন্দন ! ।
 এবে ইহা না হয় স্মরণ ॥

আর কহি করহ শ্রবণ ।
 যথা কৃষ্ণ তথা বৃন্দাবন ॥
 ভাবুক ভকত হন যঁরা ।
 এই শুদ্ধ তত্ত্ব জানে তাঁরা ॥
 হেন শুনি ভৈরবী বদনে ।
 স্তম্ভিত হয়েন প্রভু ক্ষণে ॥
 গদাধর কহে গোরা রায় ।
 ভৈরবীরে চেনা বড় দায় ॥
 তবে কন গৌর-বিশ্বস্তর ।
 এ ভৈরবী লোক অগোচর ॥
 শ্রীশঙ্করী ভৈরবী তখনে— ।
 প্রণমিয়া গৌরাজ চরণে ॥
 মুচকি হাসিয়া চলি যান ।
 যান যান আর ফিরি চান ॥
 পূরবের ভাবে গোরা রায় ।
 গুণ-গুণ স্বরে কিবা গায় ॥
 তাহা কিছু বুঝা নাহি যায় ।
 হাসে কিন্তু নিত্যানন্দ রায় ॥
 ভাব-ভাবি কন বিশ্বস্তর ।
 দেখ ! দেখ ! প্রিয় গদাধর !
 ভৈরবীর বেশে শঠ-কাণ ।
 ষাবটের দিকে চলি যান ॥

নিজ কাম পূরাবার আশে ।
 যাইছেন জটিলার বাসে ॥
 হেন কহি দেব-বিশ্বস্তর ।
 ভাবে মাতি হাসে নিরস্তর ॥
 তবে কন নিতাই-গদাই ।
 সম্বরহ এভাব নিমাই ! ॥
 ইহা শুনি বিশ্বস্তর কহে ।
 ভাবোচ্ছ্বাস লুকান না রহে ॥
 ভাব যব উঠয়ে অস্তরে ।
 কার সাধ্য সম্বরণ করে ॥
 রসিক-ভাবুক হন যাঁরা ।
 ভাবের বিক্রম জানে তাঁরা ॥
 ওহে গৌর ! নিতাই ! গদাই ! ।
 কৃপা কর ভাব যেন পাই ॥
 শ্রীবংশীবদন ! প্রভু রাম ! ।
 এ অধীনে নাহি হও বাম ॥
 দয়াময় শ্রীশচী-নন্দন ! ।
 মোর শিরে দেহ শ্রীচরণ ॥
 দীননাথ প্রভুর নন্দন ।
 এ বিপিন করে নিবেদন ॥ ১০ ॥

প্রস্থকারস্য দণ্ডবল্লতিঃ ।

ভবানী ভৈরবীভূত্বা যো গচ্ছেজ্জটিলালয়ম্ ।
 তং শৃঙ্গাররসোন্মত্তং শ্রীকৃষ্ণংসমুপাস্মহে ॥ ১০ ॥

চিত্র রাগ ।

হের রে নয়ন ! রঙ্গ ।

ভৈরবী সাজল শ্যাম-ত্রিভঙ্গ ॥ প্রঃ ॥

পীতধড়া ছাড়ি রক্তাম্বরে— ।

ঘাগরী করিয়া পিঙ্কন করে ॥

সেই ত ঘাগরী রাগ-দীপন ।

অনুরাগ ধরে লাল বরণ ॥

রক্ত কাঁচলী বক্ষঃ উপরে— ।

বাঁধল নাগর ভাবের ভরে ॥

সু-চীন সু-লাল উড়ানী তায় ।

বেড়ল শ্যামল প্রীতির দায় ॥

চুড়াটি খুলিয়া এলায়ে কেশ ।

পীঠে ফেলাইলা রসিক-শেষ ॥

শ্রবণ-শ্রীকণ্ঠ-করভূষণ— ।

অঙ্কমালে করে জন-মোহন ॥

ভসম মাখল চাঁদবদনে ।

সিন্দূরের ফোঁটা ভাল-শোভনে ॥

পীঠেতে বাঁধল বাঘের ছাল ।

বলিহারি যাই শ্রীনন্দ-লাল ! ॥

গোপতে রাখিয়া প্রিয়-বংশীরে ।

সিন্দূর মাখায়ে ত্রিশূল শিরে ॥

জপার মালিকা লাগারে তায় ।
 ভো ভৈরব ! বলি রসিক রায় ॥
 কিশোরী স্মরিয়া প্রেমের ভরে
 ত্রিশূল ধরল ডাহিন করে ॥
 “দরিয়ার কিস্তি” বাম বগলে ।
 কমণ্ডলু বাম কর-কমলে ॥
 ভৈরবী মূৰ্ত্তি হেরি নয়নে ।
 বনদেবী কন হাস্তবদনে ॥
 বিপিন অন্তরে লুকায়ে শ্যাম ! ।
 ভৈরবী সাজিলে পূরাতে কাম ॥
 এসব তোমায়ে শিখালে কেবা ।
 শুনিবারে চাই সে কোন দেবা ।
 শ্যাম কহে পরদেবতা যিনি ।
 সব কাজে গুরু হয়েন তিনি ॥
 বনদেবী কন গুরুটি ভাল ।
 স্বরূপ ছাড়ায়ে শিখায় জাল ॥
 জাল গুরু হন ভুবনে যিনি ।
 সকল করিতে পারেন তিনি ॥
 জালিক গুরুরে বিশ্বাস নাই ।
 স্ত্রানী জন মুখে শুনিতে পাই ॥
 যেমন সেবক তেমনি গুরু ।
 বিধির বেদের প্রথম সুর ॥

হেন শুনি শ্যাম হাসিয়া কয় ।
 হৃদি আশ যেন পূরণ হয় ॥
 এই আশীর্বাদ করহ মোরে ।
 কৃতাজ্জলি করি কহিনু তোরে ॥
 বনদেবী কন আশীষ ভাল ।
 মাগিলে মো-পাশ চিকণ কাল ! ॥
 যাও যাও শ্যাম ! আপন কাজে ।
 এ রঙ্গ হেরিয়া মরি যে লাজে ॥
 তবে শ্যাম বাম করিয়া বনে ।
 গমন করেন হংসগমনে ॥
 জয় শিব ! শিব ! বদনে কয় ।
 শুনিয়া বল্লব বল্লবী চয় ॥
 ভবন ছাড়িয়া ভৈরবী পায় ।
 প্রণাম করিয়া আশীষ চায় ॥
 ভৈরবী কহয়ে সশিব শিবা ।
 তোমা সবে দুঃখ কভু না দিবা ॥
 গোকুল-গো-কুল স্নুখেতে রবে ।
 মোর এই বাণী মিছা না হবে ॥
 হেনমতে সবে আশীষ করি ।
 যাবটে যায়েন নাগর-হরি ॥
 জটিলার দ্বারে দাঁড়ায়ে শ্যাম ।
 মুখে বলে ভব-ভবানী নাম ॥

দাসী যাঞা কয় জটীলা পাশে ।
 দুয়ারে ভৈরবী আছে কি আশে
 ভিক নাহি দেখি মাগয়ে সেই ।
 তুয়া ঠাগ মুই কহিনু এই ॥
 জটীলা যাইয়া ভৈরবী পায় :
 পরগান করি অশীষ চায়
 ভৈরবী কহেন সদাই সুখ ।
 কেবল তিনটি হেরিয়ে দুঃখ ॥
 এ বোল শুনিয়া জটীলা কয় ।
 ওগো দাসি ! দেবী সামান্য নয়
 অন্তরের দুঃখ আমার যাহা ।
 জানিতে পারিলা ভৈরবী তাহা ॥
 তবেত জটীলা ভৈরবী লঞা ।
 ভবনে প্রবেশে প্রফুল্ল হঞা ॥
 আসনে বসঞা কহেন তবে ।
 অন্তরের দুঃখ স্মৃতিবে কবে ॥
 ভৈরবী কহেন উপায় তার ।
 অনেক আছেয়ে,—কহিনু সার ॥
 হরা-ভারা মন্ত্রে কিবা না হয় ।
 মরে-বাঁচে-খেপে শঙ্কর কয় ॥
 শ্রীযোগিনী তন্ত্রে যোগিনী বাণী ।
 তারা মন্ত্রে সব সু-সিদ্ধ জানি ॥

শুনিয়া জটীলা কহয়ে তবে ।
 সে মজ্জা তোমায় জপিতে হবে ॥
 কি কি লাগে তাহা শুনিতে চাই
 ভবনে সে সব যদি না পাই ॥
 মধুরার হাতে সকল মিলে ।
 অভাব নাহিক পণটি দিলে ॥
 ভৈরবী কহয়ে বেশী ত নয় ।
 দুগানি নৈবেদ্য করিতে হয় ॥
 এক শত আট শ্রীফল-দল ।
 স-স্বত সিন্দুর যমুনা-জল ॥
 হরিতকী তিন—পাঁচটি পান ।
 জলপূর্ণ ঘট গুটিক ধান ॥
 রকত-চন্দন-কুসুম আর ।
 এই উপচার,—কহিনু সার ॥
 সতী নারী যাঞা যমুনা-জলে ।
 পুরিবেরু ঘট এ তজ্জে বলে ॥
 ভৈরবীর বাণী শুনিয়া তবে ।
 জটীলা ভাবে কি উপায় হবে ॥
 মলিন বদনে জটীলা কয় ।
 ঘরের বধূটি হোতে কি হয় ॥
 ভৈরবী কহেন কেন না হবে ।
 তাঁর সম সতী না হেরি ভবে ॥

না জানি না শুনি মূৰ্খ জনে ।
 ভুবনে তাঁহার কলঙ্ক ভণে ॥
 তবে ত জটীলা আনন্দ মনে ।
 দেবী লঞা ধায় বধূরাজনে ॥
 প্রসন্ন হিয়ায় বধূরে কয় ।
 এই যে ভৈরবী সামান্যা নয় ॥
 প্রণাম করহ করিয়া ভক্তি ।
 ইহাৱে জানিহ শিবের শক্তি ॥
 শিব-শক্তি ভেদ নাহিক হয় ।
 শক্তি রূপা বিনু অসিদ্ধ নয় ॥
 শঙ্করী আশ্রয়ে শঙ্কর প্রভু ।
 সদা সিদ্ধ ইহা মিছা না কভু ॥
 শক্তি আশ্রয়ে সকল জন ।
 পূর্ণ মনোরথ ভুবনে হন ॥
 ননদীর বাণী শুনিয়া রাই ।
 প্রণাম করেন বদন চাই ॥
 তবে ত জটীলা বধূরে কয় ।
 তোমার ভবন গোপিত হয় ॥
 শিব-শিবা দেবী পূজিবে এথা ।
 দেখ যেন কেহ না যায় সেথা ॥
 আজ দিন-রাতি তোমার ঘরে ।
 দেবীৱে সেবিবে যতন করে ॥

কালিকা বিহানে স-শিব-তায়া ।
 পূজিবে ভৈরবী, না রবে ফাঁড়া ॥
 আমি ত বিহানে এথায় আসি ।
 করিব সকল যা ভাল বাসি ॥
 আজ গোর ভায়ে তোমার ঘরে ।
 পরবেশ দিব নিষেধ করে ॥
 ইহা কহি ঘরে জটিল যান্ন ।
 ভৈরবী হাসিয়া শ্রীমুখ চায় ॥
 মনে মনে ভাবে চাহিতে জলে ।
 মেঘের উদয় ভাগ্যের ফলে ॥
 জল জল রবে চাতক মরে ।
 তবু ধারাধর দয়া না করে ॥
 চাতকের ডাকে মেঘের দয়া— ।
 কভু নাহি হয়,—কপাল ক্ষয়া ॥
 মঝু ভাগ্যে দেখি বিরুদ্ধ তার ।
 আজ রসনিধি হইব পার ॥
 হেন ভাবি শ্যাম আপন করে ।
 রাই কর ধরে আনন্দাস্তরে ॥
 কিশোরী তখন ভৈরবী পাশে— ।
 বসিয়া মধুর মধুর ভাসে ॥
 আহা মরি ! মরি ! মাধুরী কিয়ে ।
 দরশন করি মাতিল হিয়ে ॥

এম্ন মাধুরী লোকেতে নাই ।
 হেন কেন হোলে শুনিতে চাই ॥
 ভৈরবী কহেন কি কব আর ।
 কপালের লেখা,—নাহিক পার ॥
 ইহা শুনি ধনী দুঃখেতে কয় ।
 কপালের লেখা মিছা না হয় ॥
 তথাপি কি হেতু এ হেন ভাব— ।
 ধরিলে,—তাহা কি শুনিতে পাব ॥
 হেতু বিনু কিছু নাহিক ঘটে ।
 শুনেছি বেদাদি ইহাই রটে ॥
 ভৈরবী কহয়ে সেহেতু মোর ।
 ওগো বিনোদিনি ! বদন তোর ॥
 ও চাঁদ বদন দরশ তরে ।
 ভৈরবী সাজিয়া তোমার ঘরে ॥
 জটীলা-কুটীলা ননদী যথা ।
 নানা বেশ মোর জানিবে তথা ॥
 স্বরূপ-স্বভাবে যাইলে সেথা ।
 কাজ সিদ্ধ নয়,—তাইত এথা— ॥
 নানা বেশ ধরি গমন করি ।
 এ সব জানয়ে পিরীতিচরী ॥
 “রাই কন কহ তীর্থবাস সুখ ।
 ভৈরবী কহেন অতিশয় দুঃখ ॥

ছদ্মবেশী-শঠ বৈষ্ণব জ্বালায় ।
 বৈষ্ণবী সবার তীর্থবাস দাঙ্গা ॥
 তৈছে ছদ্মবেশী সন্ন্যাসীর তরে ।
 ভৈরবী রহিতে নারে পীঠোপরে ॥
 বিনোদিনী কন কেন মিছা রোষ ।
 বৈষ্ণব-ন্যাসীর নাহি কোন দোষ ॥
 'দ্রব্যোতে ঘটায় দোষ' শুনা যায় ।
 বৈষ্ণব-ন্যাসীর দোষ কিবা তায় ॥
 কোকনদ জিনি তোমার নয়ন ।
 বারেক টলিলে টলয়ে ভুবন ॥
 বৈষ্ণব-ন্যাসীর নাম-যোগাসন ।
 তাহে কি স্থিতি রহয়ে কখন ॥
 তুয়া অঁখি-কুচশঙ্খশিরোশোভা ।
 যোগীন্দ্র-মুনীন্দ্র-দেবেন্দ্রাদি লোভা ॥
 হেন অঁখি-কুচ করি দরশন ।
 ধৈরজ ধরিতে নারে কোন জন ॥
 রঙ্গী-কুলের তুমি গো ভূষণ ।
 এস আলিঙ্গিয়া জুড়াই জীবন ॥
 ভৈরবী কহেন রূপবতী ঘাঁরা ।
 জান নারীরূপ বাখায়েন তাঁরা ॥
 ভবে হাসি কন বিনোদিনী রাই ।
 কালরূপে হেন শোভা দেখি নাই ॥

‘কালজগদাল’ তেত্রিঃ লোকে কয় ।
 শুনিয়া ভৈরবী মুচকি হাসয় ॥”
 অধোমুখে রাই নাগরে কয় ।
 মোর লাগি এত উচিত নয় ॥
 রূপ-গুণ মোর কিছুত নাই ।
 তবে কেন হেন দেখিতে পাই ॥
 আগারে পাসরি চন্দ্রার পাশ ।
 যাও হে নাগর ! পূরাতে আশ ॥
 রূপ-গুণবতী সে চন্দ্রা হয় ।
 মঝু পাশ এই সখীরা কয় ॥
 শ্যাম কন ওহে পরাণপিয়ে ! ।
 বাক্বাণে কেন বিঁধিছ হিয়ে ॥
 তোমারে পাসরি যাইব যেক্ষা ।
 মরণ নিশ্চয় জানিহ সেখা ॥
 তুয়া বিনু সব আকাশময়— ।
 হেঁরিয়ে এ বাণী অলীক নয় ॥
 “মমেন্দ্রিয় প্রিয়ে ! তোমার সেবনে ।
 নিযুক্ত আছয়ে সদা সর্ববন্ধনে ॥
 নয়ন তোমার রূপাদি দর্শন— ।
 করিতেছে রাই ! লইয়া শরণ ॥ ১ ॥
 অবণ তোমার নাম-গুণ গান ।
 অবণ বিনুহি নাহি শুনে আন ॥ ২ ॥

নাসিকা তবাজ্জ গন্ধ আণাসক্ত ।
 আনগন্ধ আণে সদাই বিরক্ত ॥ ৩ ॥
 রসনা তোমার মুখামৃত পানে— ।
 উন্মত্ত হইয়া আন নাহি জানে ॥ ৪ ॥
 ত্বক্ তব চিত্র অঙ্গ পরশনে— ।
 বিহ্বল হইয়া আছে সর্ব্বক্ষণে ॥ ৫-॥
 কর করাস্থিত চরণ তোমার— ।
 সেবন বিনুহি নাহি জানে আর ॥ ৬ ॥
 পদ তব পদ দরশন তরে ।
 ভ্রমণ করয়ে গোকুল নগরে ॥ ৭ ॥
 মম মন প্রিয়ে ! তোমার স্মরণে— ।
 নিমগ্ন হইয়া আছে অনুক্ষণে ॥ ৮ ॥
 ভৈরবী সাজিয়া তেত্রিঃ সে এথায় ।
 আইনু ভাবিনি ! নিবেদিনু পায় ॥
 অকারণ মান ত্যজিয়া মানিনি ! ।
 প্রসন্ন হও হে রাধে ! বিনোদিনি ! ॥
 নিরভয় লাভ করিবার আশে ।
 ভৈরবী হইয়া আনু তুয়া পাশে ॥
 মান গতি তুয়া বুকিবারে নারি ।
 কত সাজ মোরে সাজাইলে প্যারি ! ॥
 সন্ন্যাসী সাজটি অবশেষ আছে ।
 তাহাও সাজিতে হবে বুকি পাছে ॥”

রাই কহে নাথ ! জানিহু এবে ।
 অভাগী ও রাজাচরণ সেবে ॥
 অন্তরে, বাহিরে চরণ দুই ।
 সদা সর্বক্ষণ পূজিয়ে মুই ॥
 জপ-তপ আদি তুমি হে শ্যাম ! ।
 তব ধ্যান বিনু নাহিক কাম ॥
 গৃহ কাজ করি ননদী ভয়ে ।
 তুমি রহ হৃদে উদয় হয়ে ॥
 আন নারী আন ভাবয়ে মনে ।
 আমি ভাবি তোমা সরব ক্ষণে ॥
 তোমা বিনু কেহ নাহিক মোর ।
 খুঁট নাহি কহি শপথি তোর ॥
 কিশোরী-ভৈরবী সংবাদ যাহা ।
 শ্রবণ করিয়া সখীরা তাহা ॥
 সরমে বদনে বসন দিয়া ।
 লুকাইলা আন ভবনে গিয়া ॥
 কিশোরী লইয়া ভৈরবী তবে ।
 রাসরসাস্বাদে আনন্দোৎসবে ॥
 শিব, শিবা পূজা হইল ভাল ।
 হেরিয়া মদন বদন কাল ॥
 “এস গো জটিলে ! কুটিল সঙ্গ ।
 শিব, শিবা পূজা সমাধা রঙ্গ ॥

যা দেবে দক্ষিণা ভৈরবী পায় ।
 কাঁট আসি দেহ ভৈরবী যায় ॥
 ভালত ভৈরবী বধূর ঘরে ।
 লঞাছিলে তুমি আদর করে ॥”
 বিনোদিনী কন মো ঘরে আজি— ।
 রহ নাথ ! যায় ননদী রাজি ॥
 কান্নু কহে গোষ্ঠে বাধিবে গোল ।
 বাজিয়া উঠিবে কলঙ্ক ঢোল ॥
 রাধারে প্রবোধি মাগর শ্যাম ।
 যাইবারে চান গো-ধন ঠাম ॥
 ভৈরবী সাজিয়া নাগর হরি ।
 রাই সনে মিলে ছলনা করি ॥
 এ হেন মধুর-মিলন শোভা ।
 রসিক জনার হৃদয় লোভা ॥
 শ্রীবংশীবদন চরণ যার— ।
 সরব, এ রস গোচর তার ॥
 বংশীবংশজাত বিপিন দাসে ।
 “ভৈরবী-মিলন” আনন্দে ভাসে ॥ ১০ ॥

মনের প্রতি ।

নবম মুহূর্ত্তকালে “ভৈরবী মিলন ॥”
 ওরে মনঃ ! অনুদিন করহ স্মরণ ॥ ১০ ॥

শ্রীরঞ্জিকা-মিলন ।

তদুচিত-শ্রীগৌরচন্দ্রঃ ।

গ্রন্থকারস্য নমস্কারঃ ।

রঞ্জিকারমণীং দৃষ্ট্বা ষোদেবশ্চাতি কাতরঃ ।

ভং দেবেশং দেবারাধ্যং শ্রীশচীনন্দনং ভজে ॥ ১১ ॥

রাগঃ ।

জয় গোরা নবদ্বীপ ইন্দু ।

বসি গদাধর সঙ্গে, পড়ুয়া পড়ান রঙ্গে,

বিশ্বস্তর করুণার সিঁহু ॥ প্রঃ ॥

আয়-কাব্য-ব্যাকরণ, পড়ে বিপ্র ছাত্রগণ,

মাঝে-মাঝে ফাঁকির সিঁদ্বান্ত— ।

উঠায়েন গদাধর, পূরে তাহা বিশ্বস্তর,

তথাপি গদাই নহে দ্বান্ত ॥

পুনঃ পুনঃ ফাঁকি ধরে, পূরে গোরা দ্বিজবরে,

হেন মতে বিদ্যারসাস্বাদে ।

বিদ্যাধার গদাধর, বিদ্যাপতি বিশ্বস্তর,

ভুঁয়ে মগ্ন বিদ্যারস বাদে ॥

হেনকালে তথা আসি, মুচকি মুচকি হাসি,

রসিকা রঞ্জিকা জিজ্ঞাসয় ।

শ্রীশচী ভবনে যাব, কোন্ দিকে পথ পাব,
কহ মোরে পড়ুয়া নিচয় ॥

তবে বিশ্বস্তর কন, সেথা কিবা প্রয়োজন,
আগে তাহা কহ মোর পাশ ।

রসিকা রঞ্জিকা কয়, খেলানাদি সমুদয়,
কিছু কিছু বেচিবার আশ ॥

গোরা কহে কি কি রঙ্গে, আনিয়াছ করি সঙ্গে,
সে সবেব দেহ পরিচয় ।

রঞ্জিকা কহয়ে তবে, যাহা প্রয়োজন হবে,
তাহা আমি দিব সমুদয় ॥

গোলাপ-বসন্ত-পীত, নীল-জবা মনোনীত,
সকল আছয়ে মোর ঠাই ।

কাঁকণ-মুকুতা পূতি, নানাবর্ণ ফিতা-সূতি,
যাহা চাবে পাইবে তাহাই ॥

রঞ্জিকার কথা শুনি, বিশ্বস্তর কন পুনি,
কহ গো রঞ্জিকা কোথা ঘর ।

রঞ্জিকা কহয়ে তবে, তাহা শুনি কিবা হবে,
ঘর মোর শ্রীরাধা নগর ॥

বালুকাময়ীর পারে, ব্যাঘ্রপাদারণ্য ধারে,
কহিলাম আপনার পাশে ।

শুনিয়া রঞ্জিকা বাণী, ভালদেশে কর হানি,
কন গোরা ভাবের উচ্ছ্বাসে ॥

ওহে প্রিয় গদাধর !, যথা রঞ্জিকার ঘর,
পরে তথা মহানন্দ হবে ।

ভাগ্যবান জন যাঁরা, নয়নে হেরিবে তাঁরা,
বহু ভক্ত তথা জন্ম লবে ॥

তবে গোরা রঞ্জিকারে, কন যাও ঐছে দ্বারে,
তবে ত পাইবে মার বাসে ।

শুনিয়া গোরার কথা, রঞ্জিকা যায়েন তথা,
আঁখি চালি মনের উল্লাসে ॥

রঞ্জিকার ভাব যাহা, বুঝা নাহি যায় তাহা,
ভাব বুঝে ভাবুক গদাই ।

মহাভাব গদাধর, ভাব নাহি অগোচর,
মহাভাবে মগন সদাই ॥

গদাধর কহে বাণী, রঞ্জিকা কেবা না জানি,
জান কি হে প্রভু বিশ্বস্তর ! ।

প্রভু কন গদাধর, সব জানে তবাস্তর,
মিছা-মিছি ছলা কেন কর ॥

হেন কহি নব গোরা, পূর্বভাবে হএণ ভোরা,
গদাধরে করিয়া আশ্লেষ ।

কন দেখ শঠশ্যাম, পূরাইতে নিজ কাম,
ধরিয়া রঞ্জিকা নারী বেশ ॥

খেলানাদি লএণ কক্ষে, যাবটে যাইছে লক্ষে,
ব্রজপথে করি নানারঙ্গ ।

বালক-বালিকাগণে, খেলানাশে যায় সনে,
 তাড়াইলে নাহি ছাড়ে সঙ্গ ॥
 হেনমতে শঠ শ্যাম, কিশোরীর দ্বারে যান,
 পুরাইতে মন অভিলাষে ।
 ইহা কহি গৌরহরি, গদায়ের কণ্ঠ ধরি,
 ফোঁপাইয়া অঁখিনীরে ভাসে ॥
 ভাব দেখি গদাধর, কহে একি বিশ্বস্তর !,
 শীঘ্র ভাব কর আচ্ছাদন ।
 বিগ্নি বিহারি কহে, ভাব ঢাকা নাহি রহে,
 ঢাকিলেও হয় প্রকটন ॥ ১১ ॥

প্রমুখকরিত্য দণ্ডবনতিঃ ।

রঞ্জিকা রমণী ভূত্বা যো গচ্ছেদ্রাধিকালয়ম্ ।
 সর্বেশ্বরেশ্বরং তং শ্রীগোবিন্দং প্রণমাম্যহম্ । ১১ ॥

চিত্র-রাগ ।

আয় গো তোরা দেখিবি আয় ।
 “রঞ্জিকা” সাজল বিট শ্যামরায় ॥ ধ্রুঃ ॥
 পীতধড়া ছাড়ি হিজুল বরণ— ।
 রাগের ঘাগড়ী করল পিঙ্কন ॥
 কাঞ্চন বরণ কাঁচুলি রঞ্জন ।
 প্রণয়ের ভরে উরসি বন্ধন ॥

এলায়ে কুস্তল বেণী বিনাওল ।
 কাণড়া ছাঁদেতে কবরী বাঁধল ॥
 মল্লিকার মাল তাহাতে বেঢ়ল ।
 শ্রবণে মকর কুণ্ডল পরল ॥
 কণ্ঠে চাঁদ চিক, মুকুতার মাল—।
 ধারণ করল যশোদা-দুলাল ॥
 হাতে বালাঙ্গদ, তাবিচ স্তন্দর ।
 কটিতে কিক্কিণী শোভে মনোহর ॥
 বক্ষে চিত্রাকার সূতিকার হার ।
 নাসায় তিলক কুন্দদলাকার ॥
 সিঁথায় সিন্দূর লাগাওল রঞ্জে ।
 স্তচীন উড়ানী বেঢ়ল শ্রীঅঙ্গে ॥
 নয়নে অঞ্জন, মঞ্জন অধরে ।
 স্ত-তাম্বূল রাগ তাহার উপরে ॥
 মুরলী পুরলী বিপিন অন্তরে—।
 রাখি,—ধীরে চলে নিতম্বের ভরে
 উরস কাঁপায়ে দুই পয়োধর—।
 অলপ দোলায় রসিক নাগর ॥
 রমণীর সম বামপদ আগে—।
 ফেলিয়া যায়েন নিজ অনুরাগে ॥
 রঞ্জিত বসন দিয়া আবরণ— ।
 রঙ্গাদি ডালা বাঁ-কটিতে ধারণ ॥

মাঝে মাঝে কন মধুর ধ্বনিতে ।
 যাহার বাসনা রঙ্গাদি কিনিতে ॥
 সে নারী আশ্রুক ছয়া মোর পাশে ।
 হেন কহি শঠ মৃদু-মৃদু হাসে ॥
 ব্রজের বালক-বালিকা সকলে ।
 “রসিকা-রঞ্জিকা” সঙ্গে সঙ্গে চলে ॥
 বালক-বালিকা স্বভাব এ হয় ।
 রঞ্জিকা দেখিলে সঙ্গ না ছাড়য় ॥
 হেনমতে “শ্যাম-রঞ্জিকা” সবায়—
 রঞ্জিত করিয়া যাবটেতে যায় ॥
 তথায় যাইয়া কিশোরীর দ্বারে ।
 রঙ্গ চাই বলি ডাকে বারে বারে ॥
 সখীগণ আসি রঞ্জিকা হেরিয়া ।
 ভবন ভিতরে লইলা ডাকিয়া ॥
 রঞ্জিকা বাইয়া রাখার অঙ্গনে ।
 খেলানাদি ডালা নাগান যতনে ॥
 বসনাবরণ উন্মোচন করি ।
 রঙ্গাদি দেখান রঞ্জিকা সুন্দরী ॥
 কেহবা কাঁকন পিন্ডল বন্ধন ।
 কেহবা চিরুণী কেহ দরপণ ॥
 কেহবা ঘুনসী কেহ ফিতা লাল ।
 কেহ পূতীমালা কেহ গোঁপা জাল ॥

কেহবা কুণ্ডল কেহ খোঁপা ফুল ।
 কেহবা বিভূতি কেহ লয় ছল ॥
 কেহ কাণ ফুল কেহ গোটা লয় ।
 কেহবা ঘুঙ্গুর গ্রহণ করয় ॥
 কেহ কাঁটা লঞা কবরীতে পরে ।
 কেহবা স্নগন্ধ লয় নিজ করে ॥
 কেহবা গোলাপী কেহবা বসন্ত ।
 কেহবা হরিত স্ন-রঙ্গ শোভন্ত ॥
 জবারঙ্গ কোন রঞ্জিণী লইলা ।
 কাল রঙ্গ দিকে কেহ না চাহিলা ॥
 হেনমতে রাই প্রিয় সখীগণে ! ।
 খেলানাতি যত করিলা গ্রহণে ॥
 রঞ্জিকা কহয়ে ওগো সখীগণ ! ।
 সবাই সব ত করিলে গ্রহণ ॥
 তোমাদের রাই কিছু না লইলা ।
 তবে হাসি প্যারী কহিতে লাগিলা ॥
 বাসনা পূরায়ে আগে সখীগণ ।
 রঙ্গাদি তোমার করুক গ্রহণ ॥
 অবশেষ যাহা রহিবে তোমার ।
 সেই সব দ্রব্য জানিবে আমার ॥
 হেন বাণী শুনি রঞ্জিকা কহয় ।
 রাজার বিয়ারি যেই নারী হয় ॥

এমনি প্রকার কথাই তাঁহার ।
 আমন্দ পাইলু হেরিয়া বেভার ॥
 তবে রাই কন কাল রঙ্গ যাহা ।
 আমারে সকল আনি দেহ তাহা ॥
 কাল ভাল বাসি মুই চিরকাল ।
 কাল বিনা কিছু নাহি লাগে ভাল ॥
 কালতে নয়ন শীতল করয় ।
 কাল অঁথি খরা রোগ বিনাশয় ॥
 ও কেশবন্ধন বত তুরা আছে ।
 সবগুলি আনি দেহ মোর কাছে ॥
 ও কেশবন্ধন আর কোনজন ।
 তোমার নিকট করিল গ্রহণ ? ॥
 ভবেত রঞ্জিকা হাসিয়া কহিল ।
 এ কেশবন্ধন কেহ না লইল ॥
 ব্রজে চন্দ্রাবলী নাথে নারী যেই ।
 বাসনা করিলা লইবারে সেই ॥
 মনে পণে নাহি বনিল আমার ।
 ভাই তার নাহি হ'ল কনু সার ॥
 হেন শুনি ধনী আনন্দে বলয় ।
 কৃপণ তনয়া চন্দ্রাবলী হয় ॥
 তার সাধ্য কিবা এ কেশবন্ধনে— ।
 স্বণ দিয়া পারে করিতে গ্রহণে ॥

রঞ্জিকা কহয় এ কেশবন্ধনে ।
 তোমা বিনু আনে না পায় দর্শনে ॥
 যার যেই ধন বিধির লিখন ।
 সেই বিনা তার না পায় দর্শন ॥
 তবেত রঞ্জিকা কন সখীগণে ।
 পণ আনি দেহ যাইব ভবনে ॥
 ঘরের বাহির সকালে হইনু ।
 রবির কিরণে জুলিয়া মরিনু ॥
 রবির তনয়া তীর পাব যবে ।
 পরাণ শীতল হইবেক তবে ॥
 সখীগণ কহে পণ কিবা আর ।
 বিনু পণে মোরা করিব বেভার ॥
 অনেক ধরম হইবে তোমার ।
 পণের কথাটি নাহি কহ আর ॥
 রঞ্জিকা কহয়ে ধরম না চাই ।
 পণ দেহ আনি ঘরে চলে যাই ॥
 ধরম লইয়া সবে থাক তুখে ।
 ধরম-করম মোরে দেয় দুঃখে ॥
 ধরম করম মোর কভু নাই ।
 পণ আনি দেহ ঘরে চলে যাই ॥
 সখীগণ কহে নাহি পাবে পণ ।
 বেলা যায় ঘরে করহ গমন ॥

রঙ্গ দিয়া রঙ্গ কত না করিছ ।
 কোন্ মুখে আর পণটি মাগিছ ॥
 হেন শুনি শঠ ক্রোধভাবে কয় ।
 ওগো সখীগণ ! অরাজক নয় ॥
 রঙ্গাদি লইলে পণ দিতে হয় ।
 বিনা পণে কোথা রঙ্গাদি মিলয় ॥
 এত কহি শঠ উঠিয়া তখন ।
 ললিতারে ধরি করে আকর্ষণ ॥
 বিশাখা তখন আসিয়া আগেতে ।
 ছাড়, ছাড়, ছাড়, কহয়ে রাগেতে ॥
 রঞ্জিকা তখন ছাড়ি ললিতারে ।
 বিশাখোরসিজ টানে কর দ্বারে ॥
 হেন রঙ্গ হেরি চিত্রা আসি কয় ।
 রঞ্জিকে ! এ তব উচিত না হয় ॥
 রঞ্জিকা তখন ছাড়ি বিশাখারে ।
 চিত্রাঞ্চল চাপে চরণের দ্বারে ॥
 ইহা হেরি রাগে রঙ্গদেবী কয় ।
 রঞ্জিকে ! অস্তুরে নাহি কিছু ভয় ॥
 বণিক-নন্দিনী রঙ্গকরী যারা ।
 লাজ-ভয়-হীনা-প্রায় হয় তারা ॥
 চম্পকা তখন হাসিয়া কহয় ।
 হৃদয়ে তোমার কিছু নাহি ভয় ॥

রঞ্জিকা কহয়ে ভয় কি কারণ ।
 বস্তু লঞা কেন নাহি দেবে পণ ॥
 পণ আনি সবে দেহ লো আগারে ।
 নতুবা যাইব কংসরাজ দ্বারে ॥
 দরবার করি পাঁচ গুণ পণ— ।
 বুঝিয়া লইব দেখিবে তখন ॥
 যে দাবী করিব তাহাই আদায় ।
 স্বরূপ বচন কহিনু সবার ॥
 হেন শুনি রাই রাগভরে কন ।
 কত পণ পাবে করহ গণন ॥
 বাহা চাবে তুমি পাইবে তাহাই ।
 জোরাজুরি কাজ এথা কিছু নাই ॥
 কথা কহ করি মুখ সাবধান ।
 পণ যাহা চাবে করিব প্রদান ॥
 ভয় কি দেখাও সে কংস রাজার ।
 কিছু ধার মোরা নাহি ধারি তার ॥
 তোমাতে লইয়া প্রিয় সখীগণে ।
 কোতুক করিল নাহি বুঝা মনে ॥
 কিশোরীর বাণী করিয়া শ্রবণ ।
 রঞ্জিকা নাগর কহেন তখন ॥
 আবার কেন গো ! এ রাগ সঞ্চার
 এ রাগে কাঁপয়ে হৃদয় আমার ॥

সে “দুর্জয়মান” যবে হয় মনে ।
 থর থর কাঁপি বিপিন, ভবনে ॥
 সে দুর্জয় মানে বাকি কিছু নাই ।
 সকলি ত জান প্রাণাধিকে রাই ! ॥
 সে দুর্জয় মানে তুয়া কুণ্ডলীরে ।
 পড়িয়া ভাসিষু দুই অঁখি নীরে ॥
 হেন শুনি ধনী ঘোড়টা টানিয়া ।
 গৃহে প্রবেশিলা স্ব-জিহ্বা দংশিয়া ॥
 বদনে বসন দিয়া সখীগণে ।
 আন ঘরে গিয়া হইলা গোপনে ॥
 মদনে মাতিয়া রঞ্জিকা-নাগর ।
 প্রবেশ করেন ঘরের ভিতর ॥
 রাধারে লইয়া পর্য্যঙ্ক শয্যায়— ।
 বসিলা নাগর আনন্দ হিয়ায় ॥
 থর-থর কাঁপে মনোসিজ জ্বরে ।
 উরসিজোন্নত আলভন করে ॥ -
 কিশোরী কহেন থির কর হিয়া ।
 ওহে প্রাথনাথ ! কাঁপ কি লাগিয়া
 অথির হইয়া সাধিলে করমে ।
 তাহে ক্ষণ সুখ বুঝহ মরমে ॥
 তবে ত নাগর শ্রীরাধা বদন— ।
 চুম্বিয়া ধরল যুগল চরণ ॥

রাই কহে নাথ ! কি কর ? কি কর ?
 ছাড়, ছাড়, পদ শ্যাম-নটবর ! ॥
 তবে মুখ হাসি শুচি রসরাজ ।
 রাধারে লইয়া সাথে নিজ কাজ ॥
 রঞ্জিকা সাজিয়া রসিক কানাই ।
 রাই সনে মিলে,—বলিহারি যাই ॥
 অনঙ্গ মুঞ্জরী যারে কৃপা করে ।
 এ রস উদয় তাহার অন্তরে ॥
 অনঙ্গ মঞ্জরী শ্রীজাহ্নবী, রাম ।
 শরণে পূরয়ে হৃদয়ের কাম ॥
 প্রভু দীননাথ গোস্বামি-নন্দন ।
 এ বিপিন গায় “রঞ্জিকা মিলন” ॥ ১১ ॥

মনের প্রতি ।

দশম মুহূর্তকালে রঞ্জিকা-মিলন ।
 ওরে মনঃ ! অনুদিন করহ স্মরণ ॥ ১১ ॥

শ্রীনাথিতানী-মিলন ।

তদুচিত-শ্রীগৌরচন্দ্রঃ ।

প্রস্তুকারস্য নমস্কারঃ ।

নাথিতানীং সমালোক্য স্মিতাস্ত্যচাভবন্ধি যঃ ।
 ব্রজভাব মনুষ্যতা তং গৌরং প্রণমাম্যহম্ ॥ ১২ ॥

রাগঃ ।

জয়রে জয়রে গোরাচাঁদ ! ।

বসি বিদ্যালয়োপরে, লঞা প্রিয় গদাধরে,

করে গোরা বিদ্যারসাস্বাদ ॥ ধ্রুঃ ॥

ধরি ঞ্চায় ব্যাপ্তি পাদ, করে নানামত বাদ,

যে বাদের নহে অবসান ।

হেহাভাস-ছল-জাতি, দর্শনে যাহার ভাতি,

সেই সব করেন ব্যাখ্যান ॥

ভূমি-জীব-নিত্যতত্ত্ব, ভূম্যাদির সত্তাসত্ত্ব,

সত্যাসত্য তত্ত্বের বিচার— ।

ভাষা পরিচ্ছেদ মতে, বিচারয়ে নানা মতে,

যে সরের সিদ্ধান্ত অপার ॥

শব্দ বোধ রঙ্গ যাহা, ব্যাখ্যান করেন তাহা,

যুক্ত-যুগ্মান যোগীতত্ত্ব ।

গৌতম আদির উক্তি, মুক্তি বাদে যেই মুক্তি,

দেখায়েন তার অসারত্ব ॥

উৎকটেচ্ছা তায় যাহা, রাগেতে গিলায়ে তাহা,

কহে গোরা প্রিয় গদাধরে ।

প্রভুর সিদ্ধান্ত শুনি, গদাধর কহে পুনি,

কহ ভক্তিতত্ত্ব কৃপা করে ॥

প্রভু কন কৃষ্ণশক্তি, কৃষ্ণবশকরী ভক্তি,

কৃষ্ণে অবিচ্ছিন্না গতি তাঁর ।

ভক্তির স্বরূপ সারে, বেদাদি কহিতে নারে,
তাহে বল মুঞি কোন্ ছার ॥

ভক্তির অবস্থাস্তর, প্রেম নাম গদাধর !,
প্রেমের স্বরূপ হৃদ্যভাব ।

আনুকূল্যে প্রেমাশ্বাদ, এই প্রেম অপবাদ,
অতি স্বচ্ছ প্রেমের স্বভাব ॥

এইরূপে বিশ্বস্তর, লঞা প্রিয় গদাধর,
নানারস করে অশ্বাদন ।

হেনকালে সু-হাসিনী, “বিনোদিনী নাপিতিনী,”
গোরা গৃহে করয়ে গমন ॥

তাহারে হেরিয়া গোরা, পূর্বভারে হঞা ভোরা,
হাসি কন গদাধর পাশ ।

দেখ ! দেখ ! গদাধর !, শঠ-শ্যাম নটবর,
পূরাইতে নিজ অভিলাষ ॥

নাপিতিনী বেশ ধরি, ব্রজপথে রঙ্গ করি,
যাইছেন জটিল ভবন ।

গোপ-গোপীকার মন, রঙ্গে করি বিমোহন,
ভাবোচ্ছ্বাসে করিছে গমন ॥

ইহা শুনি গদাধর, কন গৃহে বিশ্বস্তর !
একি ভাব তোমার অন্তরে ।

কোথা সেই বৃন্দাবন, কোথা গোপ-গোপীগণ,
কোথা রাই জটিলার ঘরে ॥

নাপিতিনী আলোকনে, হেন ভাব উদ্দীপনে,
 কেন তব হয় অকারণে ।
 এই ভাব দরশনে, অবিদগ্ধ ভক্তজনে,
 নানা কথা করিবে রটনে ॥
 শুনি গদাধর বাণী, শিরে সব্য কর হানি,
 কহে গোরা করিয়া হুঙ্কার ।
 লোক-বেদ-শাস্ত্রাতীত, অবিদগ্ধ অবিদিত,
 ভাব-প্রেম সর্বত্র প্রচার ॥
 অবিদগ্ধ জন ভয়ে, ভাবাদি সঙ্কোচ হয়ে,
 এই কথা কহে বিজ্ঞগণ ।
 এত কহি বিশ্বস্তরে, অতি দুঃখে ভাবান্তরে,
 ধীরে ধীরে করেন গোপন ॥
 দরিদ্রের আশা যত, হইয়া হৃদয়োত্তত,
 হৃদয়েতে লয়প্রাপ্ত হয় ।
 তথা স্ব-হৃদয়োদ্যত, ভাবে গোরা আত্মরত,
 হৃদয়েতে গোপন করয় ॥
 গোপন দুঃখেতে গোরা, আনভাবে হঞা ভোরা,
 প্রিয় গদাধরে আলিঙ্গয় ।
 এ বিপিন দাসে কহে, ভাব গোপনের নহে,
 গোপনেতে অতি দুঃখোদয় ॥ ১২ ॥
 গ্রন্থকারস্য দণ্ডবন্দিতিঃ ।

নাপিতিনীরূপং ধৃত্বা যোগচ্ছেদ্রাধিকালয়ন্ ।

তং রাসরসিকাধীশং ক্রীকৃষ্ণং সমুপাশ্রহে ॥ ১২ ॥

চিত্র রাগ ।

দেখরে ! দেখরে ! শোভা ।
 নাপিতিনী রূপ মন-আঁখিলোভা ॥ ধ্রুঃ ॥
 রাই মিলিবারে নাপিতিনী বেশ— ।
 ধারণ করল প্রিয়-হৃষীকেশ ॥
 মানিনী রাধার সঙ্গম আশায় ।
 হেনরূপ ধরে বিদগধ রায় ॥
 মরি ! মরি ! কিবা হের রূপ ছটা ।
 ধরণীতে যেন নবঘন ঘটা ॥
 কাল ফণি জিনি বেণী বিনাইয়া ।
 বাঁধল কবরী ফুলদাম দিয়া ॥
 পীতধড়া ছাড়ি রজত বরণ— ।
 শিঙ্গার ঘাগরী কটিতে পিঙ্কন ॥
 কাঞ্চন বরণ কাঁচুলী নাগর ।
 প্রাণয়ে বাঁধল বুকের উপর ॥
 নানা অলঙ্কার মনের আনন্দে ।
 শ্রীঅঙ্গে পরল নানাবিধ ছন্দে ॥
 নামায় তিলক রচল স্তম্ভাম ।
 অধরে গঞ্জন—জাবকান্তুপাম ॥
 তাহাতে ভাসূল রাগ সুরঞ্জন ।
 হেরি কুমুদিনী মুদিল নয়ন ॥

পীনোন্নত কুচ ঢাকিবার তরে ।
 উড়ানী বেড়ল তাহার উপরে ॥
 অতি সুকোমল শ্রীগঙ্গলাবণী ।
 নয়ন সরোজে বঙ্কিম চাহনী ॥
 কামধনু জিনি ক্র-যুগল শোভা ।
 বদন কমল অলিকুল-লোভা ॥
 তিলফুল জিনি নাসার গঠন ।
 অমিয়া বরষ জিনিয়া বচন ॥
 উলটা কদলী জিনি উরু শোভা ।
 কটি ক্ষীণ অতি শ্রোণী গুরু লোভা ॥
 বাম করে লঞা কামানের সাজ ।
 অন্তরে ভাবয়ে আপনার কাজ ॥
 মরাল গঞ্জিয়া মধুর গমন ।
 মুখে স্নহ হাসি মন-বিমোহন ॥
 নিজ গুণ নিজ বদনেতে গায় ।
 নয়ন ঘুরায়ে চারিদিকে চায় ॥
 নাপিতিনী হেরি গোপগণ কয় ।
 এই নাপিতিনী কোথাকার হয় ॥
 ঠমক-ঠামক হেরিয়া ইহার ।
 কার হৃদে নহে কামের সঞ্চার ॥
 ইহার নাপিত হয় যেই জন ।
 ধন্য ! ধন্য ! তার পুরুষ জনম ॥

নাপিতিনী হেরি কহে গোপীগণে ।
 হেন নাপিতিনী না হেরি ভুবনে ॥
 না জানি ইহার কেমন কামান ।
 কামাইলে তার বুঝিয়ে সন্ধান ॥
 কোন গোপনারী জিজ্ঞাসা করয় ।
 ওগো নাপিতিনি ! নাম কিবা হয় ॥
 এস মোর ঘরে দেহ কামাইয়া ।
 পুরস্কার দিব আশা পুরাইয়া ॥
 নাপিতিনী কহে ফেরতা বেলায়— ।
 কামাইয়া, নাম কহিব তোমায় ॥
 এখন সময় হবে না আমার ।
 কামানের কাল হএগাছে রাধার ॥
 ভানুর-নন্দিনী আয়ান-গৃহিণী ।
 অলপ কষ্ট্রে হয়েন রাগিনী ॥
 নানান্ প্রকারে করে তিরস্কার ।
 মান করি কথা নাহি কহে আর ॥
 “সহেতু-নির্হেতু” সেই দুই মান ।
 রাধার শরীরে সদা বর্ত্তমান ॥
 রাগিনী-মানিনী রাধার সমান ।
 রমণী-কুলেতে নাহি হেরি আন ॥
 রাগিনী হইলে থির করা ভার ।
 কত আর কব বেভার তাঁহার ॥

মানিতে বসিলে এত ভার হয় ।
 ধরনী সে ভার সহিতে নারয় ॥
 হেন কহি ধনী যাবটাভিমুখে— ।
 গমন করয়ে আপনার স্থখে ॥
 মুচকি হাসিয়া পাছুদিকে চায় ।
 নয়ন চালিয়া মোহয়ে সবায় ॥
 নাপিতিনী সাজি মদন-মোহন ।
 মোহিয়া সবায় করেন গমন ॥
 যাঁর মায়া নাচে ভুবন নাচয় ।
 মায়া নাপিতিনী সে জন সাজয় ॥
 শ্রীরাধার প্রেমে যাই বলিহারী ।
 নাপিতিনী সাজ সাজল মুরারী ॥
 যাবটে যাইয়া রাধার মহলে— ।
 প্রবেশ করিয়া হাসি হাসি বলে ॥
 আমি নাপিতিনী রঞ্জনকারিণী ।
 কোথায় আছেন রাই-বিনোদিনী ॥
 সখীরা জিজ্ঞাসে কোথা তুয়া বর ।
 নাপিতিনী কহে কুশীর ভিতর ॥
 সখীগণ কহে কুশী কোন ঠাই ।
 নাপিতিনী কহে তাহা জানা নাই ॥
 সখীরা কহয়ে জানিব কেমনে ।
 নাপিতিনী কহে কুশী বৃন্দাবনে ॥

বৃন্দাবন মাঝে কুশী শোভা পায় ।
 কুশীর বারতা কহিনু সবায় ॥
 ললিতা কহয়ে কোথা কার ঘরে ।
 কামাইয়া থাক কহ ঠিক করে ॥
 নাপিতিনী কহে মথুরা নগরে ।
 কামাইয়া থাকি অনেকের ঘরে ॥
 রসবতী যত মথুরা নাগরী ।
 মো-পাশে কামায় সমাদর করি ॥
 আমার নিকট কামাইল যারা ।
 আর কার কাছে না কামায় তারা ॥
 মথুরা নাগরী আমার দর্শনে ।
 আনন্দ সাগরে হয় নিমগনে ॥
 নাপিতিনী বাণী শ্রবণ করিয়া ।
 বিশাখা কহয়ে মধুর হাসিয়া ॥
 ওগো নাপিতিনি ! কি নাম তোমার ?
 কেন বা করিছ এত অহঙ্কার ॥
 নাপিতিনী কহে “শ্যামা” মোর নাম ।
 কামাইয়া দেখ ! দেখ ! মঝু ঠাম ॥
 মিছা অহঙ্কার আমি নাহি করি ।
 বারেক কামায়ে দেখ লো সুন্দরি ! ॥
 মঝু পাশ নখরঞ্জনী ধরিতে ।
 কেহ নাহি পারে এই অবনীতে ॥

নখ-পা রজ্জাতে কেহ মোর কাছে— ।
 নাহিক পারয়ে বুঝিবেক পাছে ॥
 মোর গুণ জানে পুরনারীগণ ।
 দেখিতে এলাম তোমরা কেমন ॥
 নাপিতিনী বাণী করিয়া শ্রবণে ।
 হাসিয়া কহয়ে স্তুতিরা তখনে ॥
 কাজের আগেতে এত “বরাং” মিছে ।
 কাজ সারি “বরাং” করিহ লো ! পিছে ।
 বচনে অনেক—কাজেতে বিরল— ।
 মানুষ মিলয়ে দেখিয়ে কেবল ॥
 কিশোরী কহেন কি কাজ কথায় ।
 কামাইলে জানা যাইবে উহায় ॥
 এস নাপিতিনি ! কামাও আমায় ।
 নানা পুরস্কার দিবলো ! তোমায় ॥
 তবে নাপিতিনী পেচেটি রাখিয়া ।
 নখররঞ্জনী করেতে ধরিয়া— ॥
 নখকুণী টাঁচে আনন্দ হিয়ায় ।
 কিশোরী তখন কহেন তাঁহায় ॥
 ওগো নাপিতিনি ! তুয়া হাত বাহা ।
 কুণী টাঁচা কাজে জানা গেল তাহা ॥
 হেন মত কুণী কোন নাপিতিনী ।
 তুলিবারে নারে নাপিত গৃহিণি ! ॥

তবে নাপিতিনী রাই পদ ধরি ।
 যতনে রাখি স্ব-হাঁটুর উপরি ॥
 মাষতোলা লঞা মাষ তুলিবারে—
 নিরখে চরণতল একাধারে ॥
 তবে ত হাসিয়া নাপিতিনী কয় ।
 তুয়া পদতলে মাষ না বাড়য় ॥
 কমল জিনিয়া অতি সু-কোমল ।
 কিশোরি ! তোমার চরণের তল ॥
 এতেক কহিয়া নাপিতিনী শ্যামা ।
 করে লঞা বালি-পিণ্ডাকার ঝামা ॥
 চরণে জীবন করিয়া প্রদান ।
 ঝামা ঘসে ধীরে নাপিতিনী কাণ ॥
 কিছুক্ষণ ঝামা ঘসি পদতলে ।
 আলতা পরাণ রস কুতূহলে ॥
 আলতা পরাঞা বিদগধ-শ্যাম ।
 পদাঙ্ক সকল হেরে অবিরাম ॥
 পদাঙ্ক হেরিয়া আনন্দে কহয় ।
 এ হেন পদাঙ্ক কার বা আছয় ॥
 মহালক্ষ্মী বিনু পদাঙ্ক এমন ।
 কভু নাহি হয়,—করিবু শ্রবণ ॥
 রাই কহে তুমি পদাঙ্ক চিন কি ? ।
 নাপিতিনী কহে চিনি রাজার কি ! ।

ইহা শুনি রাই সখীগণে কহে ।
 এই নাপিতিনী সামান্য ত নহে ॥
 তবে নাপিতিনী রাই পদতলে ।
 নিজ নাম লিখে ভাব-কুতূহলে ॥
 প্যারী কহে কিবা লিখ পদতলে ।
 স্ব-নাম লিখিনু নাপিতিনী বলে ॥
 রাই কন তাহে কিবা প্রয়োজন ।
 নাপিতিনী কয় থাকিবে স্মরণ ॥
 রাই কহে জল পদে দিলে পর ।
 নাম না রহিবে,—করিনু গোচর ॥
 নাপিতিনী কহে মোর লেখা নাম ।
 কভু না উঠিব,—কহি তুয়া ঠাম ॥
 কিশোরী কহেন কেমন লিখন ।
 জলে না উঠিবে করিলে মার্জ্জন ॥
 নাপিতিনী কন মাজিবেক যত ।
 এ নামের শোভা বাড়িবেক তত ॥
 শ্রীগতী কহেন কি নাম এমন ।
 বারেক আমারে করাও শ্রবণ ॥
 নাপিতিনী কহে “কৃষ্ণ” নাম যাহা ।
 তুয়া পদতলে লিখিয়াছি তাহা ॥
 কিশোরী কহেন করিলে কি কাজ ।
 অভাগীর শিরে নিখেপিলে বাজ ॥

মুছ ! মুছ ! নাম দিয়া সিন্ধুনাশ্বর ।
 ক্ষণকাল আর বিলম্ব না কর ॥
 মার নাম তুমি লিখিয়াছ পদে ।
 সে মোর জীবন বিপদ সম্পদে ॥
 নাপিতিনী কন ভালই হইল ।
 সে জন তোমার চরণে রহিল ॥
 রাই কহে সে ত চরণের নয় ।
 হৃদয়ের ধন প্রাণাধিক হয় ॥
 নাপিতিনী কহে দেহ পুরস্কার ।
 তবে ত নামটি মুছিব তাহার ॥
 রাই কহে কিবা পুরস্কার বল ।
 নাপিতিনী কহে চরণ-যুগল ॥
 রাই কন একি চাহ পুরস্কার ।
 নাপিতিনী কন কিছু নহে আর ॥
 এতেক কহিয়া তুলিয়া চরণ— ।
 বুকের মাঝারে করল ধারণ ॥
 ওগো রাধে ! আমি তোমার কারণ
 নাপিতিনী বেশ করিনু ধারণ ॥
 হেন শুনি রাই ঘোড়টা টানিয়া—
 ঘরের ভিতর যায়েন চলিয়া ॥
 নাপিতিনী শ্যাম পাছু পাছু ধায় ।
 প্রিয়সখীগণ লাজেতে লুকায় ॥

ঘরের ভিতর যাইয়া নাগর ।
 মদনে মাতিয়া ধরে রাই কর ॥
 রাই কন নাথ ! একি হেরি কাজ ।
 অসময়ে ইহা নহে রসরাজ ! ॥
 মাতোয়াল শ্যাম হাসিয়া কহয় ।
 এ মিলনে নাহি সময়সময় ॥
 এত কহি কানু লাইয়া রাধায় ।
 উঠিয়া বৈঠল পর্য্যঙ্ক শয্যায় ॥
 রসের বিধানে রসিক নাগর ।
 রাই সনে ক্রীড়া করে মনোহর ॥
 সে ক্রীড়া দর্শনে মনোজ-মদন ।
 বৃন্দাবন ছাড়ি করে পলায়ন ॥
 রাধারে ধরিয়া মন্থথ-মথন ।
 স্বরত স্বভাবে করেন রমণ ॥
 অপ্রাকৃত রতি ইহা কহয় ।
 বহিমুখে যাহা বুঝিতে নারয় ॥
 শ্রীরাধা-কৃষ্ণের সন্মিলন যেই ।
 মধুর-মিলন জানিবেক সেই ॥
 শ্রীরাধা-কৃষ্ণের সন্মিলন শোভা ।
 রসিক ভক্তের মন-প্রাণ-লোভা ॥
 বিধি-বেদাতিত মধুর-মিলন ।
 কার শক্তি তাহা করিবে বর্ণন ॥

শ্রীগুরুর কৃপা যাহার উপর ।

এছে রস তার সদাই গোচর ॥

শ্রীগুরু-জাহ্নবী-শ্রীরাম চরণ— ।

ভুবনে যাহার সরবস ধন ॥

সেই দীননাথ প্রভুর নন্দন ।

এ বিপিন গায় “মধুর-মিলন” ॥ ১২ ॥

মনের প্রতি ।

নাপিতিনী সন্মিলন মুহূর্ত্তেকাদশে ।

ওরে ননঃ ! অনুদিন স্মরহ সরসে ॥

শ্রীনটিনী-মিলন ।

তছুচিত-শ্রীগৌরচন্দ্রঃ ।

গ্রন্থকারস্য ননস্বারঃ ।

নটিনীকৃপমালোকা যো দেবো স্বপ্রিয়ান্তিকম্ ।

বিলপং পূৰ্ব্বভাবেন তং গৌরাঙ্গং ভজানহে ॥ ১৩ ॥

রাগঃ ।

জয়রে ! জয়রে ! গোরা ।

নাগরী হৃদয় চোরা ॥ ধ্রুঃ ॥

ভুবন সুন্দর, রসিক প্রবর,

চৌষট্টি রসেতে ভোরা ।

মদন-গঞ্জন, রমণী-রঞ্জন,

বিদূষ গঞ্জন সোঢ়া ॥

কলা বিমণ্ডিত, মণ্ডিত পণ্ডিত,
ভকত রকত লেহ ।

ভুবন পাবন, সদানন্দ ঘন,
প্রকৃতি অতীত দেহ ॥

শ্রীশচী-নন্দন, শ্রীরমা-রমণ,
সরব শরণ সুর ।

তরুণ অরুণ, করুণ বরুণ,
পাষণ্ড দরপ চুর ॥

বাহির অন্তর, ভাব নিরন্তর,
ভকত-ভাবুক রাজ ।

ধরম করম, শরম মরম,—
ভাবকাখ্যাপন কাজ ॥

পিরীতি সুরিতি, সুবিদিত নিতি,
হরিনাম-প্রেম দাতা ।

ভুবন বন্দিত, পিরীতি মণ্ডিত,
সরব ভুবন-পাতা ॥

মায়া রসায়ন, প্রসন্ন নয়ন,
পিরীতি মুরতি বীর ।

শুণত্রয় ধৃত, সর্বকাল পূত,
হরিপ্রেম-রস বীর ॥

এমন গৌরাজ্জ রায় ।

গদাধর সনে, কৃষ্ণ আলাপনে,
স্বরধুনী তীরে যায় ॥ ধ্রুঃ ॥

পথেতে দেখয়ে, নটিনী নাচয়ে,
স-সঙ্গীত নানা তালে ।

অভিনব গোরা, ভাবে হঞা ভোরা,
ছুই কর দিয়া গালে— ॥

গদাধরে কন, কর দরশন,
বিদগধ-শ্রামরায় ।

পূরাইতে আশ, কিশোরীর বাস,
নটিনী সাজিয়া যায় ॥

ললিত-ত্রিভঙ্গ, জানে কত রঙ্গ,
কহনে না যায় তাহা ।

গোকুল মোহিয়া, যাইছে মাতিয়া,
সরম না করে কাঁহা ॥

যেমন মাধুরী, তেমনি চাতুরী,
জানয়ে নাগর শ্যাম ।

শ্যামের সঙ্গতি, না পেল মো মতি,
কিবা কব বিধি বাম ॥

গোরার বচন, করিয়া শ্রবণ,
হাসি কহে গদাধর ।

ওহে বিশ্বস্তর !, এ ভাব সম্বর,
চলহ আপন ঘর ॥

গোরাটাদ কয়, ঘর কোথা হয়,
 তাহা না বুঝিতে পারি ।
 শুনিবারে তাই, বাসনা সদাই,
 কহ সুর-দাপ-হারি ! ॥
 কহয়ে গদাই, ভুলিলে নিমাই !,
 ঘর কোথা তুয়া হয় ।
 তুয়া ঘর যেথা, কেবা যায় সেথা,
 গ্রহগতি তথা নয় ॥
 সেথায় প্রকৃতি, সদাই বিকৃতি,
 কত বা কহিব আর ।
 কেন বা আমায়, ছল গোরায়ায় !,
 জানি তুয়া ব্যবহার ॥
 এ বিপিন দাসে, কাতরেতে ভাসে,
 দেব গদাধর পাশে ।
 ওহে গদাধর !, মোরে কৃপা কর,
 পূরাও মনের আশে ॥ ১৩ ॥

গ্রন্থকারস্য দণ্ডবন্দিতঃ ।

নটিনীরূপমাধুর্য্য যোগচ্ছেদ্রাধিকান্তিকম্ ।

বল্লবীকুলপ্রেষ্টং তং শ্রীকৃষ্ণং সমুপাস্মহে ॥ ১৩ ॥

চিত্র রাগ ।

দেখ ! দেখ ! অপরূপ শোভা ।

“নটিনী” সাজল শ্যাম মনোলোভা ॥ ধ্রুঃ ॥

যার মায়া নাটে ভুবন নাচয় ।
 সে আজ নাচিতে নটিনী সাজয় ॥
 মিলিবারে রাই রাজার খিয়ারি ।
 নটিনী সাজল রসিক-মুরারী ॥
 রাধিকার প্রেমে যাই বলিহারি ।
 দেখ গো ! কি করে গোকুল-বিহারী ॥
 কিবা প্রেম সেই নবীনা-রাধার ।
 যাহার লাগিয়া শ্রীনন্দ-কুমার— ॥
 নটিনী সাজিয়া বিকাল বেলায় ।
 রাধার ভবনে নাচি নাচি যায় ॥
 ধড়া-চূড়া-লাঠি-মুরলী রসাল ।
 সখা পাশ রাখি মদন-গোপাল ॥
 যাবক বরণ স্ত্র-চীন বসনে— ।
 যাগরা বানাঞা পরল যতনে ॥
 চেলখণ্ডে করি উরোজ পীবর ।
 উরসি বাঁধল গিরিবর ধর ॥
 কারুকৃত চারু পলাশ বরণ ।
 কাঁচুলি যতনে করল ধারণ ॥
 কুটিল কুন্তলে বেণী বিনাইয়া— ।
 কবরী বাঁধল হরিষ হইয়া ॥
 কবরীর ছাঁদ হেরিয়া কানড় ।
 লাঞ্জে লুকাওল মহীকুহোপর ॥

কবরী উপরে ফুল জাল-মালা ।
 রাই প্রেমভরে জরাওল কালা ॥
 হেম নিরমিত কুসুম সুন্দর ।
 লাগাওল শ্যাম তাহার উপর ॥
 সুগন্ধ কুম্ভকুম মাখল বদনে ।
 ভালে হেমসিঁথি বাঁধল যতনে ॥
 কাণে কাণবালা, মকর কুণ্ডল— ।
 সুমকা প্রভৃতি ভূষণ বিমল— ॥
 পরল নাগর ধরি দরপণ ।
 হেরিয়া সুবল হাসে ঘন ঘন ॥
 চিক-চাঁদমালা-মুকুতার হার ।
 গলায় পরল শ্রীনন্দ-কুমার ॥
 হাতে হেমবালা, চুড়ি মনোহর— ।
 নারিকেল ফুল, কঙ্কণ সুন্দর— ॥
 অঙ্গদ প্রভৃতি যতেক ভূষণ ।
 অনুরাগে শ্যাম করল-ধারণ ॥
 কটিতে মেথলা, চরণে ঘুঙ্গুর— ।
 পরল হরিষে কেলীকলা সুর ॥
 তবে ত নাগর কিংশুক বরণ— ।
 সু-চীন উড়ানী করল ধারণ ॥
 নাসায় তিলক রচল যতনে ।
 দেখিয়া সুবল কহল তখনে ॥

ভাল ত নটিনী সাজিলে কানাই !
 এস তুয়া পদে আলতা পরাই ॥
 এতেক কহিয়া স্তবল তখন ।
 যাবক পরায় মনের মতন ॥
 করতাল-গোপীযন্ত্র লঞা তবে ।
 পৌর্ণমাসী আসি কহেন কেশবে ॥
 ধর ? ধর ? শ্যাম ! এ যন্ত্র যুগল ।
 তবে ত গাইবে কিশোরী মঙ্গল ॥
 যন্ত্র পাঞা শ্যাম-নাগর তখন ।
 আনন্দ সাগরে হইয়া মগন— ॥
 মনে ভাবে এই যন্ত্র সহকারে ।
 প্রিয়া গুণ দেবী গান অনিবারে ॥
 তবে শ্যাম রাই চরণ ভাবিয়া ।
 বামপদ আগে দেন বাড়াইয়া ॥
 স্তবল কহয়ে সাবধানে যাও ।
 দক্ষিণ চরণ আগে না বাড়ায় ॥
 অ গে বাড়াইলে দক্ষিণ চরণ ।
 ধরিবে তোমায় ব্রজবাসীগণ ॥
 সখা মুখ চাহি কহে শ্যামরায় ।
 কিছু ভয় নাই,—কহিনু তোমায় ॥
 ধরা নাহি দিলে মোরে ধরিবারে—
 কভু কেহ নাহি পারয়ে সংসারে ॥

এত কহি শ্যাম গজেন্দ্র গমনে— ।

উত্তরিল গিয়া রাধার ভবনে ॥

নটিনীরে হেরি কন বিনোদিনী ।

কোথা হোতে এথা আইলা নটিনি ! ॥

নটিনী কহয়ে মথুরা হইতে ।

আইনু এথায় নাচিতে-গাইতে ॥

নন্দরাজ গৃহে নাচিনু-গাইনু ।

তথায় অনেক শিরপা পাইনু ॥

তোমার ভবনে নাচিয়া গাইয়া ।

চলিয়া যাইব শিরপা লইয়া ॥

রাই কহে দিয়া করতালে তাল— ।

গান কর আগে ঠিক রাখি তাল ॥

বেতাল-বিরস গান যদি হয় ।

শিরপা না দিব কহিনু নিশ্চয় ॥

রাই আজ্ঞা পাঞা নটিনী তখন ।

গান করে তাঁর মনের মতন ॥

“সখা ভঙ্গ দিলে মঝু রঙ্গরসে ।

কতদিন রবে প্রেম আত্মবশে ॥”

হেনমত নানা সঙ্গীত শুনিয়া ।

শ্রীমতী কহেন মধুর হাসিয়া— ॥

তুয়া গান শুনি জুড়াল শ্রবণ ।

গোপীযন্ত্র তালে নাচ লো এখন ॥

- কিশোরীর বাণী শুনিয়া তখন ।
 নটিনী নাচয়ে ঘুরায়ে নয়ন ॥
 খেমটা, কয়ালী, পোস্ত, ঝাঁপতালে ।
 আড়াঠেকা, ঠুংরি, ধ্রুপদ চৌতালে—
 নাচিয়া নটিনী শ্রীমতীরে কয় ।
 শিরপা করহ যাহা মনে লয় ॥
 শ্রীমতী কহেন মনের মতন— ।
 শিরপা তোমারে করিব অর্পণ ॥
 জতের তালেতে কপোত লুঠনে ।
 নাচলো নটিনি ! করি দরশনে ॥
 নটিনী কহয়ে নাচাবে যেমন ।
 তেমনি নাচিব তোমার সদন ॥
 শিরপা প্রদানে না হও কাতর ।
 নিবেদিলু এই যুড়ি চুই কর ॥
 তবে ত নটিনী বসিয়া অঙ্গনে ।
 জতেতে নাচয়ে কপোত লুঠনে ॥
 কছু বা ছেব্কা তালেতে নাচয় ।
 হেরিয়া কিশোরী সাধু ! সাধু ! কয় ॥
 তবে ত কহয়ে প্রিয়সখী গণ ।
 হেন নাচ নাহি করি দরশন ॥
 কিশোরী কহেন বলিহারি যাই ।
 এমন লুঠন কছু দেখি নাই ॥

লুঠিতে লুঠিতে নটিনী স্ব-শিরে ।
 শ্রীরাধা-চরণ পরশয়ে ধীরে ॥
 বিনোদিনী কন রঞ্জিনী নটিনি ! ।
 নৃত্যশিক্ষা দেহ করিয়া সজ্জিনী ॥
 নটিনী কহেন যে নাচ শিখিবে ।
 সে নাচ নাচিলে আপনি হইবে ॥
 ওগো তাণ্ডবিনি ! তাণ্ডব তোমায়— ।
 শিখাইবে হেন না হেরি ধরায় ॥
 মোরে শিখাইলে শিখাইতে পার ।
 তুয়া পাশ মিছা বড়াই আমার ॥
 যবে দুইজনে লঞা সখীগণে ।
 নগরে নগরে করিব নর্তনে ॥
 সে দিন বাসনা হইবে পূরণ ।
 তুয়া পদে এই করি নিবেদন ॥
 ইহা শুনি হাসি বিনোদিনী কয় ।
 নটিনি ! তোমার ঘর কোথা হয় ? ॥
 নটিনী কহয়ে থাকি মথুরায় ।
 “শ্যামাঙ্গিনী” নাম কহিনু তোমায় ॥
 ওগো বিনোদিনি ! শিরপা অর্পণে ।
 বিলম্ব না কর করি নিবেদনে ॥
 শ্রীমতী কহেন শিরপা কি চাও ? ।
 নটিনী কহেন মো শিরে পা দাও ? ॥

“দেহি পদপল্লব যুদারং ।” ও ত্রীরাধে ! ॥

শিরপা তোমারে করিব অর্পণে ।
 আগে কহিয়াছ আপন বদনে ॥
 কিশোরী কহেন শিরপা অর্থতে ।
 পুরস্কার কহে শব্দ শাস্ত্রেতে ॥
 নটিনী নাগর কহে তাহা নয় ।
 মোর অভিধানে “শিরে পা” লিখয় ॥
 রাই কহে সেই অভিধান নাম ।
 শুনিবারে চাই,—কহ মঝু ঠাম ॥
 শ্যাম কহে সেই অভিধানাখ্যান ।
 মানিনি ! তোমার সে দিনের মান ॥
 নাগরী তখন বুঝিলা অন্তরে ।
 এ নয় নটিনী নাথ এল ঘরে ॥
 তথাপি রসের বিলাস কারণে ।
 পুছিতে লাগিল স্মিত হাস্তাননে ॥
 তুয়া শিক্ষাগুরু কোন্‌জন হন ।
 কহগো নটিনি ! করিব শ্রবণ ॥
 শ্যাম কহে মোর শিক্ষাগুরু যিনি ।
 সম্মুখে দাঁড়ায়ে কথা কন তিনি ॥
 সঙ্গীতাদি আমি শিখিয়াছি যত ।
 সকলি ত সেই আছে অবগত ॥

গুরু হঞা চাহ গুরু জানিবারে ।
 এ কোন বিচার कहিবে আমারে ॥
 গুরুর উচিত শিরপা প্রদান ।
 নতুবা শিষ্যের কিসে হবে ত্রাণ ॥
 নটিনীর বাণী শুনিয়া শ্রবণে ।
 সখীগণ লাজে করে পলায়নে ॥
 নাগর তখন স্ব-যন্ত্র ফেলিয়া ।
 স্ব-যন্ত্র ধরেন মদনে মাতিয়া ॥
 মদন মথন লোকে যাঁরে কয় ।
 রাই লাগি তিঁহ মদনে মাতয় ॥
 বলিহারি যাই শ্রীমতী রাধায় ।
 মদন মোহনে মদনে মাতায় ॥
 নাহি জানি রাই কত গুণ ধরে ।
 মন্থণ মথনে বিমথন করে ॥
 রাই কহে বঁধো ! কি কর ? কি কর ?
 এখনি ননদী আসিবে এ ঘর ॥
 নিকাল বেলায় এ হেন করমে ।
 ধরম না সয়ে ?—লাগয়ে সরমে ॥
 পুরুষ জাতির নাহি ভয় লাজ ।
 ছাড় ? ছাড় ? ছাড় ? ছাড় ? রসরাজ ! ॥
 এতেক শুনিয়া নাগর তখন— ।
 রাধার চিবুক করিয়া ধারণ— ॥

হাসি হাসি কন ননদিনী ভয় ।
 তোমার আমার কাছে না আসয় ॥
 তোমায় আমায় ভয় ভয় করে ।
 তবে কেন ভয় করিছ অন্তরে ॥
 তোমার আমার কুলকে সবাই ।
 বিমোহিত হয় প্রাণাধিকে রাই ! ॥
 তোমার আমার অভাব যেথায় ।
 ধরম-করম-লাজাদি সেথায় ॥
 তোমার যুগল-চরণ শরণ— ।
 বিনু নাহি আন জানে মনু মন ॥
 ধরমাধরম কিছু নাহি জানি ।
 তোমার চরণ সার,—এই মানি ॥
 তোমার ভজন তোমার পূজন ।
 তুয়া নাম-মন্ত্র জপি সর্বক্ষণ ॥
 তোমা বিনু আর কেহ মোর নাই ।
 শপথ করিয়া কনু তুয়া ঠাই ॥
 তুমি মোর বল তুমি ত সম্বল ।
 তুমি যে আমার পিপাসার জল ॥
 এতেক কহিয়া নটিনী-নাগর ।
 চুম্বন করেন রাধার অধর ॥
 তবে ত কিশোরী লইয়া নাগরে— ।
 প্রবেশ করেন মন্দির ভিতরে ॥

মোহিনী শয্যায় বসি দুইজনে ।
 নানারূপে করে রস আশ্বাদনে ॥
 অবশেষে রাই বঁধুর চরণে ।
 কাঁদিতে কাঁদিতে করে নিবেদনে ॥
 “নাথ হে ! কি আর বলিব তোমায় ।
 শ্রীচরণে ঠাঁই দিও হে আমায় ॥
 তোমার রাতুল যুগল-চরণ ।
 অভাগী রাধার সরবস ধন ॥
 ধরম-করম কিছু নাহি জানি ।
 তোমার চরণ সার,—এই মানি ॥
 তোমার চরণ সেবিবার তরে— ।
 কুল-মান আদি দিনু দূর করে ॥
 একূলে-সেকূলে তোমার চরণ— ।
 আমার ভজন-পূজন-শরণ ॥
 বঁধো হে ! কি আর বলিব তোমায় ।
 শ্রীচরণ ছাড়া করোনা আমায় ॥”
 নটিনী-মিলন রসের সাগর ।
 যাহে ডুবি রহে ভকত মকর ॥
 বিশুদ্ধ-রসিক ভকত মকরে— ।
 বিহার করেন এ রস সাগরে ॥
 শ্রীবংশীবদন রাম অবতারে— ।
 দেখাইলা এই রস পারাবারে ॥

শ্রীবংশী চরণ করিয়া শরণ ।

এ বিপিন গায় “নটিনী-মিলন ॥” ১৩ ॥

মনের প্রতি ।

দ্বাদশ মুহূর্ত্তকালে নটিনী-মিলন ।

ওরে মনঃ ! অনুদিন করহ স্মরণ ॥ ১৩ ॥

শ্রীবেণেনী-মিলন ।

তদুচিত শ্রীগৌরচন্দ্রঃ ।

গ্রন্থকারস্য নমস্কারঃ ।

বিলোকা বেণেনীকপং পূৰ্ণভাবেন বিশ্বলঃ ।

নো দেনো সপ্রিয়াগ্রে চ তং গৌরং প্রণতোহস্মাহম্ ॥ ১৪ ॥

রাগঃ ।

জয় জয় জয় শ্রীশচীনন্দন ।

ভুবন-পাবন ভকত-জীবন ॥

নাম-প্রেমদাতা বিধির বিধাতা ।

পাপীজন-ত্রাতা নিজগণ পাতা ॥

ভুবন-বন্দিত মণ্ডিত পণ্ডিত ।

ত্রিলোক-পূজিত গুণ-বিভূষিত ॥

নাগরী-রঞ্জন গরবী-গঞ্জন ।

নয়ন-রঞ্জন শশাঙ্ক লাজ্জন ॥

পাষণ্ড-দলন বিশ্ব-বিমোহন ।

তরুণ তারণ অরুণ বরণ ॥

পরম করুণ রসদ রসন ।
 ভয় নিবারণ সরব কারণ ॥
 বিদ্যা বিনোদন কাম নিরসন ।
 পিরীতি অয়ন দুঃখ নিবারণ ॥
 ত্রিতাপ-হরণ মদন দলন ।
 প্রসন্ন নয়ন নিত্যানন্দঘন ॥
 শ্রীপরমেশ্বর ভুবন সুন্দর ।
 নাগরী নাগর দেব বিশ্বস্তর ॥
 সরব গোচর প্রসন্ন অন্তর ।
 রসিক প্রবর প্রেম-সুধাকর ॥
 ভকত রকত ভাবুক ভকত ।
 সুরত সুরত বিরাগ বিরত ॥
 সুরত পণ্ডিত নয় বিমণ্ডিত ।
 গীর্বাণ মণ্ডিত গীর্বাণ বন্দিত ॥
 অবিদ্যা মোচন জগত তারণ ।
 শ্রীরমা রমণ ত্রিলোকমোহন ॥
 প্রেমময় তার প্রেম পারাবার ।
 অপ্রাকৃত মার ভক্তকণ্ঠহার ॥

এমন গৌরাজ রায় ।

বসি গদাধর সনে, করে কৃষ্ণ আলাপনে,
 হেনকালে বণিকিনী ধায় ॥ ধ্রুঃ ॥

মসলার ডালি কাঁকে, ছুয়ারে ছুয়ারে হাঁকে,
মসলা কি লইবে গৃহিণি ! ।

রন্ধন মসলা যত, আনিয়াছি মনোমত,
পানের মসলা বিনোদিনি ! ॥

বণিকিনী হেরি গোরা, পূর্বভাবে হএণ ভোরা,
কন প্রিয় গদাধর পাশে ।

দেখ ! দেখ ! প্রেমধান, বণিকিনী সাজি শ্যাম,
যাইছেন জটিলার বাসে ॥

পূরাইতে অভিলাষ, মিলিবেন রাই পাশ,
জটীলা মোহিয়া নানা ছলে ।

মসলার ডালি কাঁকে, গোপের ছুয়ারে ডাকে,
লহ লহ মসলা সকলে ॥

হেন কহি গৌরহরি, ধরণী উপরে পড়ি,
ভাসে দুই নয়নের নীরে ।

বদনে বলেন হরে !, গোরে লহ সঙ্গে করে,
ডালাখানি তুলি দেহ শিরে ॥

তবে দেব গদাধর, ধরিয়া গৌরাজ কর,
উঠাএণ বসান হাস্থাননে ।

কন ওহে বিশ্বস্তর !, কি কর কি কর কর,
এভাব করহ সম্বরণে ॥

বাতুল কহিবে সবে, মো প্রাণে তাহা না সবে,
হাসিতেছে অবিদগ্ধ গণে ॥

শুনি গদাধর ঝালী, শিরে সবাকর হানি,
কন গোরা মধুর বচনে ॥

ছঃখের নাহিক ওর, গোপীর বসন-চোর,
শ্যাম মোরে করিয়া বর্জ্জন ।

বণিকিনী সাজি রঙ্গে, বুদ্ধিদূতী করি সঙ্গে,
যাবটেতে করিছে গমন ॥

হেনকালে নিত্যানন্দ, পরম আনন্দসদ্বৎ,
তথা আসি দিলা দরশনে ।

নিত্যানন্দে হেরি গোরা, হইয়া স্ভাব চোরা,
লাজবারে হইয়া মগনে— ॥

মধুর হাসিয়া কন, কর দেব ! দরশন,
বেগেনী সাজিয়া শ্যামরায় ।

মসলা লইয়া স্মৃথে, যান যাবটাভিমুখে,
নানা ছলে মোহিয়া সবায় ॥

শুনি নিত্যানন্দ কহে, এত বৃন্দাধন নহে,
এত নয় সেই বণিকিনী ।

নয়নে হেরিলে যায়, চিনিতে কি নার তায়,
এ যে সেই বেগেনী “রঙ্গিনী” ॥

এর পতি গুণরাজ, কোলের বাজার মাঝ,
মসলার দিয়াছে দোকান ।

রঙ্গিনী রঙ্গিনী ঠামে, বিকাল বেলায় গ্রামে,
নিতি পাড়া করিয়া বেড়ান ॥

ইহাৱে হেৱিয়া হেন,— উদ্দীপন ভাব কেন,
হৱা কৱি থিৱ কৱ মন ।

হেন শুনি গোৱা ৱায়, নিত্যানন্দ মুখে চায়,
ভাব-ৱসে হইয়া মগন ॥

তবে কন গদাধৱ, উঠ উঠ বিশ্বস্তৱ !,
চল চল আপন ভবন ।

এ বিপিন দাসে গায়, ভাবুকেৱ ভাব চয়,
সহজে কি হয় সংগোপন ॥ ১৪ ॥

ঐশ্বক্যৱস্ত দণ্ডবনতিঃ ।

বণিকৃপল্লীকৃপং ধূয়া যো গচ্ছৎ স্বপ্রিয়াস্তিকম্ ।

নায়কানা শিপোৱত্নং তং গোবিন্দং ভজামহে ॥ ১৪ ॥

চিত্ৰ ৱাগ ।

দেখ ৱে ! মাধুৱী নয়ন-ৱঞ্জন ।

“বেণেনী” সাজল শ্ৰীনন্দ-নন্দন ॥ প্রঃ ॥

ধড়া পূৱিহৱি লোহিত বৱণ— ।

ৱাগেৱ ঘাগড়ী কটিতে পিন্ধন ॥

ভুবন-মোহন স্তগন্ধ শ্ৰীগঞ্জে— ।

মৰ্দন কৱল ৱসিক স্তৱঞ্জে ॥

বুকেতে কাঁচুলী কাঞ্চন বৱণ— ।

প্রণয়েৱ ভৱে কৱল বন্ধন ॥

চূড়া পরিহরি বেণী বিনাইয়া—।
 কবরী বাঁধল ফুলদাম দিয়া ॥
 প্রেমাঞ্জন কিবা পরল নয়নে ।
 অধর রঞ্জিলা স্ব-ভাব মঞ্জনে ॥
 সু-তাম্বুল রাগ তাহাতে শোভিত ।
 হেরিয়া কিংশুক লাজে নিপতিত ॥
 কুন্দ দলাকার সৌভাগ্য শোভন— ।
 তিলক রচল ধরি দরপণ ॥
 চাঁদ চিক হার পরল গলায় ।
 মোহন কুণ্ডল কাণে শোভা পায় ॥
 দুই গণ্ডে কিবা লাল ভূতি শোভা ।
 শ্রবণ-গহ্বরে গন্ধতুল লোভা ॥
 বলয় অঙ্গদ-তাবিচাভরণ— ।
 করে লাগাওল গোকুল-মোহন ॥
 কটিতে কাঞ্চন কাঞ্চী অভরণ— ।
 নিতম্ব বেড়িয়া কওল ধারণ ॥
 লোহিত বরণ উড়ানী চিকণ— ।
 অঙ্গে লাগাওল মুরলী বদন ॥
 মুরলী রাখিয়া সুবলের পাশে ।
 দরপণ ধরি মৃদু-মৃদু হাসে ॥
 তবে পৌর্ণমাসী মসলার ডালি— ।
 আনিয়া কহেন ওহে বনমালি ! ॥

“বেণেনী” সাজিয়া যাবটেতে যাও ।
 দেখ ?—পথে যেন লোক না হাসাও
 এতেক কহিয়া মসলার ডালি ।
 শ্যাম বাম কঁাকে দিলা শ্যাম আলি ॥
 সুবল মুচকি হাসিয়া কহিল ।
 “তঁা” লাগি বেণেনী সাজিতে হইল ॥
 পিরীতির বশ যেই জন হয় ।
 নানাভাব সেই মুহূর্ত্তে ধরয় ॥
 পৌর্ণমাসী কন কি বল সুবল ! ।
 আপন গরজে কেবা না বিহ্বল ॥
 গরজে গেয়ান কার নাহি রয় ।
 “গরজ বালাই” তেত্রিঃ লোকে কয় ॥
 দেবীর বচন করিয়া শ্রবণ ।
 মুহু হাসি কন শ্যাম-নবঘন ॥
 কেন দেবি ! মোরে কর পরিহাস ।
 আশীষ করহ পূরে যেন আশ ॥
 এতেক কহিয়া মদন নোহন ।
 রাই রূপ ভাবি করেন গমন ॥
 বামপদ আগে বাড়াইয়া কয় ।
 হে রাধে ! আমারে হইও সদয় ॥
 পৌর্ণমাসী কন পদ বিপর্যায়— ।
 পথনাঝে যেন কভু নাহি হয় ॥

পদ বিপর্যায় ঘটয়ে যাহার ।
 অতি অমঙ্গল জানিবে তাহার ॥
 শ্যাম কন দেবি ! পদ বিপর্যায়— ।
 কোন কালে মোর কভু নাহি হয় ॥
 আমার পদের বিপর্যায় যথা ।
 সব অন্ধকার জানিবেক তথা ॥
 সদা অমঙ্গল ঘটে সেইখানে ।
 প্রকাশিয়া এই কনু তুয়া থানে ॥
 মোর পদ ঠিক একভাবে রয় ।
 তেত্রিঃ মঝু পদে “পরংপদ” কয় ॥
 পৌর্নমাসী কন জানি হে কানাই ! ।
 তোমার মুখেতে বড়াই সদাই ॥
 গরুর রাখাল যেই জন হয় ।
 “বড়াই” তাহার এত ভাল নয় ॥
 মরি ! মরি ! নরলীলার মাধুরী ।
 তব্ব ঢাকে দেবী করিয়া চাতুরী ॥
 শ্যাম কন দেবি ! যা বল তা বল ॥
 যাই সেথা যেন হয় সুমঙ্গল ॥
 এত কহি শ্যাম যাবটাভিমুখে— ।
 গজেন্দ্র গমনে যান নিজ স্রুথে ॥
 মাঝে মাঝে কন মসলা কি চাই ।
 যাহা চাবে তাহা পাবে মঝু ঠাই ॥

কোন গোপী দ্বারে আসিয়া কহয় ।

এলাচি কি পণে করিছ বিক্রয় ॥

বণিকিনী কহে এলাচির পণ ।

শুনিলে জুলিয়া উঠিবেক মন ॥

এলাচির মন শতমুদ্রা হয় ।

শুনিয়া গোপিনী কথা নাহি কয় ॥

বেণেনী কহয়ে এলাচি কিনিতে— ।

যে সাধ তোমার হয়েছিল চিতে ॥

মন পণ তার করিয়া শ্রবণ ।

সে সাধ অন্তরে হইল গোপন ॥

এতেক কহিয়া বণিকিনী-হরি ।

চন্দ্রাবলী দ্বারে যান দ্বরা করি ॥

দুয়ারে দাঁড়ায়ে কন বার বার ।

মসলা লইতে বাসনা বাহার ॥

আমার নিকটে আসুক সে জন ।

মসলা পাইবে মনের মতন ॥

বণিকিনী বাণী করিয়া শ্রবণে ।

চন্দ্রাবলী কন প্রিয় সখীগণে ॥

বেণেনীরে এথা আনহ ডাকিয়া ।

মসলা লইব নয়নে হেরিয়া ॥

চন্দ্রার আদেশ করিয়া শ্রবণ ।

দুয়ারে যাইয়া প্রিয়সখীগণ ॥

বেগেনীরে কহে ওগো বণিকিনি ! ।

মসলা লইবে মোদের গৃহিণী ॥

ত্বর করি এস ভবন মাঝার ।

দ্বারেতে গমন না হবে তাঁহার ॥

তবে ত বেগেনী সখীগণ সনে— ।

উতরিলা চন্দ্রাবলির সদনে ॥

বণিকিনী হেরি চন্দ্রাবলী কয় ।

তুয়া পাশ কি কি মসলা আছয় ॥

বেগেনী কহয়ে চাহিবে যাহাই ।

আমার নিকটে পাইবে তাহাই ॥

চন্দ্রাবলী কহে গুৰ্জরী এলালি— ।

ভোগাবলী-জায়ফল গন্ধশালি ॥

“গন্ধ চন্দন সংযুক্তা রোচনা কুম্ভকুমেযুতা ।

ভোগাবলিরিতিখ্যাতা হৃপূৰ্কাগুকাশিনী ॥” ১ ॥

মন প্রতি পণ শূনিবারে চাই ।

শুনিয়া হাসয়ে বেগেনী কানাই ॥

বেগেনীর হাসি করি দরশন ।

চন্দ্রাবলী ক্রোধে কহেন তখন ॥

এলাইচ-জায়ফল-ভোগাবলি— ।

মন পণ শূনি হাসিলা কি বলি ? ॥

মন পণ মুই দিবারে কি নারি ।

কহ লো ! তাহাই বেগের কিয়ারি ! ॥

বণিকিনী শ্যাম কন তাহা নয় ।
 মন পণ প্রায় কেহ নাহি কয় ॥
 মন পণ প্রায় কেহ দিতে নারে ।
 তেত্রিঃ সে হাসিনু কহিনু তোমারে ॥
 মন পণ মোরে একা দিলা রাই ।
 তাঁহার পাশেতে তেত্রিঃ সদা যাই ॥
 এলাচির মন মুদ্রা পাঁচশত ।
 “জায়ফল” তাই করিনু বেকত ॥
 “ভোগাবলি” মন কত নাহি জানি ।
 অলপ কিনিয়া বেচি ঠাকুরাণি ! ॥
 ভোগাবলি ভরি দশ মুদ্রা হয় ।
 তুয়া পাশ এই কনু সমুদায় ॥
 এলাচির পণ করিয়া শ্রাবণ ।
 চন্দ্রাবলী কয় বড় বেশী পণ ॥
 এত বেশী পণে না লইবে কেহ ।
 বেণেনী কহরে লইনেক সেহ ॥
 চন্দ্রাবলী কহে সেহ কেটা বটে ।
 বেণেনী কহয়ে “সে” আছে যাবটে ॥
 চন্দ্রাবলী কহে কিবা নাম তার ।
 বেণেনী কহে “সে” বৈরিণী তোমার ॥
 চন্দ্রাবলী কহে আমার বৈরিণী ।
 ব্রজ মাঝে একা ভানুর নন্দিনী ॥

বণিকিনী কন কহ নাম তার ।
 চন্দ্রাবলী কহে এ মুখে না আর ॥
 “বেণে কি” কহে সে, বৈরিণী তোমার— ।
 লইয়া থাকেন মসলা আমার ॥
 তেঁহ বিনা মোর মসলার পণ ।
 ব্রজ মাঝে নাহি জানে আন জন ॥
 মন পণ তিঁহ হিসাব করিয়া— ।
 পণ ফেলি দেন প্রসন্ন হইয়া ॥
 তাঁহার সমান দানী বৃন্দাবনে ।
 কোন নারী আর না হেরি নয়নে ॥
 কিশোরীর গুণ করিয়া শ্রবণ ।
 চন্দ্রাবলী ক্রোধে করেন গর্জ্জন ॥
 বেণেনীরে কহে আর তার নাম ।
 ওলো বণিকিনি ! না কর মো ঠাম ॥
 মসলা লইয়া স্বরা দূর হও ? ।
 মঝু পাশ আর কথা নাহি কও ? ॥
 সাপিনী সতিনী যে “ডালি” ছুঁইল ।
 সেই “ডালি” মোরে দেখিতে হইল ॥
 ওঠ্‌লো বেণেনি ! ওঠ লঞা “ডালা” ।
 ভোর কথা শুনি বড় পাই ছালা ॥
 বণিকিনী শ্যাম হাসিয়া তখন ।
 “ডালি” কাঁকে লঞা করেন গমন ॥

কত রঙ্গ জানে রসিক-ত্রিভঙ্গ ।
 চন্দ্রাবলী ছলি করিলেন রঙ্গ ॥
 একেরে জ্বালায় আনেরে শীতল ।
 “এ” শঠ শ্যামের ধরম কেবল ॥
 মনের আগুনে চন্দ্রারে জ্বালায়ে ।
 জটিল দুয়ারে উতরেন যায়ে ॥
 মসলা লইবে বলিয়া ডাকয় ।
 শুনিয়া জটিল ডাক দিয়া লয় ॥
 মসলার ডালি নামাঞা অঙ্গনে ।
 কন কি মসলা করিবা গ্রহণে ॥
 জটিল কহয়ে সকল প্রকার— ।
 পাকের মসলা চাহি গো ! আমার ॥
 তবে বণিকিনী নলিনীর পাতে ।
 মসলা বাঁধয়ে সূতা লঞা হাতে ॥
 তুলিদী-ধনিয়া-মেথি-লঙ্কা-জীরা ।
 মরীচ-ফোড়ন-তেজপাতেশীরা ॥
 মউরী-মবানী আর পোস্তদানা ।
 লবঙ্গ চন্দনী-এলাচাদি নানা— ॥
 মসলা বাঁধিয়া নলিনীর পাতে ।
 হাসি হাসি দেন জটিলার হাতে ॥
 মসলা লইয়া কহেন জটিল ।
 গণ কত এর হিসাব করিলা ॥

বণিকিনী কন পণ বেশী নয় ।
 পাঁচ মুদ্রা পণ সকলের হয় ॥
 তবে ত জটিল-পাঁচ মুদ্রা পণ ।
 বণিকিনী করে করিলা অর্পণ ॥
 পাঁচের অনুগ হয়েন সবাই ।
 পাঁচ মুদ্রা পণ লন শ্যাম তাই ॥
 পণ পাঞা হাসি বণিকিনী কয় ।
 তাম্বুল মসলা অনেক আছয় ॥
 মাথাঘসা আদি মসলা নানান ।
 কিছু কিছু সব করুন আদান ॥
 শিরে কর হানি জটিল কহয় ।
 উহাতে আমার কাজ কি আছয় ॥
 মাথাঘসা-পাণ মোর ছিল যাহা ।
 দারুণ বিধাতা হরিলেন তাহা ॥
 মাথাঘসা-পাণ মসলা যে হয় ।
 লঞা যাও তুমি বধূর আলায় ॥
 এ বোল শুনিয়া শ্যাম-বণিকিনী ।
 “ডালি” কঁাকে যান যথা বিনোদিনী ॥
 যাঁহার মায়ায় মোহিত ভুবন ।
 তাঁর বেশী কি এ জটিল মোহন ॥
 যোগমায়া যাঁর অনুগতা হয় ।
 তাঁর লীলা কেবা বুঝিতে পারয় ॥

নবীনা বেণেনী হেরি বিনোদিনী ।
 মুদ্র হাসি কন ওগো বণিকিনি ! ॥
 কোথা তুয়া ঘর কি নাম তোমার ।
 কেমনে ভবন জানিলে আমার ॥
 বেণেনী কহেন মধুপুরে ঘর ।
 “শ্যামাঙ্গিনী” নাম সবার গোচর ॥
 মোর অগোচর নাহি কোন ঠাই ।
 সব লোকে জানে আমার বড়াই ॥
 বণিকিনি বাণী করিয়া শ্রবণে ।
 কিশোরী কহেন প্রিয়সখীগণে ॥
 এমন বেণেনী কভু হেরি নাই ।
 মনে হয় এর দাসী হঞা যাই ॥
 এত কহি রাই বেণেনীরে কয় ।
 কিসের মসলা ডালিতে আছয় ॥
 বেণেনী কহেন মাথাঘসা-পাণ— ।
 মসলা আছয়ে, করুন আদান ? ॥
 একাঙ্গী-আমলা-চন্দন-তাম্বুল ।
 ছোট-বড় মেথি আর বেণামূল ॥
 গোলাপের কুঁড়ি পচাপাতা আর ।
 বাজামুখা আদি ডালিতে আমার ॥
 চিক্নী-মগাই শুপারী-বাদাম ।
 এলাচ-লবঙ্গ-খদির সুঠাম ॥

গুৰ্জরী এলাল,—মউরী রসাল ।
 যবানী-কপূর-জায়ফল ভাল ॥
 ধনের চাউল—জৈত্রী-স্বরবাণ ।
 কস্তুরি প্রভৃতি মসলানুপাম ॥
 দারুচিনি-ষষ্ঠিমধু-কাউচিনি । -
 তাম্বুল মসলা আছে বিনোদিনী ! ॥
 কেশর-কস্তুরী-গোরোচনা আর ।
 নানা গন্ধ আছে ডালিতে আমার ॥
 আলতা-সিন্দূর প্রয়োজন যাহা ।
 আমার ডালিতে পাইবেক তাহা ॥
 আমার মসলা লয় যেই জন ।
 কার পাশ সেই না যায় কখন ॥
 মঝু মসলার সুগন্ধ যাহার— ।
 নাসারঞ্জে নাহি যায় একবার ॥
 সেই জন লোভে নানা জন পাশ ।
 মসলা লইয়া হয় গো ! হতাশ ॥
 বণিকিনী বাণী শুনিয়া শ্রবণে ।
 কিশোরী কহেন মধুর বচনে ॥
 সকল মসলা দাও গো ! আমায় ।
 যেই পণ চাবে দিব “তা” তোমায় ॥
 বণিকিনী কন “এ ডালি” ও পায়— ।
 দিবার লাগিয়া আইলু এথায় ॥

এস ? এস ? এস ? বৈস ? বৈস ? রাই !
 তুয়া অঙ্গে আগে মসলা মাখাই ॥
 তাহে যদি তুয়া হয় সুখোদয় ।
 তবে পণ দিও ? উচিত যা হয় ॥
 এতেক কহিয়া বেণেনী নাগর ।
 মসলা মাখায় ধরি রাই কর ॥
 নিশ্চিত মসলা বাটি হোতে লঞা ।
 সর্ব্বাঙ্গে মাখান পুলকিত হঞা ॥
 আগেতে আমলা সর্ব্বাঙ্গে ঘসিয়া ।
 বণিকিনী কন মুচকি হাসিয়া ॥
 জমলাজ হেরি কিশোরি ! তোমার ।
 আমলা মর্দন বিফল আমার ॥
 এতেক কহিয়া “ভোগাবলি” যাহা ।
 পয়োধর বেড়ি মাখায়েন তাহা ॥
 ঘুমের অলসে নাগরী তখন ।
 বণিকিনী কোলে মুদীলা-নয়ন ॥
 বেণেনী কহেন বেশী বেলা নাই ।
 বিদায় করহ ঘরে যেতে চাই ॥
 এতেক শুনিয়া শ্রীমতী তখন— ।
 নয়ন মেলিয়া সামালে বসন ॥
 পণ আনিবারে কহেন সখীরে ।
 শুনিয়া নাগর কন ধীরে ধীরে ॥

ধন কড়ি পণ কিছু নাহি চাই ।
 আমি যে তোমারি চির দাস রাই ॥
 সবসব ধন তুমি হে ! আমার ।
 তোমা বিনু সব হেরি অন্ধকার ॥
 কৃপাময়ি ! কৃপা করহ আমায় ।
 শীতল চরণ দেহ মো মাথায় ॥

“দেহি পদপল্লবমুদারং । ও শ্রীরাধে !”

তোমার বিরহ ছরস্ত্র অনলে ।
 সর্ববাস্ত জ্বলিছে ?—নিভাও সরলে ! ॥
 হৃদয় হইতে জ্বালাটি উঠিয়া ।
 শির কেশমূল দহে যেন গিয়া ॥
 দেহি ! দেহি ! পদ কমল মাথায় ।
 বিলম্ব হইলে মরিব এথায় ॥
 যৈছে কঁাকে ডালি করি নু বহন ।
 তৈছে শিরে বব যুগল চরণ ॥
 যে জন আমায় বাঁধিল প্রণয়ে ।
 তার ভার বহি সকল সময়ে ॥

“বহাম্যহং বহাম্যহং বহাম্যহং । ও শ্রীরাধে !”

এতেক শুনিয়া প্রিয়সখীগণ ।
 পরস্পর কহে বেণেনী কেমন ॥

কথা শুনে লাঞ্জে এথা রহা ভার ।
 বেণের মেয়ের কেমন বেভার ॥
 কিশোরী তখন বুঝিয়া অন্তরে ।
 লাঞ্জে প্রবেশিলী ঘরের ভিতরে ॥
 বেগেনী নাগর মাতিয়া মদনে ।
 রাই পাছু পাছু করেন গমনে ॥
 প্রিয়সখীগণ বুঝিয়া তখন— ।
 মুখে বাস দিয়া করে পলায়ন ॥
 তবেত নাগর ধরি রাই কর ।
 আনন্দে বৈঠল পর্য্যঙ্ক উপর ॥
 বিনোদিনী কন একি রসরাজ ! ।
 অভাগীর তরে বণিকিনী সাজ ! ॥
 মঝু লাগি কেন এত বেশ ধর ।
 চন্দ্রাবলী তোমা সেবে নিরন্তর ॥
 ছুধের পিয়াস জলে কি মিটয় ।
 ছাড় ছাড় নাথ ! এত ভাল নয় ॥
 বণিকিনী শ্যাম কহেন তখন ।
 বাকবাণে আর না বধ জীবন ॥
 তোমার লাগিয়া এই বৃন্দাবনে—
 গোধন চরাএগা ফিরি বনে বনে ॥
 তুমি হে ! আমার পরাণ পুতলী ।
 তোমা না হেরিলে হই বেয়াকুলী

মান ত্যজি দান দেহ শ্রীচরণ ।
 করযোড়ে এই করি নিবেদন ॥
 এতেক কহিয়া বিদগধ-শ্যাম ।
 রাইসনে ক্রীড়া করে অনুপাম ॥
 শ্রীরাধা-কৃষ্ণের মধুর-মিলন ।
 হেররে ! হেররে ! রসিক নয়ন ॥
 প্রভু দীননাথ গোস্বামি-নন্দন— ।
 এ বিপিন গায় “বেণেনী-মিলন” ॥ ১৪ ॥

মনের প্রতি ।

ত্রয়োদশ মুহূর্ত্তে “বেণেনী-মিলন” ।
 ওরে মনঃ ! অনুদিন করহ স্মরণ ॥ ১৪ ॥

চিত্রকরী-মিলন ।

তদুচিত শ্রীগৌরচন্দ্রঃ ।

গ্রন্থকারস্য নমস্কারঃ ।

দৃষ্ট্বা চিত্রকরীরূপং যো দেবশ্চতিকাতরঃ ।
 পূর্ব্ণভাবমগুপ্তত্যা তং গৌরান্ধং নতোহস্মাহম্ ॥ ১৫ ॥

রাগঃ ।

জয় জয় শ্রীকৃষ্ণচৈতন্য ! ।

সর্ব্ব অবতার সার, বেদ-পুরাণাদি পার,
 বিশ্বস্তর ভক্ত অগ্রগণ্য ॥ ধ্রুঃ ॥

শ্রী অদ্বৈত-নিত্যানন্দ, গদাধর প্রেমস্কন্ধ,

শ্রীশ্রীবাস-শ্রীবংশীবদন ।

এই সব ভক্ত সঙ্গে, বসি বিদ্যালয়ে রঙ্গে,

করে গোরা কৃষ্ণ আলাপন ॥

ছাত্রগণ আনমনে, করে শাস্ত্র অধ্যয়নে,

হেনকালে “চিত্রা”-চিত্রকরী ।

চিত্রপট লঞা করে, তথা যাঞা মধুস্বরে,

কহে সবে প্রণাম আচরি ॥

পণ্ডিতের মনোমত, অবতার চিত্র যত,

করিয়াছি নয়ন রঞ্জন ।

মোর চিত্র দেখে যেই, বিমোহিত হয় সেই,

হেন মোর চিত্র বিমোহন ॥

ইহা শুনি গৌরহরি, কন ওগো চিত্রকরি !,

দেখাও কেমন চিত্র হয় ।

চিত্র যদি হরে প্রাণ, দিব মনোমত দান,

কহিলাম করিয়া নিশ্চয় ॥

হেন শুনি চিত্রকরী, চিত্রপটে নতি করি,

দেখায় শ্রী-দশ অবতার ।

রাম-কৃষ্ণ অবতার, হেরি সবে চমৎকার,

কিবা শোভা কহে বার বার ॥

গোরা কন গদাধরে, দেখে রাই মানভরে,

অধোমুখে আছেন বসিয়া ।

চিত্রকরী বেশে কাণ, ভাঙ্গিতে রাধার মান,
সাধিছেন চরণ ধরিয়া ॥

এ বোল বলিয়া গোরা, পূর্বভাবে হঞা ভোরা,
গদাধরে করে আলিঙ্গন ।

ওগো কৃপাময়ী রাই !, মুখ তুলি দেখ চাই,
কেন বল মান অকারণ ॥

আমিহ তোমার দাস, পূর্ণ কর অভিলাষ,
মনোজ আগুনে জলে হিয়া ।

হেন কহি বিশ্বস্তর, পড়িয়া ধরণী'পর,
কাঁদয়েন শ্রীরাধে ! বলিয়া ॥

শ্রীবংশীবদন কয়, ওহে গোরারসময় !,
এথা কেন এ ভাব উদয় ।

ভাব কর সংগোপন, হাসিবে মুরখজন,
এ ত সেই বৃন্দাবন নয় ॥

দিপিনবিহারি দাসে, কহে বংশী পদপাশে,
ভাবুক স্বভাব সংগোপন— ।

কভু করিবারে নারে, শুনিয়াছি গুরু দ্বারে,
ভাব হয় স্বয়ং প্রকটন ॥ ১৫ ॥

গ্রন্থকারস্য দণ্ডবন্দিতঃ ।

ধৃত্বা চিত্রকরীরূপং যো গচ্ছেদ্রাধিকান্তিকম্ ।

নবীননটরূপং তং ভীকৃৎ সমুপাশ্নহে ॥ ১৫ ॥

চিত্র রাগ ।

মরি ! মরি ! অপরূপ শোভা ।
 জগজন মন-প্রাণ লোভা ॥
 “চিত্রকরী” বেশ শ্যাম-নটবর ।
 হের রে ! হের রে ! নয়ন ভ্রমর ॥ ধ্রুঃ
 পীত-ধড়া ছাড়ি অরুণ বরণ— ।
 শোভিত রঞ্জিত ঘাগরী পিঙ্গন ॥
 কাঞ্চন লাজ্বল বরণ বাঁচুলি— ।
 পরল শ্যামল হঞা ভাবাকুলি ॥
 অঁচড়িয়া কেশ বামে বাঁকাইয়া— ।
 বাঁধল কবরী ফুলদাগ দিয়া ॥
 শ্রবণ যুগলে ফুল-ভুল শোভা ।
 কণ্ঠে চাঁদ চিক-নিষ্কাবলী লোভা ॥
 বলয়-অঙ্গদ-তাবিচ-কঙ্কণ— ।
 যুগল করেছে কিবা সুশোভন ॥
 নিতম্ব উপরি শোভে কাঞ্চী হার ।
 সিঁথায় সিন্দূর মণ্ডল আকার ॥
 কুন্দদল শোভা জিনিয়া তিলক— ।
 নাসার উপরে দিতেছে বলক ॥
 নয়নে অঞ্জন ভ্রমর গঞ্জন ।
 অধরে মঞ্জুন পাণ্ডুর বরণ ॥

তাম্বুলের রাগ তাহাতে শোভন।
 হেরিয়া কুমুদ মুদিতা নয়ন ॥
 জাবক বরণ উড়ানী চিকণ—।
 অঙ্গেতে বেঢ়ল নবীন-মদন ॥
 প্রিয় বংশী রাখি সুবলের পাশে।
 দরপণ ধরি মৃদু-মৃদু হাসে ॥
 তবেত সুবল আনি চিত্রপট।
 হাসি কহে ধর শ্যাম সুলস্পট ! ॥
 “চিত্রকরী” সাজি যাও রাই পাশে।
 দেখ যেন পথে লোক নাহি হাসে ॥
 চিত্রপট হেরি কন শ্যামরায়।
 হেন চিত্রপট পাইলে কোথায় ? ॥
 সুবল কহয়ে “চিত্রলেখা” মোরে—।
 এই পট দিলা,—কহিলাম তোরে ॥
 সে চিত্রলেখার চিত্রলেখা হয়।
 এ লেখা হেরিয়া কেবা মুগ্ধ নয় ? ॥
 তবে চিত্রপট ভাঁজি শ্যামরায়।
 শ্রীরামে ! বলিয়া বাঁ-পদ বাড়ায় ॥
 পরিহাস তরে সুবল তখন।
 নাসারন্ধ্রে তৃণ করিয়া অর্পণ— ॥
 হাঁচিয়া, শ্যামেরে হেটমুখে কয়।
 সখে ! আজিকার যাত্রা ভাল নয় ॥

শঠ-শ্যাম কন প্রিয়সখা যেই ।
 তার হাঁচি শুভ কহিলাম এই ॥
 শুভাশুভ ভাই ! কিছু মোর নাই ।
 সদা শুভ যথা বিরাজিতা রাই ॥
 কোন বাধা নাই রাই দরশনে ।
 শত হাঁচি হাঁচ যাহা তব মনে ॥
 ঐ দেখ সুবল ! মোর বাম দিয়া— ।
 বেগে যায় শিবা মো-দিকে চাহিয়া ॥
 বামে “শব-শিবা” মঙ্গল কারণ ।
 তুয়া পাশ এই করিনু কীৰ্ত্তন ॥
 শিবা শিবারূপ করিয়া ধারণ— ।
 শুভ দিন করাইলা দরশন ॥
 এ বোল শুনিয়া সুবল কহয় ।
 গরজে অশুভ কেহ না ভাবয় ॥
 গরজে লম্পট জ্ঞান হারাইয়ে— ।
 কালাহির পুচ্ছ ধারণ করিয়ে— ॥
 অবহেলে করে প্রাচীর লঙ্ঘন ।
 জীবনের আশ করিয়া বর্জ্জন ॥
 গরজে তস্কর দিনের বেলায় ।
 লোক-ঘরে চুরি করিবারে যায় ॥
 শ্যাম কন ভাই ! প্রেম-প্রীতি যথা ।
 মনের গরজ দিবানিশি তথা ॥

সুবল ! সুবল ! নাহি দাও বাধা ।
 নিরাপদে যেন সেথা হেরি রাধা ॥
 এতক্ষণ কহিয়া নাগর আনন্দে ।
 চিত্রপট কঙ্কে যান নানা ছন্দে ॥
 কিশোরীর দ্বারে করিয়া গমন ।
 নানাছন্দে করে পটের বর্ণন ॥
 কোন সখী তবে দ্বারেতে আসিয়া ।
 চিত্রকরী হেরি কহয়ে হাসিয়া ॥
 এস চিত্রকরি ! মোদের ভবনে ।
 চিত্রপট মোরা হেরিব নয়নে ॥
 সখী সঙ্গে সঙ্গে চিত্রকরী হরি ।
 প্রবেশ করেন ভবন ভিতরি ॥
 চিত্রকরী হেরি জিজ্ঞাসেন রাই ।
 কার চিত্রপট কহ শুনি তাই ? ॥
 চিত্রকরী কহে যে চিত্র দেখিবে ।
 সেই “চিত্র” পটে দেখিতে পাইবে ॥
 চিত্রাবলী তোমা করাণ্ডা দর্শন ।
 পুরস্কার লব মনের মতন ॥
 রাই কন চিত্র লাগিলে নয়নে ।
 পুরস্কার তোমা দিব বলধনে ॥
 যে ধন চাহিবে দিব সেই ধন ।
 মোর বাণী মিছা না হবে কখন ॥

ভানু যদি হয় পশ্চিমে উদয় ।
 তবু মোর বাণী মিছা নাহি হয় ॥
 এতেক শুনিয়া আশ্বাসিত মনে ।
 চিত্রকরী চিত্র করায় দর্শনে ॥
 দেখ গো কিশোরি ! মেলিয়া নয়ন ।
 প্রলয়ে পৃথিবী হইলে মগন ॥
 মীনরূপ ধরি জগদীশ হরি ।
 মুনি-বেদোক্তার করে কৃপা করি ॥
 হেন কহি রাগ মালব গোড়েতে— ।
 গায় চিত্রকরী রূপক তালেতে ॥

“প্রলয়গম্নোদ্ধিজলে ধৃতবানসিবেদং

বিহিতবহিত চরিত্রমথেনং ।

কেশব ধৃত মীনশরীর জয় জগদীশ হরে ॥ ১ ॥ ঋবঃ

বসুধা রক্ষণ করণ কারণ ।
 কচ্ছপাবতার যাঁহার ধারণ ॥
 সেই পৃথ্বীধর কূর্ম্মকারেশ্বরে ।
 হের গো কিশোরি ! ভক্তিপূর্ণাস্তরে ॥

“কিত্তিরতিবিপুলতরে তিষ্ঠতি তবপৃষ্ঠে

ধরপিধারণ কিংচক্রগরিষ্ঠে ।

কেশব ধৃত কূর্ম্মশরীর জয় জগদীশ হরে ॥ ২ ॥”

বরাহাবতারে জগদীশ হরি ।
 পৃথিবী রাখিলা দশনাগ্নে ধরি ॥

সেই শ্রীবরাহরূপী নারায়ণে ।

হের গো-কিশোরি ! কমল-নয়নে ॥

“বসতি দশনশিখরে ধরনীতবলয়া

শশিনিকলঙ্ককলেব নিমগ্না ।

কেশব ধৃত শূকররূপ জয় জগদীশ হরে ॥ ৩ ॥

নৃসিংহাবতারে অদ্ভুত নথরে— ।

হিরণ্য কশিপু বধিয়া সমরে—॥

স্ব-ভক্ত প্রহ্লাদে দেব নারায়ণ ।

করুণা প্রকাশি করেন রক্ষণ ॥

সেই অদভুত নৃসিংহ বদনে ।

হের গো-কিশোরি ! নলিন নয়নে ॥

“তব করকমলবরে নখমদ্ভুতশৃঙ্গং

দলিতহিরণ্যকশিপুতমু ভৃঙ্গং ।

কেশব ধৃত নরহরিরূপ জয় জগদীশ হরে ॥ ৪ ॥”

ধঃ

যাঁহার চরণ নখোৎপন্ন বারি— ।

পাপবিমোচক লোক-পূতকারী ॥

সেই শ্রীবামন ব্রহ্মচারীবেশে— ।

বলির সর্ববস্তু হরি অবশেষে— ॥

পাতাল পুরীতে পাঠায়েন তাঁয় ।

প্রণমামি সেই শ্রীবামন পায় ॥

“ছলয়সি বিক্রয়ণে বলিমদ্ধুত বামন

পদনথনীরজনিত জনপাবন ।

কেশব ধৃত বামনরূপ জয় জগদীশ হরে ॥ ৫ ॥”

পিতৃবধ ক্রোধে জ্বলিত অন্তরে—।

একবিংশবার ক্ষত্রিয়-নিকরে—॥

নিধন করিয়া যেই নারায়ণ—।

পৃথ্বী অভিষেক করেন সাধন ॥

সেই শ্রীভার্গবরূপী নারায়ণে—।

হের গো কিশোরি ! যুগল নয়নে ॥

“ক্ষত্রিয়রুধিরময়ে জগদপগতপাপং

অপয়সি পয়সি শমিতভবতাপং ।

কেশব ধৃত ভূগুপতিরূপ জয় জগদীশ হরে ॥ ৬ ॥”

যিনি রাবণের কাটি দশানন ।

দিগ্‌দেব সবার করেন অর্চন ॥

সেই রামরূপী কৌশল্যা নন্দনে ।

স-সীতা লক্ষ্মণ হের গো ! নয়নে ॥

“বিতরসি দিক্ষুরণে ঐক্যপতিকমনীয়ং

দশমুখমৌলিবলিং রমণীয়ং ।

কেশব ধৃত রামশরীর জয় জগদীশ হরে ॥ ৭ ॥

রামারণ্য নামে নগর সুন্দর ।

যাঁর মাঝে শোভে প্রেম সরোবর ॥

সেই সরোবরে হেম সন্মাস্তরে ।

রতন নির্মিত সিংহাসনোপরে ॥

বিরাজিত যিনি সদানন্দান্তরে ।

প্রণমামি সেই রাম হৃদধরে ॥

পরিধান যার সুনীল বসন ।

যিনি করিলেন বিরজাকর্ষণ ॥

সেই হৃদধররূপী নারায়ণে ।

হের গো কিশোরি ! যুগল নয়নে ॥

“বহসি বপুসিবিশদে বসনং জলদাভং

হৃদহৃতি ভীতি মিলিতবসুনাভং ।

কেশব ধৃত হৃদধররূপ জয় জগদীশ হরে ॥ ৮ ॥”

“অহিংসা পরমোধর্ম্ম” যাহা হয় ।

বেদমতে যিনি তাহা প্রকাশয় ॥

পশুবধ যজ্ঞ প্রতিপন্নকারী—।

বেদনিন্দা যিনি করেন বিচারি ॥

নানামতে যিনি অমুর মোহয় ।

সেই বুদ্ধরূপী শ্রীহরির জয় ॥

“নিন্দসি যজ্ঞবিধেরহহ ঋতিজাতং

সদয় হৃদয়দর্শিতপশুঘাতং ।

কেশব ধৃত বুদ্ধশরীর জয় জগদীশ হরে ॥ ৯ ॥”

কলিযুগ অস্তে যেই নারায়ণ ।

ভয়ঙ্কর অসি করিয়া ধারণ—॥

উনমত ভাবে য়েচ্ছ সবা শির—।

ছেদিয়া স্ব-যোগে হইবেন থির ॥

সেই কঙ্কিরূপী শ্রীহরি চরণে ।

হের গো কিশোরি ! যুগল নয়নে ॥

“স্নেহ নিবহ নিধনে কলয়সি করবাণঃ

ধূমকেতুমিব কিমপি করালং ।

কেশব ধৃত কঙ্কিশরীর জয় জগদীশ হরে ॥ ১০ ॥”

দশাকারধারী শ্রীকৃষ্ণ চরণে ।

নমস্কার করি ধরণী লুষ্ঠনে ॥

শ্রীমতী কহেন দশাকারধরী ।

শ্রীকৃষ্ণ মহিমা দেখিতেছি ভারি ॥

এহেন শ্রীকৃষ্ণ বিহরে কোথায় ? ।

কহ চিত্রকরি ! প্রকাশি আনয় ॥

চিত্রকরী কহে রসনিধি পারে ।

গুপ্ত বৃন্দাবন—মন্ডন কিনারে ॥

সেই বৃন্দাবনে প্রেম পাড়া মাঝে ।

প্রেমময় কৃষ্ণ সতত বিরাজে ॥

রাই কন ওগো পটুয়ার কি ! ।

সে কৃষ্ণের চিত্র পটে আছে কি ? ॥

চিত্রকরী কহে মোর পট মাঝে ।

সরব ব্রহ্মাণ্ড চিত্ররূপে সাজে ॥

মোর চিত্রপটে চিত্র নাই যাহা ।

আকাশ-কুসুম-অশ্বিন্ধু তাহা ॥

হেন শুনি হাসি বিনোদিনী কন ।
 সকল আলেখ্য করাও দর্শন ॥
 ভালমত তোমা দিব পুরস্কার ।
 মণিসর মণিপূরে গতি যার ॥
 চিত্রকরী কহে বিনোদিনী রাই ! ।
 পুরস্কার যেন পণ মত পাই ॥
 এ নয় সে নয় নাহি কহ পরে ।
 রাজার মেয়েকে বড় ভয় করে ॥
 এতেক কহিয়া চিত্রকরী স্মৃথে ।
 কৃষ্ণগুণ গান করি হাস্যমুখে ॥
 পটখানি খুলি রাধারে কহয় ।
 সেই কৃষ্ণ চিত্র হের সমুদয় ॥
 বসন হরণ লীলা হেরি রাই ।
 চিত্রকরী প্রতি আর দিঠে চাই—॥
 বদনে বসন দিয়া আচ্ছাদন ।
 সখীগণ মুখ হেরে ঘন ঘন ॥
 পট লখি লাজে সখীরা তখন ।
 হেটমুখে ভূমি করে দরশন ॥
 চিত্রকরী কহে এ চিত্র হেরিয়া ।
 আর কেন লাজ কহ প্রকাশিয়া ॥
 তুয়া সব লাজ হরিবার তরে ।
 এখাকার কৃষ্ণ বস্ত্র চুরি করে ॥

সেথা এথা মুই হেরি একভাব ।
 ভিনু ভাবাভাব বিনু কিবা পাব ॥
 শ্রীমান ভঞ্জন হেরিয়া নয়নে ।
 শ্রীমতী কহেন মধুর বচনে ॥
 এ মান ভঞ্জন লিখিলা কেমনে ।
 চিত্রকরী কহে শুনিয়া শ্রবণে ॥
 সেথা কৃষ্ণ ধরি প্রিয়ার চরণ—
 ছুরজয় মান করেন ভঞ্জন ॥
 হেন শূনি ছাড়ি দীঘল নিশ্বাস ।
 বিনোদিনী কন চিত্রকরী পাশ ॥
 গুটাও এ পট গুগো চিত্রকরি ! ।
 তোমার এ চিত্র সুন্দর সুন্দরি ! ।
 ভাব-প্রেম-প্রীতি উচ্ছ্বাস যেথায় ।
 স্ব-স্বরূপ সবে বিস্মৃত সেথায় ॥
 চিত্রকরী তবে করি নমস্কার ।
 কহে বেলা নাই দেহ পুরস্কার ॥
 রাই কন কিবা পুরস্কার চাও ? ।
 চিত্রকরী কহে হৃদে পদ দাও ? ॥
 পুরস্কার তুয়া যুগল চরণ ।
 এ বোল শুনিয়া হাসে সখীগণ ॥
 কিশোরী তখন বুঝিলা অস্তুরে ।
 বঁধু এল চিত্রকরী ছলা করে ॥

তবে ত কিশোরী ঘোঙটা টানিয়া ।
 বঁধুমুখ হেরে নয়ন ভরিয়া ॥
 চিত্রকরী শ্যাম কহেন তখন ।
 বিলম্ব না কর কর পদার্পণ ॥
 তোমার লাগিয়া চিত্রকরী সাজ ।
 সাজিতে হইল বৃন্দাবন মাঝ ॥
 কত সাজ তুমি জান সাজাইতে ।
 বুঝিতে না পারি তোমার চরিতে ॥
 যা সাজাও প্রিয়ে ! সাজি সেই সাজ ।
 তুয়া কাজে মোর নাহি কালব্যাজ ॥
 তোমার কাজেতে আমি হই কাজি ।
 তথাপি হে ! তুমি নহ মোরে রাজি ॥
 তবে ত নাগর রাই কর ধরি ।
 প্রবেশ করেন মন্দির ভিতরি ॥
 সখীগণ লাজে করে পলায়ন ।
 জয় জয় রাধাকৃষ্ণের মিলন ॥
 প্রভু দীননাথ গোস্বামি-নন্দন ।
 এ বিপিন গায় মধুর-মিলন ॥ ১৫ ॥

মনের প্রতি ।

চতুর্দশ মুহূর্ত্তেতে নয়ন-রঞ্জন— ।

“চিত্রকরী” সম্মিলন স্মর ওরে মনঃ ! ॥ ১৫ ॥

পর্ণবিক্রয়িণী-মিলন ।

তদুচিত শ্রীগৌরচন্দ্রঃ ।

গ্রন্থকারস্ত নমস্কারঃ ।

পর্ণবিক্রয়িণীং দৃষ্ট্বা মুগ্ধোহভূদ্যোশ্রিয়ান্তিকম্ ।

পূৰ্ণভাবমমুস্মত্যা তং শচীনন্দনং ভজে ॥ ১৬ ॥

জয় জয় শচীশ্রুত গোরা ।

নাগরী নাগরবর, দ্বিজকুল শশধর,

ভাব-প্রেম-প্ৰীতিরস ভোরা ॥ ধ্রুঃ ॥

তপত কাঞ্চন কায়, হরিনামাক্ষিত তায়,—

রচিত শ্যামল মৃন্তিকায় ।

শ্রীকণ্ঠে তুলসী হার, যজ্ঞসূত্র সূত্র সার,

নাসায় তিলক শোভা পায় ॥

পরিধান শ্বেতাস্বর, স্নকোমল সূক্ষ্মতর,

চাঁচড় কুন্তল শিরে শোভা ।

অদ্ভুত নয়ন দাপ, ক্র-যুগল ইন্দ্রচাপ,

হাস্তানন জন মনলোভা ॥

বারণেন্দ্র সম গতি, উদার-প্রসন্ন মতি,

কামাদি বিহীন গোরাতনু ।

আন কথা নাহি মুখে, সদাকাল আত্মস্থখে,

কর ধরি অপে কৃষ্ণ মনু ॥

এমন সুন্দর-বর-গোরা-রায় ।

প্রিয়গণ মনে স্মর-ধুনী যায় ॥

পথ মাঝে দেখে পর্ণ বিক্রয়িণী ।

পাণ-ডালি কঁাকে গাইছে কাহিনী ॥

“যেই জন খাবে আমার এ পাণ ।

শীতল হইবে তাহার পরাণ ॥”

এ হেন কাহিনী শুনি নব-গোরা ।

পূরব ভাবেতে হইয়া বিভোরা ॥

কন প্রিয় গদাধরে, পরাণ কেমন করে,

পর্ণ-বিক্রয়িণী দরশনে ।

বুঝি শ্যাম ভাবাবেশে, পর্ণ-বিক্রয়িণী বেশে,

যাবটে যাতেন হাসাননে ॥

পূরাইতে আত্মকাম, প্রেমানন্দধাম-শ্যাম,

জটিল-কুটিল মুগ্ধ করি ।

রসবতী-রাই সঙ্গে, মিলিয়া স্বরত-রঙ্গে,

বিলসিবে রসিক-শ্রীহরি ॥

হেন কহি গৌরহরি, গদাধর কর ধরি,

দীঘল-নিখাস ছাড়ি কন ।

নিদারুণ বনমালী, স্বয়ং কেন বহে ডালি,

মোরে কেন সঙ্গে নাহি লন ॥

ভাব হেরি গদাধর, কন ওহে বিশ্বস্তর !,

সম্বরহ এভাবে উচ্ছ্বাস ।

বিপিন বিহারি কহে, ভাব সম্বরণ নহে,
ভাব হয় আপনি প্রকাশ ॥ ১৬ ॥

গ্রন্থকারস্য দণ্ডবনতিঃ ।

পর্ণবিক্রয়িণী ভূত্বা যো গচ্ছেজ্জটিলায়ং ।
তং পর্ণসেবিনাং সেবাং শ্রীকৃষ্ণং সমুপাস্মহে ॥ ১৬ ॥

চিত্র রাগ ।

দেখ দেখ নয়ন চকোরা ।
“পর্ণ বিক্রয়িণী” শ্যাম-মনোচরা ॥ প্রঃ ॥
গোপবেশ ছাড়ি ত্রিভঙ্গ-মুরারী ।
“বারুই গৃহিণী” যাই বলিহারী ॥
কনকবস্ত্রা জিনি কোশেয় বসনে— ।
যাগরা নানাএগ করল পিন্ধনে ॥
কাঞ্চন-বরণ রঞ্জিকা-কাঁচুলী ।
উরসে পরল হএগ ভাবাকুলী ॥
চাঁচড় কুন্তল আঁচড়ি নাগর— ।
কবরী বাঁধল পরম সুন্দর ॥
রঙ্গন কুসুম নিরমিত দাম— ।
মাগাওল ভায় ঘনাঘন-শ্যাম ॥
করেতে কঙ্কণ, অঙ্গদ-বলয়— ।
ধারণ করল শ্যাম-রসময় ॥

কাঞ্চীহার ক্ষীণ কঙ্কালে শোভিত ।
 প্রণয় কজ্জল নয়নে রঞ্জিত ॥
 অধরে মঞ্জুন নাগরী গঞ্জন ।
 তাম্বুলের রাগ তাহে সুশোভন ॥
 নামায় তিলক ভুবন-মোহন ।
 ললাটে লিন্দুর মণ্ডল মণ্ডন ॥
 কণ্ঠে মণিসর-চাঁদ চিক শোভা ।
 শ্রবণে কুণ্ডল জন-মনোলোভা ॥
 সূক্ষ্ম চীনোড়ানী কিংশুক বরণ—।
 অঙ্গে লাগাওল শ্রীনন্দ-নন্দন ॥
 ঘনসার আদি সৌরভ পূরিত—।
 মুখপাণ গন্ধে দিক আমোদিত ॥
 কুমুদ বিকাশী অখণ্ড মণ্ডল—।
 শ্রীবদন শোভা,—হাস্য নিরমল ॥
 দামিনী কামিনী জিনি রূপশোভা ।
 মদন-মোহিনী অঁাখি মনোলোভা ॥
 রূপ হেরি হাসি বৃন্দাদেবী কন ।
 হেন বেশ আজি কি লাগি ধারণ ॥
 বেলি অবসানে কেন হেন সাজ ।
 কত রঙ্গ তুমি জান রসরাজ ! ॥
 কাব্যরস মণিকার যেই হয় ।
 তার রঙ্গ লোকে বুঝিতে নারয় ॥

বৃন্দার বচন করিয়া অবশেষে—
 নাগর কহেন মধুর-বচনে ॥
 রাই দরশন করিবার আশে ।
 এ সাজ সাজিছু কনু তুয়া পাশে ॥
 এ বোল শুনিয়া বৃন্দাদেবী কয় ।
 রসমণিকার ! নাহি কি সময় ॥
 মনের গরজে অথির সবাই ।
 তেঞি লোকে কয় “গরজ বালাই ॥”
 শ্যাম কন দেবি ! প্রিয়া সম্মিলনে ।
 কালাকাল নাই বুঝে দেখ মনে ॥
 হেন শুনি দেবী আনি পাণ ডালি ।
 হাসিয়া কহেন ধর বনমালি ! ॥
 পাণডালি বাম কাঁকেতে করিয়া ।
 “পর্ণ বিক্রয়িনী নামটি ধরিয়া—॥
 জটীলা-কুটীলা করিয়া মোহন ।
 রাই সনে স্মৃথে করগা মিলন ॥
 জটীলা-কুটীলা আগেতে মোহিবে ।
 পাছু যাঞা রাই পাশেতে মিলিবে ॥
 প্রেমানন্দ অরি জটীলা-কুটীলা ।
 এই কথা মোরে সরলা কহিলা ॥
 পথেতে যাইবে হঞা সাবধান ।
 বামপদ আগে বাড়াইবে কাণ ! ॥

পাণ কিনিবারে যদি কেহ চায় ।
 নানা ছলা করি ভুলাইবে তায় ॥
 বৃন্দার বচন করিয়া শ্রবণে ।
 নাগর কহেন হৃদু-হাস্যাননে ॥
 ভাস্কুল করক্ ভরি বীড়ি পাণ ।
 ডালির উপরে করহ প্রদান ॥
 বিনোদিনী যদি বীড়ি-পাণ চায় ।
 সে সময় কিবা করিব উপায় ॥
 খদির, চূণক কিছু এক করি ।
 ঘটিকা ভরিয়া দেহ গো সুন্দরি ! ॥
 ভাস্কুল-বীড়িকা কিনয়ে যাহারা ।
 পৃথক চূণক মাগয়ে তাহারা ॥
 হেন কথা শুনি বৃন্দাদেবী কয় ।
 নাগর ! তোমার এত গুণ হয় ॥
 যে কাজ নাহিক তোমার গোচর ।
 সে কাজ নাহিক ভুবন ভিতর ॥
 কত আঁখি কত শ্রবণ তোমার ।
 গণনা করিয়া নাহি পাই পার ॥
 ভাস্কুল বীড়িকা ক্রয় করে যারা ।
 ভাস্কুল বোঁটায় চূণ লয় তারা ॥
 ইহাতেও তুষা পড়িল নয়ন ।
 ধন্য ! ধন্য ! তুমি শ্যাম-নবধন ! ॥

শ্যাম কন বৃন্দে যত দেখে কাজ ।
 সব কাজ প্রভু আমি লোক মাঝ ॥
 মোর অগোচর কোন কাজ নাই ।
 সকলের সাক্ষী আমিহ সদাই ॥
 বৃন্দাদেবী কন বুঝি তুমায় ।
 খদির, চূণক একত্রে মাগায় ॥
 আহা ! মরি ! নরলীলার মাধুরী ।
 তড়াচ্ছাদে দুয়ে করিয়া চাতুরী ॥
 যেমন চতুর শ্যাম-রসময় ।
 তেমনি চতুরা বৃন্দাদেবী হয় ॥
 ভাব-প্রেমরসে উভয়ে মগন ।
 কি মাধুরী নরলীলার করণ ॥
 শ্রীমানবী-লীলা মাধুর্যের সার ।
 বেদ-বিশিষ্ট ঋত্র নাহি পায় পার ॥
 তবে বৃন্দাদেবী ডিগা ভরি পান—।
 চূণ-ঘটি সহ করিলা প্রদান ॥
 তবেত নাগর শ্রীরাধে ! বলিয়া ।
 বাসপদ আগে দিলা বাড়াইয়া ॥
 হরিত যাইয়া চন্দ্রাবলী দ্বারে ।
 “পান চাই” বলি ডাকে বারে বারে ॥
 কোথা সখী তবে দ্বারেতে আসিয়া ।
 ভবন ভিতরে লইল ডাকিয়া ॥

“পর্ণবিক্রয়িণী” হেরি চন্দ্রা কয় ।
 কি কি পাণ তুয়া ডালিতে আছয় ॥
 চন্দ্রাবলী বাণী করিয়া শ্রবণ ।
 মৃদু-হাসি শ্যাম কহেন তখন ॥
 যে পাণ লইতে বাসনা তোমার ।
 সে পাণ পাইবে ডালিতে আমার ॥
 আমার ডালিতে নাহি আছে যাহা ।
 কাহার পাশেতে নাহি পাবে তাহা ॥
 আমার ডালির গুণ গণিবারে ।
 ভুবন ভিতরে কেহ নাহি পারে ॥
 তবে চন্দ্রাবলী হাসিয়া কহয় ।
 বারুয়ের মেয়ে সুরসিকা হয় ॥
 ছলা-কলা-ঠার-ঠমক তোমার—।
 দরশনে মন নাহি ভুলে কার ॥
 তাম্বুল-করক্ক খুল গো এখন ।
 বীটি পাণ মুই করিব গ্রহণ ॥
 ডিপা খুলি তবে নাগর কহয় ।
 এক বীটি পণ দশ-মুদ্রা হয় ॥
 চন্দ্রাবলী কহে এত কেন পণ ।
 “পাণ বিক্রয়িণী” কহেন তখন ॥
 মুকুতার চূণ, মৃগনাভী দিয়া—।
 এ বীটি তয়ারি,—কনু প্রকাশিয়া ॥

চন্দ্রাবলী কহে দিয়া এত পণ ।
 এক খিলি পাণ কে করে গ্রহণ ॥
 শঠ-শ্যাম কন এ খিলি ভক্ষণে ।
 বিলাস বাসনা হয় উদ্দীপনে ॥
 সে লাগি এ খিলি বিলাসিনী গণ ।
 দশ-মুদ্রা পণে করেন গ্রহণ ॥
 চন্দ্রাবলী কহে হেন বিলাসিনী ।
 এথা কোন নারী “পর্ণবিক্রয়িণী ! ॥”
 শঠ শ্যাম কন সে কথা শ্রবণে ।
 কি লাভ তোমার কহ সুলোচনে ! ॥
 চন্দ্রাবলী কহে শুনিতে কি দোষ ।
 নাগর কহেন বাড়িবেক রোষ ॥
 চন্দ্রাবলী কহে রোষ কেন হবে ।
 নাগর কহেন শুন কহি তবে ॥
 ভানুঁর-ঝিয়ারি রাধিকা-সুন্দরী ।
 তঁহ এই খিলি লন কৃপা করি ॥
 যত পণ মুই মাগি তাঁর ঠাই ।
 তত পণ দেন বিনোদিনী রাই ॥
 তাঁহার সমান দাতা বৃন্দাবনে ।
 কোন নারী মুই না হেরি নয়নে ॥
 এ বোল শুনিয়া চন্দ্রাবলী কহে ।
 উঠ উঠ হরা বিলম্ব না মনে ॥

চন্দ্রার হৃদয়ে আগুন জ্বালিয়া ।
 ডালি তুলে শ্যাম শ্রীরাধে ! বলিয়া ॥
 হেন রঙ্গ করি রসিক-নাগর ।
 উতরিল গিয়া জটিলার ঘর ॥
 “পর্ণবিক্রয়িনী” হেরিয়া জটিল ।
 কুটিলারে ডাকি কহিতে লাগিল ॥
 হের লো কুটিলে ! মেলিয়া নয়ন ।
 “পর্ণবিক্রয়িনী” মাধুরী কেমন ॥
 বারুয়ের ঘরে রমণী-রতন ।
 নিরঞ্জে বিধি করিল সৃজন ॥
 বিধির সৃষ্টিরে বলিহারী যাই ।
 শ্যামরূপে হেন নারী হেরি নাই ॥
 মাঞ্জিষ্ঠ-রাগেতে রঞ্জিত-অধর ।
 নাসায় তিলক কিবা মনোহর ॥
 ক্ষীণকটি হেরি সরমে কেশরী ।
 প্রবেশিল গিরিগহ্বর ভিতরি ॥
 নিভস্বের ভারে মেদিনী কাতরা ।
 পীনোন্নত কুচ জিনি তাল ধরা ॥
 মরি ! মরি ! কিবা রূপের ঝলক ।
 নাসায় দোলিছে মুকুতা নলক ॥
 না জানি বিধির বিচার কেমন ।
 বারুয়ের ঘরে এ হেন রতন ॥

ভাব-ভঙ্গী-রূপ করি দরশন ।
 জটীলা-কুটীলা হয় আনমন ॥
 “পর্ণবিক্রয়িণী” কহেন তখন ।
 বাঁটি-পাণ কিছু করুন গ্রহণ ॥
 মুকুতার চূণে তয়ারি এ পাণ ।
 নানান মসলা এর উপাদান ॥
 এ বোল শুনিয়া জটীলা কহিলা ।
 আমাদের বাঁটি বিধাতা হরিলা ॥
 পাণ ডালি লঞা এই দাসী সনে—।
 গমন করহ মধুর ভবনে ॥
 হেন শুনি কঁাকে লঞা পাণ ডালি ।
 দাসী সনে চলে শঠ-বনমালী ॥
 উপনীত হঞা রাধার ভবনে ।
 তাম্বুলের-ডালি নাগান অঙ্গনে ॥
 পাণ বিক্রয়িণী মাধুরী হেরিয়া ।
 কিশোরী কহেন মুচকি হাসিয়া ॥
 কহগো ! কি পাণ ডালিতে আছয়
 ইহা শুনি কন শ্যাম-রসময় ॥
 মনরসগন্ধ আর পাকা পাণ ।
 গাছ পাণ, ছাঁচি রস অবসান ॥
 বরজ-মাটির গুণে মোর পাণ ।
 কটু, কষা নয়,—সেবনে প্রমাণ ॥

কিশোরী কহেন সবমত পাণ ।
 এক এক কণা করহ প্রদান ॥
 ইহা শুনি শ্যাম হএগ একমনা ।
 সব পাণ বাঁধে এক এক কণা ॥
 মন সূতা দিয়া বাসনা সূতায় ।
 পাণ কণা বাঁধে আনন্দ হিয়ায় ॥
 অবশেষে শঠ ডিপাটি খুলিয়া ।
 গিলি হাতে লএগ কহেন হাসিয়া ॥
 থিলি পাণ কিছু লহ গো পেয়ারি !
 মুকুতার চূণে এ থিলি তয়ারি ॥
 এ থিলি ভক্ষণে রতিরসে মন—
 দিবানিশি ধায়,—জানে সব জন ॥
 হেন শুনি হাসি কন বিনোদিনী ।
 ভাল বীটি তুয়া—ভাল-তু কাহিনী
 গোটা পাণ আর বীটীকার পণ ।
 কি দিতে হইবে কহগো ! এখন ॥
 শ্যাম কন পণ বেশী কিছু নয় ।
 অধীনের প্রতি হও হে ! সদয় ॥
 শিরে তুলি দেহ যুগল চরণ ।
 সকল পাণের এই সার পণ ॥
 এ বোল শুনিয়া রসবতী-রাই ।
 দোণ্ডটা টানেন শ্যাম মুখ চাই ॥

মৃদু হাসি লাজে প্রিয়সখীগণে ।
 সেখান ছাড়িয়া হইল গোপনে ॥
 বিনোদিনী কন ওহে রসরাজ ! !
 কেবা শিখাইল তোমা এত সাজ ॥
 শ্যাম কন প্রিয়ে ! বুঝি কথা কও ।
 সকল সাজের গুরু তুমি হও ॥
 আমি নট তুমি নটী বৃন্দাবনে ।
 সাজাই-সাজাও ভাবি দেখ মনে ॥
 আমিহে ! তোমার তুমিহে আমার ।
 আমি তুমি বিম্ব সৰ অঙ্ককার ॥
 আমিহে ! পুরুষ তুমিহে রমণী—।
 তুমি মূলাশ্রয়া কমল বদনি ! ॥
 আমি স্থূল দেহ, তুমি মূল প্রাণ ।
 আমি কর্ত্তা তুমি নিমিত্তোপাদান ॥
 এতেক শুনিয়া কিশোরী তখন ।
 শ্যাম লঞা ঘরে করেন গমন ॥
 নাগর-নাগরী মনের আনন্দে ।
 বিলাস করেন কেলীকলা ছন্দে ॥
 হেমোৎপল শোভে কছু বা শযায় ।
 নীলোৎপল তদুপরি শোভা পায় ॥
 কছু নীলোৎপল শেজে নিপতিত ।
 হেমোৎপল তদুপরি সুশোভিত ॥

অপরূপ রাধাকৃষ্ণের বিলাস ।
 হেরিয়া মদন ছাড়ে রতিপাশ ॥
 শ্রীরাধা-কৃষ্ণের বিলাস-মোহন ।
 ভাবুকের করু আনন্দ বর্দ্ধন ॥
 প্রভু দীননাথ গোস্বামি-নন্দন—।
 প্রেমানন্দে গায় “মধুর-মিলন” ॥ ১৬ ॥

মনের প্রতি ।

চতুর্দশ মুহূর্ত্তেতে কভু পীতবাস ।
 “পর্ণবিক্রয়িনী” বেশে যান রাই পাশ ॥
 ওরে মনঃ ! “পর্ণবিক্রয়িনী” সন্মিলন ।
 চতুর্দশ মুহূর্ত্তেতে করহ স্মরণ ॥ ১৬ ॥

শ্রীমালিনী-মিলন ।

তছুচিত শ্রীগৌরচন্দ্রঃ ।

গ্রন্থকারস্য নমস্কারঃ ।

রঙ্গিনীং মালিনীং দৃষ্ট্বা যো দেবচাতিকাতরঃ ।
 পূৰ্ণভাবমল্লস্থত্য তং চৈতত্ত্বং ভজামহে ॥ ১৭ ॥

রাগঃ ।

জয় জয় প্রেমময়-গোরা ।

কাব্যরস বিনোদন, রসিক-রঞ্জন-ধন,
 নিতি নব-নব ভাব ভোরা ॥ ধ্রুঃ ॥

সর্ব অবতার সার, প্রেমময় অবতার,
 ত্রিশটী-নন্দন-বিশস্তর ।

মাগরী নাগরবর, হৃদয়-সম্ভাপ-হর,
 অখণ্ড-মণ্ডল সুধাকর ॥

রাধাকৃষ্ণ প্রেমদাতা, স্ব-প্রপন্ন জন পাতা,
 প্রসন্নাত্মা করুণাসাগর ।

বিপ্রকুল-ধুরন্ধর, ভুবন-সুন্দর বর,
 বেদধর্ম রত নিরস্তর ॥

বেদাভীত ভাবোন্মত্ত, গুণহীন শুদ্ধ সত্ত্ব,
 ভাবুক-ভবন-মনোহর ।

বেদ-বিপ্র পরায়ণ, ভকতরঞ্জন-ধন,
 প্রচ্ছিন্নাবতার দেববর ॥

উজ্জ্বল-শৃঙ্গার রস,— প্রদায়ক প্রেমবশ,
 ভুবন মণ্ডন প্রিয়ঙ্কর ।

লোক প্রিয়-প্রিয়ংবদ, সর্বলোকানন্দপ্রদ,
 তপত-কাঞ্চন কলেবর ॥

কভু রাগে শোণাম্বর, কভু সুগম খেতাম্বর,—
 পরিধান-যজ্ঞসূত্র শোভা ।

সর্বফলপ্রদ নান, “হরে কৃষ্ণ হরে কাম”—
 বদনে রাজিত-মনোলোভা ॥

কলি পাপাচ্ছন্ন জনে, নিস্তারেন কৃপেক্ষণে,
 অজ্ঞানাক-তম দোষ হর ।

অন্তরঙ্গ ভক্তসঙ্গে, প্রেমান্বাদ সদা রঙ্গে,
ভক্তরূপ-পরম ঈশ্বর ॥

এমন সুন্দর-গোরাঁরায় ।
প্রিয় গদাধর সঙ্গে, জাহ্নুবী নগিয়া রঙ্গে,
সুধীর গমনে ঘরে যায় ॥
পথেতে দেখেন গোরা, লইয়া ফুলের তোড়া,
রঙ্গিণী-মালিনী বেগে ধায় ।
তাহারে হেরি নয়নে, পূর্ববলীলা করি মনে,
ভাবে হএণ উনমত প্রায় ॥
দীঘল-নিশ্বাস ছাড়ি, কহে সেই বংশীধারী,
রসবতী-রাই মঙ্গ আশে ।
মালিনীর বেশ ধরি, বান নানা রঙ্গ করি,
জটিল-কুটিল প্রেমবাসে ॥
সভা এই গদাধর !, শঠ-শ্যাম-নটবর,
যাইছেন ফুলগুচ্ছ করে ।
এত কহি গৌরহরি, গদাধর কণ্ঠ ধরি,
রাধে ! বলি ডাকে উচ্চৈঃস্বরে ॥
হাসি গদাধর কন, ভাব কর সম্বরণ,
এ ত সেই বৃন্দাবন নয় ।
বিশিন বিহারী কয়, উদ্দীপনে ভাবোদয়,—
ভাবুকের হৃদয়েতে হয় ॥ ১৭ ॥

এস্থকারস্থ দণ্ডবনতিঃ ।

বিধ্বতা মালিনীরূপং যো গচ্ছেদ্রাধিকাস্তকম্ ।
তং বিদগ্ধবরাধীশং রাধিকেশং ভজামহে ॥ ১৭ ॥

চিত্র রাগ ।

মরি ! মরি ! শোভা হেররে নয়ন !
মালিনী সাজল শ্রীনন্দ-নন্দন ॥
হায়রে ! শোভার যাই বলিহারী ।
হেন সাজ জানে ত্রিভঙ্গ-মুরারী ॥
হরি ! হরি ! এই মনোহর সাজ ।
বিরলে সাজল বিদগ্ধ রাজ ॥
মালিনী সাজের নিছনি লইয়া ।
ভুবে মরি সখি ! যমুনা যাইয়া ॥
সকল সাজের সার এই সাজ ।
যতনে সাজল শ্যাম-প্রেমরাজ ॥
মালিনী সাজের তুলনা ভুবনে—।
কোন সাজ নাহি হেরিগো ! নয়নে ॥
জয় জয় শ্যাম মালিনীর জয় ।
কার ভাগ্যে হোল এ সাজ উদয় ॥
সেই ভাগ্যবতী গোপিনীর জয় ।
দার তরে শ্যাম মালিনী সাজয় ॥

এ মালিনী যদি আমে মোর ঘরে ।
 বসাইয়া রাখি হৃদয় উপরে ॥
 তিলেক না রাখি শোজের উপর ।
 কি সাজ সাজল রসিক নাগর ॥
 পীতধড়া-চূড়া করি পরিহার ।
 মালিনী সাজল ব্রজেন্দ্র-কুমার ॥
 দামিনী বালক জিনি পীতাম্বরে—।
 আগরী বানাঞা পরল আদরে ॥
 চাঁচর কুস্তল কঁকণে আঁচরি ।
 কানড় ছাঁদেতে বাঁধল কবরী ॥
 ফুল-মাল জাল তাহার উপরে—।
 লাগাওল শ্যাম প্রিয়া প্রেমভরে ॥
 ফুলগন্ধ লুন্ধ লম্পট ভ্রমর—।
 উড়িয়া বসিছে কবরী উপর ॥
 বসন্ত অনিল বেগেতে আসিয়া ।
 লম্পট অলিরে দিছে তাড়াইয়া ॥
 সূচাক-কারিকা তড়িত ধরণ—।
 কাঁচুলী উরসি করল ধারণ ॥
 কপুলীর কাজ হেরি কারু লাজে—।
 গোকুল ছাড়িয়া গেল বনমাঝে ॥
 কলপিত কুচ গিরি-চূড়াকার ।
 লগধে হৃদয় যুবক সবার ॥

শ্রবণে কুণ্ডল, ছল-ফুল শোভা ।
 নাসায় মুকুতা জন-মনোলোভা ॥
 কণ্ঠে চিকমালা-চিত্র সীতাহার ।
 করে হেমচূড়ী, বলয় হীরার—॥
 নারিকেল ফুল ক্ষুদ্র-তারাকার ।
 যতনে পরল যশোদা কুমার ॥
 উপর হাতেতে তাবিচ-অঙ্গদ—।
 ধারণ করল রঞ্জিণী-রঙ্গদ ॥
 কটিতে রসনা নিতম্ব বেষ্টিত ।
 দরশে সবার হরে অঁাখি মন ॥
 ক্ষীণ কটি হেরি সরমে কেশরী ।
 লুকাওল গিরি-গহ্বর ভিতরি ॥
 বিশাল নিতম্ব করি দরশন ।
 যুবক অন্তরে ক্ষোভ অনুক্ষণ ॥
 ভ্রমর গঞ্জন প্রণয় অঞ্জন—।
 ঘূর্ণিত নয়নে কিবা সুশোভন ॥
 কটাক্ষে হরয়ে নর-নারী-মন ।
 নাসায় তিলক ভুবন-গোহন ॥
 অধরে মঞ্জন নাগরী গঞ্জন— ।
 তাম্বুলের রাগ তাহাতে শোভন ।
 হেনাধর শোভা করি দরশন ।
 কুমুদী লাজেতে মুদিতা নয়ন ॥

ফুলমালা গলে অলিকুল তায়—।
 মধুলোভে গুণ গুণ রবে ধায় ॥
 সুগন্ধ-চন্দন অঙ্গে মরদন ।
 গন্ধে বিমোহিত সবাকার মন ॥
 অখণ্ড-মণ্ডল লাখোদয় শোভা—।
 জিনিয়া বদন শোভা,—অঁখিলোভা ॥
 স্মিতহাস্য তায় ভুবন মাতায় ।
 পীত চীনোড়ানী লাগাওল গায় ॥
 রূপের মাধুরী করি দরশন ।
 বৃন্দানন্দে আগে ধরে দরপণ ॥
 স্ব-রূপ মাধুরী হেরি দরপণে ।
 আলিজিতে চান হএণ উনমনে ॥
 হেন ভাব হেরি বৃন্দাদেবী কয় ।
 স্ব-রূপে মুগধ হোলে রসময় ! ॥
 স্ব-রূপে মোহিত যদি হও শ্যাম ! ।
 তবে কিবারূপে পূরাইবে কাম ॥
 মালিনী হইয়া মিল রাই সনে ।
 তুয়া ঠাম এই করি নিবেদনে ॥
 বৃন্দার বচন করিয়া শ্রবণ ।
 হাসিয়া নাগর কহেন তখন ॥
 কোথা ফুলডালি কোথা ফুল-হার ।
 কোথা ফুলগুচ্ছ, ফুলবৃন্ত আর ॥

কোথা ফুল সিঁথী, কোথা ফুল-বালা ।

কোথা ফুল ছল কোথা বনমালা ॥

মালিনী সাজিতে এই সব চাই ।

বৃন্দা কহে কিছু অভাব ত নাই ॥

আমি যার দাসী কিবাভাব তার ।

এই লও ধর কুসুমালঙ্কার ॥

এই লও ধর কুসুমের ডালি ।

কিসের অভাব ওহে বনমালি ! ॥

এই লও ফুলবৃন্ত মনোহর ।

কিসের অভাব রসিক নাগর ! ॥

মালার কাঠি ডান করে ধর ।

ফুলের ডালিটি বাম কঁাকে কর ॥

তবেত নাগর বৃন্দাদেবী পাশে—।

বাঁশীটি রাখিয়া মনের উল্লাসে—॥

ডান করে কাঠি, ডালি বাম কঁাকে—।

ধারণ করিয়া রাধে ! বলি ডাকে ॥

বৃন্দাদেবী কহে নারীর চলনে ।

যাবটাভিমুখে করিবে গমনে ॥

দেখ যেন কেহ লখিতে না পারে ।

সাদধান লাগি কহিলু তোনারে ॥

নাগর কহেন কিছু নাহি ভয় ।

চেনা নাহি দিলে কেহ না চিনয় ॥

ধরা দিই যারে সেই ধরে মোরে ।
 ওহে বৃন্দে ! এই কহিলাম তোরে ॥
 এত কহি শ্যাম রাধারে স্মরিয়া ।
 বাম পদ আগে দিলা বাড়াইয়া ॥
 নিতম্ব দোলায়ে-নয়ন চালিয়ে ।
 পথে চলি যান সবারে মোহিয়ে ॥
 মালিনীর রূপ করি দরশন ।
 আহা ! মরি ! বলে ব্রজাঙ্গনাগণ ॥
 গোপ যুব সবে করে হায় ! হায় ! ।
 এমন মালিনী দেখা নাহি যায় ॥
 ঠমক-ঠামক-চলন-বচন ।
 স্নমধুর হাসি নয়ন চালন ॥
 ঠার-ঠোর-ভাব-রসরঙ্গভঙ্গী ।
 মূর্ত্তিমতী রতি পিরীতি তরঙ্গী ॥
 গনোমুগ্ধকর দুই পয়োধর ।
 দরশে কাহার না জ্বলে অন্তর ॥
 হৃদি লগে হৃদি শীতল করয় ।
 যুবগণে এই পরম্পর কয় ॥
 যুবগণ প্রতি চালিয়া নয়ন ।
 হাসিয়া মালিনী কহয়ে তখন ॥
 “দেখিতে দেখিতে চোকের ক্ষয় ।
 পারের ভরসা ভাল ত নয় ॥”

মালিনীর বাণী শুনি যুবগণ ।
 নয়ন চালিয়া কহয়ে তখন ॥
 “দেখিতে দেখিতে নয়ন শীতল ।
 আগাদের’পর ভরসা কেবল ॥
 কুসুম সুরভি বহয়ে যথা ।
 মধুলোভে অলি যায় হে তথা ॥
 “মালিনী কহয়ে নিজ পরারাম ।
 ভ্রমর জাতির নাহিক গেয়ান ॥”
 “যুবগণ কহে কুসুমের গ্রাণ ।
 ভ্রমর জাতির হরে মন প্রাণ ॥
 ভ্রমরের দোষ মিছা কেন দাও ।
 কুসুম সুরভি চাপিয়া লুকাও ॥”
 “মালিনী কহয়ে পরের রসালো— ।
 হেরি কেন এত নয়নের জ্বালা ॥”
 যুবগণ কহে রসালো যেথা ।
 “মধু লোভে অলি ধায় হে সেথা ॥”
 “মালিনী কহয়ে মোদক ভাণ্ডার ।
 ছল্ কাটি ছুঃখ দেয় হে অপার ॥
 অলিবর তবে ছলের জ্বালায় ।
 বন্ বন্ রবে চারিদিকে ধায় ॥
 পর দ্রব্যে যারা করয়ে লোভ ।
 পরেতে তাদের সদাই ক্ষোভ ॥

পর দ্রব্যে লোভ উচিত নয় ।
 কেন কর মিছে চোকের ক্ষয় ॥”
 মালিনীর বাণী করিয়া শ্রবণ ।
 স্ব স্ব শুদ্ধাধর চাটে যুবগণ ॥
 “তবে ত মালিনী হাসিয়া কয় ।
 নিরাশ সুপের কারণ হয় ॥
 পর দ্রব্য আশে অথির যেই ।
 আত্মঘাতী হঞা মরুক সেই ॥
 তেত্রিঃ কহি সবে না হও অবীর ।
 যাও যাও ঘরে মন করি থির ॥
 মোর সঙ্গ আশ করয়ে যাহারা ।
 লোক-ধর্ম্ম আদি ছাড়য়ে তাহারা ॥
 এ কুলে-সে কুলে বাসনা যাদের ।
 মোর সঙ্গ কভু না হয় তাদের ॥
 মিশামিশি ভাবে মোরে নাহি পায় ।
 মরম কাহিনী কহিনু সবায় ॥”
 মালিনীর বাণী করিয়া শ্রবণ ।
 লাজে অধোমুখ করে যুবগণ ॥
 হেনরূপে সবাকার মন হরি ।
 বাবটেতে বান মালিনী-সুন্দরী ॥
 কুলের কাহিনী গাইতে গাইতে ।
 জটিলার দ্বারে যায়েন তুরিতে ॥

দুয়ারে দাড়াএণ ফুল গুণ যত ।
 গায়েন নাগর নিজ অভিমত ॥
 বেলি অবসানে মালিনীর গীত ।
 শুনিয়া জটিল হইল মোহিত ॥
 দাসীগণে কহে দ্বারেতে যাইয়া ।
 মালিনীরে এথা আনহ ডাকিয়া ॥
 জটিল বচন করিয়া শ্রবণ ।
 দ্বারেতে যাইয়া প্রিয় দাসীগণ ॥
 মালিনীরে কহে এস গো মালিনি !
 তোমারে ডাকিছে মোদের গৃহিণী ॥
 দাসীগণ বাণী শুনিয়া শ্রবণে ।
 মালিনী কহেন মধুর বচনে ॥
 তো সবা গৃহিণী কি লাগি ডাকিল
 মালা কি লইবে জটিল-কুটিল ॥
 দাসীগণ কহে জানিব কেমনে ।
 দুয়ের বাসনা জানে দুইজনে ॥
 এত কহি স্থান দাসীগণ মনে ।
 উতরেন গিয়া জটিল অঙ্গনে ॥
 মালিনীর শোভা হেরিয়া নয়নে ।
 জটিল কহয়ে অমীয় বচনে ॥
 মালিনি ! তোমার ভবন কোথায় ।
 মালিনী কহেন পুরী-মথুরায় ॥

কংসরাজে মালা আমি যে যোগাই ।
 মো সম মালিনী আর কেহ নাই ॥
 মালার গাঁথনি হেরিয়া আমার ।
 সবাই মোহিত কহিলাম সার ॥
 মোর মালা-গাঁথা কৌশলাদি যাহা ।
 কারু আদি করি নাহি জানে তাহা ॥
 লহ ?—লহ ? মালা পণ বেশী নয় ।
 তবেত জটীলা-কুটীলা কহয় ॥
 কি কব মালিনি ! সে দুঃখের কথা ।
 আমাদের মালা হৃদয়ের ব্যথা ॥
 নিদারুণ বিধি আমাদের মালা—।
 অপহরি হৃদে দিলা মালা জ্বালা ॥
 মালায় সবার হৃদয় শীতল ।
 আমাদের মালা দগ্ধে কেবল ॥
 মালাদি লইয়া বধূর ভবনে ।
 গমন করহ এই দাসী সনে ॥
 জটীলা-কুটীলা মোহিয়া নাগর ।
 উতরেন গিয়া কিশোরীর ঘর ॥
 কুসুমের ডালি রাখিয়া অঙ্গনে ।
 ফুলমালা গুণ গায়েন বদনে ॥
 মালিনীর রূপ-রঙ্গ দরশনে—।
 বিমোহিত রাই সখীগণ সনে ॥

তবে বিনোদিনী স্ত্রহাস্ত বদনে ।
 জিজ্ঞাসেন অতি মধুর বচনে ॥
 মালিনি ! তোমার কোথায় ভবন ।
 মালিনী কহেন যেথা মধুবন ॥
 রাই কন একি করিছ চাতুরী ।
 মালিনী কহেন ঘর মধুপুরী ॥
 ত্রিদার অভীত সে পুরীর দ্বার ।
 ত্রিদারে বিরাজে কংসরাজ যার ॥
 সেই কংসরাজে মালাদি যোগাই ।
 মো সম মালিনী ভুবনেতে নাই ॥
 কুন্তুমালঙ্কার আমার যেমন ।
 কার সাধ্য নাই রচিতে তেমন ॥
 আমার মালার রচনা হেরিয়া ।
 কেবা নাহি রহে মোহিত হইয়া ॥
 ফলগুচ্ছ মুই বাঁধিব যেমন ।
 কোন বা মালিনী বাঁধিবে তেমন ॥
 আমার ফুলের সৌরভে ভ্রমর ।
 পদ্মিনী ছাড়িয়া আসে নিরস্তর ॥
 সজ্জন ! রজনী হেরিয়া পদ্মিনী ।
 নয়ন মুদয়ে হইয়া বিষাদিনী ॥
 আমার কুন্তন নিশায় জাগয় ।
 ঝলিক ভ্রমর তেঞি সে আসয় ॥

ভগ্নর মাতান কুসুম আমার ।
 মোর ফুলে মন মোহিত সবার ॥
 আমার ফুলের মধু পিয়ে যেই ।
 আন ফুল নাহি কভু ছোঁএ সেই ॥
 আমার মালঞ্চ কুসুমের শোভা ।
 রসিক অলির মন-অঁথি-লোভা ॥
 একটী বীজেতে দুই জাতি ফুল ।
 শ্যামল কাঞ্চন নাহি দার তুল ॥
 কাঞ্চনে শ্যামলে ঢুলি ঢুলি পড়ে ।
 কভু বা কাঞ্চন শ্যামল উপরে ॥
 আদি অন্তহীন বীজ দ্বি-বরণ ।
 আধ শ্যাম আধ দগধ-কাঞ্চন ॥
 সে বীজের গুণ कहনে না যায় ।
 জরা আদি দোষ নাহিক তাহার ॥
 মোর মালঞ্চের সৌরভ গরবে ।
 আমোদিত করে নর-নারী সবে ॥
 মালঞ্চের গুণ কত কব আর ।
 পদ্মগন্ধ বহে ভূমিতে যাহার ॥
 আমার সঙ্গিনী মালিনী যে হয় ।
 তাহার মালঞ্চ অতি চিত্রময় ॥
 আমার মালঞ্চ বামেতে তাহার ।
 মালঞ্চ শোভিত অতি চিত্রাকার ॥

প্রকৃতি বিকৃতি সদা কাল তথা ।
 কত কব সেই মালঞ্চের কথা ॥
 লাখ মুখ যেই পারে ধরিবারে ।
 সেই তার গুণ কহিবারে পারে ॥
 সহস্র কমল গন্ধগুণ যেই ।
 তাহার মালঞ্চ ভূমি গুণ সেই ॥
 শ্যামল-বরণ রসিক সারঙ্গে ।
 সেই ত মালঞ্চে বিহরয়ে রঙ্গে ॥
 হেমোৎপল আর নীলোৎপল লোভা
 জড়াজড়িভাবে তথা পায় শোভা ॥
 কুসুম কৌশল যতেক আছেয় ।
 আমার সঙ্গিনী মালিনী জানয় ॥
 আমি তার পাশ কুসুম কৌশল—।
 শিখিয়াছি,—এই কহিনু সকল ॥
 মোর মালা যেই পরে একবার ।
 বশীভূত হয় নাগর তাহার ॥
 মোর মালা নাশে অন্তরের জ্বালা ।
 তেত্রিঃ মোর মালা লয় পুরবালা ॥
 মোর বাঁধা তোড়া যেনা রাখে ঘরে ।
 নাগর তাহার প্রেমে বাঁধা পড়ে ॥
 মোর ফুলবৃন্তে যে বায় নাগরে ।
 নাগর তাহার চরণেতে ধরে ॥

মনোজ বায়ুতে হিয়াথির যার ।
 ফুলবৃন্ত নাশে সেই বায়ু তার ॥
 সজনি ! রজনী গন্ধামোদী ফুলে ।
 নিরমিত বৃন্ত হের মুখ তুলে ॥
 রাধিকে ! সাধিকে ! মল্লিকার ছড়ি ।
 কেমন সুন্দর হের কৃপা করি ॥
 চম্পক-কলির মনোহর ছুল ।
 হের লো সজনি ! হএগ অনুকূল ॥
 যুথির মেখলা পাঁচনর টাঁদে—।
 কেমন শোভিত হের লো শ্রীরাধে ! ॥
 সারঙ্গাকর্ষণী যুথির মেখলা ।
 গাঁথিনু যতনে বসিয়া একলা ॥
 তোমার কোমরে পরাবার তরে ।
 চন্দ্রারে বঞ্চিয়া আনু তুয়া ঘরে ॥
 হেন শুনি রাই নিশ্বাস ছাড়িয়া ।
 মালিনীরে কন অঁাখি ঘুরাইয়া ॥
 চন্দ্রার পরশ চন্দ্রহার মোয় ।
 নাহি ছোঁয়াইবে কহিলাম ভোয় ॥
 হেন শুনি শ্যাম মনেতে ভাবয় ।
 পিরীতি-রতীর্ষা সমর্থ নাশয় ॥
 তবে ত মালিনী হাসিয়া কহিলা ।
 রাধে ! এ মেখলা চন্দ্রা না ছুইলা ॥

হেন কহি শ্যাম কন রাই ! শুন ।

ফুলছড়ি ফুলবৃন্তাদির গুণ ॥

মোর ফুলছড়ি যে দেখায় নাথে ।

ভয়ে নাথ তার ফিরে সাথে সাথে ॥

শিরোমালা দিলে প্রিয় শিরোপরে ।

প্রিয় নাহি যায় আর কার ঘরে ॥

শিরোরোগে প্রিয় ধার বহু বাস ।

শিরোমাল সেই রোগ করে নাশ ॥

সন্মোহন আদি পাঁচ বাণ যাহা ।

মোর পাঁচ ফুল মাঝে রহে তাহা ॥

“অরবিন্দমশোকঞ্চ চূতঞ্চ নবমল্লিকা ।

রক্তোৎপলঞ্চ পট্টকৈতে পঞ্চবাণস্ত সায়কাঃ ॥” ১ ॥

মালিনীর মুখে মালাদির গুণ ।

শুনিয়া শ্রীমতী হাসে পুনঃ পুনঃ ॥

সখীগণে কন রসিকা-মালিনী ।

জানয়ে কত বা রসের কাহিনী ॥

মালিনীর গুণ না যায় কহনে ।

নানা ছলে করে অসাধ্য সাধনে ॥

এতক কহিয়া বিনোদিনী রাই ।

জিজ্ঞাসেন মালিনীর মুখ চাই ॥

কহ গো মালিনি ! নাগটি তোমার ।

শুনিতে বাসনা হএগছে আমার ॥

মালিনী কহেন নাম “শ্যামাঙ্গিনী ।”
 আমারে সবাই জানে বিনোদিনী ! ॥
 কত বিরহিণী নারী মোর ঘরে— ।
 আগমন করে প্রিয়-বশ তরে ॥
 আকর্ষণ মন্ত্রে প্রবাসী নাগরে ।
 প্রবাস হইতে টানি আনি ঘরে ॥
 স্তম্ভন মন্ত্রেতে বৈরিণী সতিনে ।
 স্তম্ভিত করিয়া রাখি রাতি-দিনে ॥
 উচাটন মন্ত্রে করি উচাটন ।
 মারণ মন্ত্রেতে জীবন হরণ ॥
 বশীকার মন্ত্রে সবে করি বশ ।
 শুক্না কাঠেতে চালি মধুরস ॥
 গড়ারে হাসাই জীবন্তে কাঁদাই ।
 ভূয়া পাশ এই কহিলাম রাই ! ॥
 মালিনীর বাণী করিয়া শ্রবণ ।
 হাসিয়া কিশোরী কহেন তখন ॥
 ফুলতোড়া-বৃন্ত-হার-অলঙ্কার ।
 মনের মতন যে গুলি তোমার ॥
 সেইগুলি মোরে দেহত বাছিয়া ।
 পণ দিব তোমা আশা পুরাইয়া ॥
 এ বোল শুনিয়া মালিনী কহয় ।
 আশাপূর্ণ লাগি লনু তবশ্রয় ॥

তবাত্ময়ে আশা পূর্ণ নহে যার ।
 তার সম আগি নাহি হেরি আর ॥
 আশা পরিসীমা তবাত্ময় হয় ।
 ভাগ্যহীন জন বুঝিতে নারয় ॥
 এতেক কহিয়া মালিনী তখন ।
 রাখারে সাজায় মনের মতন ॥
 কুসুম-কাঁচুলি আগে পরাওল ।
 করেতে কঙ্কণ বালা লাগাওল ॥
 উপর হাতেতে ফুলাঙ্গদ দিলা ।
 তরুপরি ফুল তাবিজ অর্পিলা ॥
 কুসুম-কুম্ভা আর কাণবালা ।
 কাণে পরাইলা বিদগ্ধ কালা ॥
 ফুল মাল জাল কবরী বেড়িয়া ।
 লাগাওল শ্যামমালিনী হাসিয়া ॥
 ফুলের থোপ্‌না কোলাওল তায় ।
 ফুল চিক-হার দিলেন গলায় ॥
 কুসুমের সিঁগি নাক্দিয়া নাগর ।
 মুকট দিলেন তাহার উপর ॥
 ফুল-কাঞ্চীদাম নিতম্ব বেড়িয়া— ।
 পরাওল শ্যাম স্বরসে রসিয়া ॥
 ফুলের-নূপুর সমর্পিলা পাষ ।
 কুসুম-চুটকি অঙ্গুলে লাগায় ॥

তবে ফুলবস্ত্র আর ফুল তোড়া ।
 রাই করে দিলা শ্যাম মন-চোরা ॥
 ফুল সাজ হেরি শ্রীগতী রাধার ।
 আনন্দে মালিনী কহে বার বার ॥
 আমি কি তোমায় সাজাইতে পারি ।
 কৃপা করি নিজে সাজিলা পেয়ারি ? ॥
 কুসুম-কিশোরী শোভা দরশনে ।
 সখীগণ হাসে প্রেমানন্দ মনে ॥
 স্বপাতি সহিত দেবাজনাগণ ।
 বিমানে রহিয়া করে দরশন ॥
 ঝাঁকে ঝাঁকে আসি মত্ত-মধুকর ।
 সুধা লোভে পড়ে কিশোরী উপর ॥
 তবেত মালিনী কন ষোড়-করে ।
 পুষ্পাজলি দিব শ্রীচরণোপরে ॥
 পঞ্চ পুষ্পাজলি দিয়া রাজা পায় ।
 প্রাণ সমর্পিব,—কহিনু তোমায় ॥
 স্থূল-সূক্ষ্ম ভূত-জ্ঞান-কর্মেন্দ্রিয় ।
 রূপ রস আদি বিষয় অমীয় ॥
 এই পঞ্চ পুষ্পাজলি দিয়া পায় ।
 পরাণ অর্পিতে বাসনা হিয়ায় ॥
 দেহাদি অর্পণ তোমার চরণে ।
 শাস্তিসুখ সেই হরিণ-লোচনে ! ॥

এতেক কহিয়া মালিনী নাগর ।
 পুষ্পাঞ্জলি দেন রাই পদোপর ॥
 শ্রীমতী তখন বুঝিলা অস্তুরে ।
 মালিনী সাজিয়া শ্যাম এল ঘরে ॥
 মালিনীর রীতি হেরি সখীগণ ।
 বুঝিয়া দূরেতে করে পলায়ন ॥
 মালিনীর কর ধরি সহচরী ।
 প্রবেশ করেন মন্দির ভিতরি ॥
 পৰ্য্যঙ্ক-শয্যায় বসিএগ নাগরে ।
 প্রণমে কিশোরী শ্রীচরণ ধরে ॥
 নাগর তুলিয়া কোলেতে বসায় ।
 বদন চুম্বন আনন্দ হিয়ার ॥
 লাজ দিঠে পারী বঁধুমুখ চাই ।
 কন তুয়া সম দুটা আর নাই ॥
 কত সাজ বঁধো ! সাজিবারে পার ।
 তোমারে চিনিতে সাধ্য নাহি কার ।
 রঙ্গ ভঙ্গ ভাব ছলনা তোমার ।
 দেখিলে অস্তুর নাহি ভুলে কার
 কিশোরীর বাণী শুনিয়া নাগর ।
 কন রাই পাশ যুড়ি ছই কর ॥
 “আমি নৃলায়ন মূলকার্য্য তুমি ।
 আমি হে আকাশ রাই ! তুমি ভূমি

পাঁচ গুণ তোমা সদা বর্ডমান ।
 তার মধ্যে তিন গণিয়ে প্রধান ॥”
 তোমার লাগিয়া নানা সাজ সাজি ।
 তথাপিহ তুমি নহ মোরে রাজি ॥
 সে “দুর্জয়মান” হইলে স্মরণ ।
 অন্ধকারময় হেরি ত্রিভুবন ॥
 চির অনুগত দাস যেই জন ।
 তার প্রতি এত মান অকারণ—॥
 উচিত না হয় ত্রৈলোক্য-সুন্দরি ! ।
 নিবেদিবু এই শ্রীচরণ ধরি ॥
 বঁধুর বচন করিয়া শ্রবণ ।
 সকাতরে প্যারী করে নিবেদন ॥
 তোমার লাগিয়া গোকুলে বসতি ।
 তোমার লাগিয়া হইবু অসতী ॥
 তোমার লাগিয়া ধরম-করম ।
 সব তেয়গিনু কহিনু গরম ॥
 কুল-লাজ-ভয়ে দিয়া জলাঞ্জলি ।
 তোমার লাগিয়া কাঁদি বনমালি ! ॥
 কি আর বলিব তোমার চরণে ।
 তুমি গতি মোর জীবনে-মরণে ॥
 তোমার বিনোদে আমি বিনোদিনী ।
 তোমার সোহাগে আমি সোহাগিনী ॥

তোমার গরবে আমি গরবিনী ।
 তোমার মানেতে আমি যে মানিনী ॥
 তোমার আহ্লাদে আমি আহ্লাদিনী ।
 তোমার আনন্দে আমি আনন্দিনী
 তোমার রসেতে আমি রসিকিনী ।
 তোমার ভাবেতে আমি যে ভাবিনী ॥
 তোমার রাধনে আমি যে রাধিকা ।
 তুমি হে ! নায়ক আমি হে নায়িকা ॥
 তোমার সেবায় আমি হে ! সেবিকা ।
 তোমার প্রেমেতে আমি হে ! প্রেমিকা
 আমি দেহ তুমি প্রিয়-প্রাণধন ।
 রাতুল চরণে এই নিবেদন ॥
 শ্রীমতীর বাণী করিয়া শ্রবণ ।
 মদনে মাতিয়া নাগর তখন ॥
 উরসে রাখিয়া শ্রীমতী রাধায় ।
 সাধে নিজ কাজ শ্যাম-নটরায় ॥
 গোপনে রহিয়া কোন এক সখি ।
 হৃদ্যহাসে মালিনীর কাজ লখি ॥
 মালিনী সাজিয়া বিদগধ রাজ ।
 সাঁজের বেলায় সাধে নিজ কাজ ॥
 জয় জয় রাধাকৃষ্ণের মিলন ।
 বদন ভরিয়া বল ভক্তগণ ! ॥

মালিনী মিলন মোহন-শৃঙ্গার ।
 রসিক ভকতে করিলা প্রচার ॥
 প্রাকৃত শৃঙ্গার-রসিক যাহারা ।
 এ শৃঙ্গার রস না বুঝে তাহারা ॥
 এ বিপিন দাস হেন রস সার ।
 বুঝিতে না পারে কেমন প্রকার ॥ ১৭ ॥

মনের প্রতি ।

পঞ্চদশ মুহূর্ত্তেতে মালিনী-মিলন ॥
 ওরে মনঃ ! অনুদিন করহ স্মরণ ॥ ১৭ ॥

ফলশ্রুতি ।

সদগুরু চরণাশ্রয় করি যেইজন ।
 শ্রীরাধা-কৃষ্ণের এই “মধুর-মিলন”— ॥
 দিনমান পঞ্চদশ মুহূর্ত্ত সময়ে— ।
 পঠন-শ্রবণ করে প্রেমার্দ্ৰ হৃদয়ে ॥
 শ্রীরাধা-কৃষ্ণের নিধুবন লীলা সার ।
 নয়নে হেরয়ে সেই কি কহিব আর ॥
 কাম-পর-তন্ত্র জন “মধুর-মিলন” ।
 ভক্তিভাবে করে যদি পঠন-শ্রবণ ॥
 • হৃদয়স্থ কাম তার দূরীভূত হয় ।
 শ্রীশুকের বাক্য এই মিথ্যা কভু নয় ॥

অথবা প্রাকৃত! শ্রদ্ধা সহ যেইজন ।

নিত্য পড়ে শুনে এই “মধুর মিলন” ॥

হৃদয়স্থ কাম আদি হয় তার নাশ ।

শ্রীদশমে শুকদেব করেন প্রকাশ ॥

তথাহি শ্রীদশমে ।

বিক্রীড়িতং ব্রজবধূতিরদঞ্চ বিষ্ণোঃ

শ্রদ্ধাবিতাহনুশৃঙ্গাদ্য বর্ণয়েদ্যঃ ।

ভক্তিঃ পরাং ভগবতি প্রতিলভ্য কামং

হৃদ্রোগমাশ্বপহিনোত্যচিরেণ ধীরঃ ॥ ১ ॥

প্রভু দীননাথ সূত এবিপিন দাসে ।

“মধুর-মিলন” পাঠাদির ফল ভাসে ॥ ১ ॥

এস্থোভগবত্ ।

ওহে মধু প্রিয় চঞ্চরীক ভক্তগণ ! ।

অসন্মধু পান স্পৃহা আর কি কারণ ॥

নক্ষিকার ব্যভিচার দোষ নিবন্ধন ।

মধুকে সন্মধু বলি না করি গণন ॥

সর্বোত্তমোত্তম মধু “মধুর-মিলন” ।

আনুলোভানন্দে পান কর সর্বক্ষণ ॥

এস্থকারেণোক্তং ।

ন মধু মধু মন্তেসন্মক্ষিকা ব্যভিচারতঃ ।

শিবতু সন্মধু নিত্যং লোভান্নমধুর সঙ্গমঃ ॥ ১ ॥ ২ ।

আত্ম-পরিচয় ।

জয় জয় গুরুদেব প্রভু-যজ্ঞেশ্বর ।
 রজত-বরণ কান্তি দ্বিভুজ-সুন্দর ॥
 খেত-নীলাম্বর ধর, চন্দনে চর্চিত ।
 সূক্ষ্ম-শুক্ল পুষ্পমালা শ্রীকণ্ঠে শোভিত ॥
 পরমেশ-ভক্তরূপ দ্বিবিধ প্রকাশ ।
 কৃষ্ণ পূজ্য-পূজারত-কৃষ্ণ প্রভু-দাস ॥
 পরম করুণাময়, সেবক বৎসল ।
 সকাম-নিকাম ধর্ম সাধন সম্বল ॥
 জয় শ্রীচৈতন্য প্রভু নিত্যানন্দ-ধাম ।
 জয় গদাধর জয় নিত্যানন্দ-রাম ॥
 জয়দ্বৈতাচার্য্য জয় শ্রীবংশীবদন ।
 জয় রামচন্দ্র জয় শ্রীশচী-নন্দন ॥
 জয় গৌরভক্তগণ পতিত-পাবন ।
 ভুবন মঙ্গলময়, ভাব নিক্ষিপন ॥
 শ্রীবংশী বদনাজ্জ চৈতন্য-নিতাই ।
 চৈতন্য-নন্দন রাম-শচী দুই ভাই ॥
 রাম আর শচীরূপে শ্রীবংশীবদন— ।
 জন্ম লভি গোড়ে প্রকাশিলা বৃন্দাবন ॥
 ব্রহ্মা-বিষ্ণু-শিব দেবপূজ্য দেবত্রয় ।
 স্ব-স্ব অংশে হইলেন শ্রীশচী তনয় ॥

শ্রীরাজবল্লভ-শ্রীবল্লভ-শ্রীকেশব ।
 এই তিন প্রভু তিন দেবাংশ সম্ভব ॥
 অভিন্ন শ্রীরাম-শচী শ্রীবংশী প্রকাশ ।
 এ তত্ত্ব বুঝয়ে গৌরাজের প্রিয়দাস ॥
 প্রভু-নিত্যানন্দ শক্তি জাহ্নবী মাতার ।
 পালিত তনয়ানুগ রাম-শচী আর ॥
 শ্রীবল্লভাঙ্গ প্রভু শ্রীগোপাল কৃষ্ণ ।
 ব্রহ্মচর্য্য ব্রতনিষ্ঠ সদা কৃষ্ণাকৃষ্ণ ॥
 তাঁহার নন্দন দেব হরি নারায়ণ ।
 যাঁর পুত্র গদাধর বিখ্যাত ভুবন ॥
 গদাধর প্রিয়াঙ্গজ ভকতি রসাল—।
 দর্পনারায়ণাঈত আর প্রেমলাল ॥
 প্রভু দীননাথ দেব প্রেমলাল স্মৃত ।
 যাঁহার দাক্ষিণ্য-দিক্শ গুণ অদভূত ॥
 শ্রীরাধা-কৃষ্ণের চিত্র মধুর-মিলন—।
 চিস্তাশীল বংশী বংশোদ্ভব প্রভুগণ ॥
 কৰ্ম্ম মিশ্রা জ্ঞান মিশ্রা ভক্তি অনাদর
 বংশী বংশে নিত্য হয় নয়নগোচর ॥
 বংশী বংশ প্রভুগণে রাম কৃষ্ণাশ্রয়ে ।
 সৰ্ব্ব কৰ্ম্ম সাধে নিত্য আনন্দ হৃদয়ে ॥
 গৌরপ্রিয় সেই বংশী বংশ অবতংস ।
 মোর পিতা দীননাথ, সজ্জন প্রশংস ॥

মাতা মোর “নন্দমখী” নতী শিরোমণি ।
 রাম-কৃষ্ণ-পরায়ণা, দুঃখীর জননী ॥
 সপ্তদশ-দ্বিসপ্ততি শকের গণনে ।
 বুদ্ধকার-স্বাতিধাক্ষে-শ্রবণ নয়নে ॥
 শুচি-শুভ্রানবমীতে প্রদোষ সময় ।
 কর্কট লগ্নেতে ভবে মম জন্ম হয় ॥
 পরম আদরে দেব শ্রীপিতৃ চরণ ।
 “বিপিন বিহারি” নাম করেন রক্ষণ ॥
 মাতুরজ-পিতৃশুক্র পবিত্র প্রভায় ।
 জনম হইল মোর বৈষ্ণবী ধরায় ॥
 কি কব দুঃখের কথা নিজ কর্মদোষে ।
 জন্মাবধি পড়িলাম দেব-দ্বিজ-রোষে ॥
 আর দুঃখ কহিবারে বুক ফেটে যায় ।
 বাল্যে মাতা, যৌবনেতে জনক আশ্রয় ॥
 মায়াময় সংসারেতে একাকী রাখিয়া ।
 পরলোকে যাইলেন শ্রীহরি স্মরিয়া ॥
 বাল্যে মাতৃ আর যৌবনেতে পিতৃহীন ।
 নিজ কর্মদোষে হৈল অভাগ্য বিপিন ॥
 সেই হেতু কৃষ্ণভক্তি বিদ্যা উপার্জনে—
 বঞ্চিত হইয়া কৈনু অসদালিঙ্গনে ॥
 জনক-জননীহীন অকালে যে হয় ।
 নানাবিধ ক্লেশ তার অদৃষ্টে ঘটয় ॥

“দশমূলরস” গ্রন্থ “বৈষ্ণব-জীবনে ।
 এ সব বিস্তার ক্রমে করিহু বর্ণনে ॥
 প্রভু বংশী বংশ আর মম পরিচয় ।
 ঐছে গ্রন্থে সুবিস্তার প্রকাশ আছয় ॥
 এ সব কথায় আর নাহি প্রয়োজন ।
 অতি দুঃখে সমাপিহু “মধুর-মিলন” ॥
 ওহে প্রাণাধিক প্রিয় “মধুর-মিলন !” ।
 অতি ক্লেশে করিলাম তোমা সমাপন ॥
 আশা নাহি ছিল মনে তোমা হেন ধনে—।
 সম্পূর্ণ করিয়া সুখে হেরিব নয়নে ॥
 শ্রীরাধা গোবিন্দেষ্কণে সেই মন আশ— ।
 পরিপূর্ণ হৈল এবে, এ বড় উল্লাস ॥
 “বনদেবী-সঙ্গিলন” বর্ণন সময় ।
 সাজ্জাতিক রোগ “অংশ স্ফোটক” দুর্জয়—
 আক্রমি ফেলিল মোরে মরণ শয্যায় ।
 সে যন্ত্রণা কথা কিছু কহনে না যায় ॥
 সুশীলা-স্বধর্মরতা-সতীবিভূষণা ।
 গুরু-কৃষ্ণ-ভক্তিমতী-পতিপরায়ণা ॥
 কর কুলনারী-সর্বজন বিনোদিনী ।
 ধীরা-বুদ্ধিমতী অতি-মধুরভাষিনী ॥
 শ্রীহেমলিনী বালা মম শিষ্যা হয় ।
 পতি যার শ্রীরাধা গোবিন্দ গুণালয় ॥

শ্রীহেমলিনী বালা হৃদে সর্ববক্ষণ ।
 বিলাস করুন রাধা গোবিন্দ-চরণ ॥
 ভিষকেন্দ্র চূড়ামণি শ্রীরাধাগোবিন্দ ।
 যাঁর যশোগন্ধ বহে যিনি অরবিন্দ ॥
 ভারতের রীতি-নীতি রক্ষণ তৎপর ।
 য়েচ্ছদেশোদ্ভব দ্রব্যে সদা অনাদর ॥
 পরম উদারমতি দীনে দয়াবান ।
 সজ্জন-মণ্ডলী যাঁর গুণ করে গান ॥
 সম্যক মন্থণ চিত্ত কৃষ্ণে ঘনাদর ।
 মোর প্রতি পরমেষ্ঠ ভাব নিরন্তর ॥
 চিকিৎসা করেন মোরে সেই প্রিয়কর ।
 ঔষধাদি নিজ ব্যয়ে দেন নিরন্তর ॥
 মাসদ্বয় কাল মোরে যত্ন সহকারে ।
 চিকিৎসিয়া সুস্থকায় করেন এবারে ॥
 শ্রীরাধা-গোবিন্দেক্ষণ বিনা এ জীবন—।
 কাহার যত্নেতে নাহি হইত রক্ষণ ॥
 জীবন অবধি রাধাগোবিন্দ সকাশে ।
 ঋণী হইয়াছি আমি এ ভব আবাসে ॥
 স্নীয় সাধু গুণে রাধাগোবিন্দ আমারে ।
 ঋণাঋণ্য করি যেন স্বগুণ প্রচারে ॥
 শ্রীরাধামাধব শিষ্য শ্রীরাধা-রমণ ।
 শ্রীরাধা কিশোর ভ্রাতৃসহ সর্ববক্ষণ ॥

শ্রীরাধাগোবিন্দ যেন পরানন্দে রন ।
 রাম-কৃষ্ণ পাশ এই করিয়ে প্রার্থন ॥
 শ্রীরাধাগোবিন্দ রাধাগোবিন্দ অন্তরে—।
 বিলাস করুন নিত্য রাস রসভরে ॥ ৩ ॥

মধুর-মিলনার্পণ ।

অষ্টাদশ সপ্তবিংশ শকে শুভাশ্বিনে ।
 গুরুবার-মুলাধক্ষে উনবিংশ দিনে ॥
 প্রাণাধিক-প্রিয়তম “মধুর-মিলন” ।
 নিশায় গৌরান্ধ্রালায়ে হৈল সমাপন ॥
 দেব্যাগম দিন যেই অতি পুণ্যময় ।
 “মধুর-মিলন” সেই দিনে পূর্ণ হয় ॥
 আশা নাহি ছিল মনে “মধুর-মিলনে”—।
 সম্পূর্ণ করিয়া ইন্টে করিব অর্পণে ॥
 রাম-কৃষ্ণেচ্ছায় আশা হইল পূরণ ।
 তেত্রিঃ রামকৃষ্ণে গ্রন্থ করিনু অর্পণ ॥
 প্রসাদ মাগিয়া এবে রামকৃষ্ণ পাশে ।
 ভক্তে “ভেট” দিনু গ্রন্থ মনের উল্লাসে ॥ ৪ ॥

সিদ্ধভক্ত-শিষ্যাতির প্রতি ।

মন অস্তেবাসী শ্রীমহেন্দ্রলালাখ্যান ।
 প্রভু বংশী বংশ ধীর ভক্ত মতিমান ॥

বংশী বংশ্য হরিপদ গোস্বামী সুধীর ।
 গুরু কৃষ্ণ নিষেবণে মতি যাঁর স্থির ॥
 শ্রীভক্তি বিনোদোপাধি কায়স্থভূষণ ।
 শ্রীকেদারনাথ দত্ত-ভক্ত-বিচক্ষণ ॥
 বৈষ্ণবের-অগ্রগণ্য কেদার যেমন ।
 কেদার তরুণ প্রায়, কন ভক্তগণ ॥
 কেদারের গুণাবলী সজ্জন সভায়—।
 পরম আনন্দে সংকীর্ণিত হয় প্রায় ॥
 যথা সতী ভগবতী তথা ভগবতী—।
 পতিরতা পত্নী তাঁর অতি গুণবতী ॥
 গুরু কৃষ্ণে নিষ্ঠাভক্তি তাঁহার সমান ।
 রমণীকুলেতে অতি বিরল সন্ধান ॥
 মিত্রকুল ধুরন্ধর শ্রীমণি মাধব ।
 কৃষ্ণগুণ গানে যাঁর পরম উৎসব ॥
 “কাদম্বিনী” ভার্যা তাঁর সতী-ভক্তিমতী ।
 গুরু-কৃষ্ণ-পাদরতা-ধীরা-গুণবতী ॥
 শ্রীবন্ধবিহারি মিত্র-ভক্তমিত্রবর ।
 শ্রীকৃষ্ণপ্রবণচিত্ত ভক্তিরত্নাকর ॥
 তাঁর পত্নী মম শিষ্যা সৌদামিনী নাম ।
 সতীকুলভূষা, কৃষ্ণে মতি অবিশ্রাম ॥
 তদীয়া ননদী শ্রীরাখালদাসী নাম ।
 সাধবী ভক্তিমতী-ব্রজচিস্তা অদিরাম ॥

মধুর-মিলন ।

ভরদ্বাজ গোত্র বিপ্র এককড়ি নাম ।
যাঁহার হৃদয়সঙ্গে কৃষ্ণের বিশ্রাম ॥
মিত্র কুলোদ্ভবা নাম শ্রীকৃষ্ণরমণী ।
গুরু-কৃষ্ণরতা-সাক্ষীকুল-শিরোমণি ॥
তাঁহার অগ্রজাত্মজা মৃণালিনী নাম ।
সতীবরা নাম-পরা হৃদে রাধাশ্রাম ॥
শ্রীরাধাগোবিন্দ কর কৃষ্ণে ঘনাদর ।
কৃষ্ণলীলাঙ্কিত যাঁর ভবন ভিতর ॥
শ্রীহেমনলিনীবালা সাক্ষী পত্নী তাঁর ।
শ্রীগুরু-গোবিন্দে অবিচ্ছেদ মতি যাঁর ॥
শ্রীরাধামাধবপত্নী মোক্ষদাসুন্দরী ।
সতী ভক্তিমতী যথা মায়েশা শঙ্করী ॥
কেদারের জ্যেষ্ঠা কন্যা সৌদামিনী নাম
পতিপরা জিগোঁরাজে মতি অবিশ্রাম ॥
কায়স্থ বংশেতে জন্ম দত্ত নারায়ণ ।
সুশীল শ্রীগুরুপাদপদ্ম-পরায়ণ ।
বর্দ্ধকী বংশাবতংস-বৈষ্ণবপ্রবর ।
শ্রীবিহারিলাল রাম, সর্বগুণাকর ॥
ভাগবত-ভূষণাখ্যা উপাখ্যা সুন্দর ।
“মধুর-মিলনে” অতি প্রফুল্ল অন্তর ॥
পরম উদারমতি-দীনে দয়াবান ।
হৃদয়ে বিরাজে যাঁর বর্দ্ধমান-জ্ঞান ॥

“হরিভক্তি-তরঙ্গিণী” মুদ্রাক্ষণ ব্যয় ।
 অকাতরে মম করে সাদরে অর্পয় ॥
 “দশমূলরস” “গ্রন্থ” “বৈষ্ণব-জীবন ।”
 যাঁহার যত্নেতে দেখিলেন সর্ববজন ॥
 তাঁর পত্নী কুমুদিনী স্নানীলা-স্নানীরা ।
 পতি-বিশ্র-পদরতা কৃষ্ণে মতি স্থিরা ॥
 বুদ্ধিমতী-গুণবতী সতী বিভূষণা ।
 শ্রবণ-স্মরণ পরা নাম পরায়ণা ॥
 ত্রাত্যবৈষ্ণ-কুলোদ্ভব স্নানীর কুমার—।
 শ্রীদীনেন্দ্র নারায়ণ রায় গুণাধার ॥
 মম প্রিয়, ভক্তানুগ কৃষ্ণৈক শরণ ।
 পর উপকারে রত সদা সর্ববক্ষণ ॥
 ভক্তিভ্রঞ্জেপাধি রাম সেবক আখ্যান ।
 যাঁহার হৃদয়ে রাধা-গোবিন্দাধিষ্ঠান ॥
 ত্রাত্য বৈষ্ণ কুলোদ্ভব শ্রীতুলসী দাস ।
 গুরুপাদপদ্মরত নামেতে উল্লাস ॥
 তাঁহার অনুজ ভক্ত হরেকৃষ্ণাখ্যান ।
 স্নানীর শ্রীগুরুনিষ্ঠ অতি গুণবান ॥
 সদার সহিত দুই ভাই অনুক্ষণ ।
 হৃদয়ে করেন ধ্যান শ্রীগুরু-চরণ ॥
 রাধাপ্রিয় সখী চিত্রা সম গুণবতী ।
 চিত্রাসখী নাম গুরু ভক্তিমতী-সতী ॥

মধুর-মিলন

সতী শৈলবালা যথা শৈলবালা তথা ।
হরিনাম-পরায়ণা-গুরুপদ রতা ॥
দূরে রহি ছুইজনে বৈষ্ণব পূজয় ।
অসঙ্গ ভাবেতে কৃষ্ণ ভজন করয় ॥
ভক্তি রত্নোপাধি শ্রীকেশব চন্দ্র নাম ।
যাঁহার হৃদয়ে রাম কৃষ্ণের বিশ্রাম ॥
তদীয়ান্তোবাসী শ্রীমশোদালালাখ্যান ।
গুরু-হরি পদ রত ধীর গুণবান ॥
শ্রীকেশব চন্দ্রানুজ হরি অভিধান ।
হরিগুণ গাণাভিজ্ঞ-ধীর মতিমান ॥
পণ্ডিত শ্রীঅমরেন্দ্র সোম ভক্তবর ।
গুরুসেবা-পরায়ণ ভক্ত অনুচর ॥
এই সব স্নিগ্ধ ভক্ত মমানুগ গণ ।
আস্বাদন করু নিত্য “মধুর-মিলন” ॥
স্নিগ্ধভাব অনভিজ্ঞ ভক্ত শিষ্যগণে ।
ক্রমে অধিকার পাবে “মধুর-মিলনে” ॥
স্নিগ্ধভাব বিনা এই “মধুর-মিলন”—।
আস্বাদনে অধিকার নাহি কদাচন ॥ ৫ ॥

শ্রীমৎপ্রভু বংশীবদনান্বয়গণ প্রতি ।

শ্রীশ্রীপাট বাঘাপাড়া-ব্যাত্রপাদারণ্য ।

যথা শোভে রাম-কৃষ্ণ সরব শরণ্য ॥

তথা অধিষ্ঠিত যত প্রভুপাদগণ ।
 “মধুর-মিলন” তাঁরা করুন স্বাদন ॥
 বৈঁচি-রাধাকান্তপুরবাসী প্রভুগণে ।
 পিরীতি করুন নিত্য “মধুর-মিলনে” ॥ ৬ ॥
 শ্রীবংশীবদন শাখানুশাখা প্রতি ।
 দক্ষিণাদি দেশবাসী বংশীশাখাগণ ।
 তাঁহাদের শাখা যত আছে নিরূপণ ॥
 সবাই আনন্দ মনে “মধুর-মিলন” ।
 অনুদিনাসঙ্গে করু পঠন-শ্রবণ ॥ ৭ ॥

শ্রীবংশীবদনপৌত্র শ্রীগংপ্রভু রামচন্দ্র
 গোস্বামির শাখানুশাখা প্রতি ।
 পশ্চিম-রাঢ়াদি বাসী রামশাখা যত ।
 তাঁহাদের শাখা দেবী জাহ্নবানুগত ॥
 “মধুর-মিলন” গ্রন্থ সেই সবাকার—।
 নিশ্চল হৃদয়ে করু আনন্দ বিস্তার ॥
 রসিক ভক্তের এই “মধুর-মিলন” ।
 “স্মরণ-মঙ্গল” রূপ-হৃদয়ের ধন ॥ ৮ ॥

ভক্তগণ প্রতি ।

‘ রসিকানন্দদ “দিবা মধুর-মিলন” ।
 বিস্তার না করিলেন পূর্ব কবিগণ ॥

গৌরাজ কৃপায় আমি করিষু বিস্তার ।
 ইথে কিছু অপরাধ না হউ আমার ॥
 “মধুর-মিলন” কাব্য করিয়া দর্শন ।
 শুচি-রসাত্মক বঙ্গ-ছন্দ কাব্যগণ— ॥
 রসিক সমিতি ছাড়ি স্ব-স্ব পিতৃ-অঙ্কে ।
 ক্রন্দন করুক খেদ-সরম-আতঙ্কে ॥
 শ্রীরাধাকৃষ্ণের এই “মধুর-সঙ্গম ।”
 “মধুর-মিলন” কাব্য সর্ব কাব্যোত্তম ॥
 ওহে প্রিয় ভক্তগণ ! এই নিবেদন ।
 স্ব-স্ব অধিকার-ভাব করিয়া স্মরণ— ॥
 “স্মরণ-মঞ্জল” এই “মধুর-মিলন” ।
 পরম পিরীতি সহ করুন পঠন ॥
 রসিক ভক্তের ধন “মধুর-মিলন” ।
 অধিকারি নহে ইথে কৰ্ম্মী-জ্ঞানী গণ ॥
 কৰ্ম্মী-জ্ঞানী-বিধিতক্ৰ “মধুর-মিলনে” ।
 বঞ্চিত হইয়া আছে বিধি বিভ্রমণে ॥ ৯ ॥

পরলোকগত মৎপূজনীয়গণ এবং ভক্তত্ৰয় প্রতি

বংশী বংশ মম গুরু প্রভু যজ্ঞেশ্বর ।
 যাহার মহত্ব-তত্ত্ব লোক অগোচর ॥

মম গুরুপত্নী দেবী ভুবনমোহিনী ।
 কৃষ্ণসেবা পরা মহালক্ষ্মী স্বরূপিণী ॥
 বংশী বংশ অবতংস প্রভু প্রেমলাল ।
 মম পিতামহ ভক্ত রসিক-রসাল ॥
 মম পিতামহী দেবী শ্রীঅনঙ্গমণি ।
 কৃষ্ণসেবা রতা নারীকুল শিরোমণি ॥
 মম জ্যেষ্ঠতাত প্রভু বনমালী নাম ।
 ঘাঁহার হৃদয়ে সদা কৃষ্ণ-বলরাম ॥
 মম পিতৃদেব প্রভু দীননাথখ্যান ।
 ঘাঁহার হৃদয়ে রাম-কৃষ্ণ অধিষ্ঠান ॥
 জ্যেষ্ঠতাত পত্নী দেবী-দুর্গামণি নাম ।
 ঘাঁর হৃদিপদ্মে রাম-কৃষ্ণের বিশ্রাম ॥
 প্রভু দীননাথ পত্নী জননী আগার ।
 “নন্দমতী ঠাকুরাণী” অভিধা ঘাঁহার ॥
 রাম-কৃষ্ণ-পাদপদ্ম রতা পতিপরা ।
 সুশীলা-সুধীরা-বালা সতীকুলবরা ॥
 পরলোকগত এই পূজনীয়গণে ।
 পরিতুষ্ট হোন এই “মধুর-মিলনে” ॥
 নাম-প্রেম-ভক্তিসিদ্ধ ভগবান দাস ।
 গৌর নিত্যানন্দ প্রিয়াশ্রিকা পাটে বাস ॥
 ঘাঁহার যত্নেতে মোর প্রেমাশ্রু দর্শন ।
 প্রীতিদ হউক তাঁর “মধুর-মিলন” ॥

শ্রীগুরু গৌরান্ধনিষ্ঠ হরেকৃষ্ণ দাস ।
 কৃষ্ণনাম-লীলা গুণ গানেতে উল্লাস ॥
 অতিশয় প্রিয় গৌর-গোপীনাথানন্দ ।
 কল্যাণ করুন তার “মধুর-মিলন” ॥
 ভাগবতভূষণাখ্যা দাস শ্রীমাখন ।
 উত্তরলোকেতে গ্রন্থ করুক দর্শন ॥ ১০ ॥

মৎস্নেহাম্পদাগণ প্রতি ।

মোর জ্যেষ্ঠতাত স্নত বধু-কুমুদিনী ।
 রাম-কৃষ্ণ-পাদপদ্ম চিস্তামুশালিনী ॥
 মম পত্নী ভক্তিমতী শ্রীকৃষ্ণকামিনী ।
 পুত্র-কন্যা-স্নেহবতী সেবক-পালিনী ॥
 মম প্রিয়ানুজা দেবী প্রভাত-কুমারী ।
 যাহার অস্তরে সদা রাম-বংশীধারী ॥
 মম ভার্য্যানুজা কাস্তমণি নাম হয় ।
 গৌরদেবা ফলে যার ভক্তির উদয় ॥
 মম পুত্র কন্যাতির স্নেহময়ী ধাত্রী ।
 থাকমণি নাম মম পত্নী প্রিয়পাত্রী ॥
 রামকৃষ্ণ সেবা রতা এই নারীগণে ।
 সন্তুষ্ট হউক এই “মধুর-মিলনে” ॥
 মম পুত্র-পৌত্র আর দৌহিত্রেয় গণ ।
 সময়ে আশ্বাদে যেন “মধুর-মিলন” ॥ ১১ ॥

শ্রীবাখাগীচরণে নিবেদন ।

ওগো মা ! জননি ! বাণি ! তব শ্রীচরণে ।
 দস্তে তৃণ ধরি এই করি নিবেদনে ॥
 ভ্রমপূর্ণ বজ্রসম কঠিন বচনে—।
 বহু দুঃখ দিয়াছি মা ! তব দিক্ মনে ॥
 সেই সব অপরাধ ক্ষম ? মা ! আমার ।
 জন্মান্তরে দেখা যেন পাইগো তোমার ॥
 মধুর হইতে মধু “মধুর-মিলনে” ।
 পরিতুষ্ট হ’য়ে হের প্রসন্ন নয়নে ॥
 মম পুত্র আদি যেন তোমার চরণ ।
 জীব কালাবধি স্মৃতে করে নিবেদন ॥
 পুণ্যক্ষেত্র রত্নপ্রসূ-ভারতে যাহারা ।
 তব পদ নাহি সেবে জীবন্মৃত তারা ॥
 ওগো কৃপাময়ি ! কৃপা করি বিতরণ ।
 জন্মান্তরে মম কণ্ঠে করিহ গমন ॥
 কত আর নিবেদিব ও রাজা চরণে ।
 পরিতুষ্ট হও মাতঃ ! “মধুর-মিলনে” ॥ ১২ ॥

লেখনী প্রতি ।

হে লেখনি ! আজ তোমা করিয়া চুম্বন ।
 প্রিয় পুত্রাদির করে করিনু অর্পণ ॥

লেখনী-পুস্তিকা-বালা পর করার্পণে ।

নষ্টা-ভ্রষ্টা-বিগর্দিতা হয় অপালনে ॥

পুনঃ পাইবার আশা প্রায় নাহি রয় ।

এ লাগি পরের করে দান ভাল নয় ॥

“লেখনী পুস্তিকা বালা পরহস্তা গতাগতাঃ ।

আগতা দৈবযোগেন নষ্টা ভ্রষ্টা চ মর্দিতাঃ ॥” ১ ॥

হে লেখনি ! এ জনমে মম করাধারে—।

আর নাহি এস ? এই কহি বারে বারে ॥

হে কান্তে ! সরলে ! পুনঃ করি নিবেদন ।

জন্মান্তরে মম করে কোর আগমন ॥

অষ্টচছারিংশবর্ষ মম করাধারে ।

জ্বালাতন হ’লে প্রিয়ে ! অনেক প্রকারে ॥

“মধুর-মিলন” রস করি আশ্বাদন ।

ওহে কান্তে ! সেই জ্বালা কর নিবারণ ॥

কিভাবে রাখিবে তোমা পুত্রাদি সকলে ।

গোবিন্দ জানেন তাহা, অথলে ! অবলে ! ॥১৩॥

মস্তাধার প্রতি ।

ওহে প্রিয় মস্তাধার ! করি নিবেদন ।

মম আঁখিপথ ছাড়ি করহ গমন ॥

বহুদিন জ্বালাতন করিখু তোমারে ।

ক্ষমা কর সেই দোষ কহি বারে বারে ॥

ভগ্নভয়ে এবে তোমা পুত্রাদির করে ।
 সমর্পণ করিলাম পরম আদরে ॥
 অবশেষ রস এই “মধুর-মিলন” ।
 আশ্বাদিয়া সুখে রহ পুত্রাদি সদন ॥
 “দুর্গন্ধাহঃস্তানমসি” দ্বারা তোমা ধনে—।
 পূর্ণ যেন নাহি করে মো-পুত্রাদিগণে ॥
 ওহে প্রিয় মস্তাধার ! মম জন্মান্তরে ।
 কৃপা করি দেখা দিও ? কহিনু কাতরে ॥ ১৪ ॥

লেখ্যপত্র প্রতি ।

ওহে প্রিয় লেখ্যপত্র ! করি নিবেদন ।
 মম কর ছাড়ি এব্ করহ গমন ॥
 ছিন্ন করিয়াছি তোমা অনেক প্রকারে ।
 ক্ষম সে অজ্ঞতা দোষ ? কহি বারে বারে ॥
 ছিন্ন ভয়ে আজি তোমা পুত্রাদির করে—।
 সমর্পণ করিলাম পরম আদরে ॥
 এবে অঙ্গ স্নিগ্ধ করি “মধুর-মিলনে” ।
 জন্মান্তরে মম করে কোর আগমনে ॥ ১৫ ॥

মম জীবনের প্রতি ।

হে জীবন ! করযোড়ে কহি বার বার ।
 প্রপঞ্চ বিলাস স্পৃহা কর পরিহার ॥

প্রপঞ্চ বিলাসে কেন হইছ মগন ।
 প্রপঞ্চ বিলাস-সুখ পতন কারণ ॥
 প্রপঞ্চ বিলাসে থুথু করিয়া প্রদান ।
 মধুর-মিলনাস্বাদে হও যত্নবান ॥
 শ্রীরাধাকৃষ্ণের এই “মধুর-মিলন ।”
 চিদানন্দ-বৃন্দাবনে কর আশ্বাদন ॥
 হে প্রিয় জীবন ! যদি ধন্য হইবারে— ।
 বাসনা থাকয়ে তব প্রপঞ্চ সংসারে ॥
 তবে নিত্য চিদানন্দরস-বৃন্দাবনে— ।
 মধুর-মিলনাসঙ্গে কর আশ্বাদনে ॥
 যে জীবন আশ্বাদয়ে “মধুর-মিলন ।”
 সে জীবন ধন্য ! ধন্য ! ধন্য ! সর্বলক্ষণ ॥

মমাক্ষেপোক্তি ।

ঘোর কলি তাহে মোর ইন্দ্রিয় প্রবল ।
 ভক্তিপথে কাঁটা দিল মীমাংসক দল ॥
 কোথা যাই কিবা করি নারি বুঝিবারে ।
 যাহারে শুধাব ইহা সে সংসার পারে ॥
 সে প্রেম বিপণি আর কোন দিকে নাই ।
 হাহাকার সর্বদিক দেখিবারে পাই ॥
 এ বিপদে রক্ষা কর রাম ! কৃষ্ণ ! মোরৈ ।
 তোমা ছুই বিনা গতি নাহি ভবঘোরে ॥

“মধুর-মিলনে” শান্তিসুখ লাভ করি ।
 ভাবপর হই যেন তোমা ছুই স্মরি ॥
 হেনকালে হেন শান্তি সুখআশা মনে ।
 উন্মত্ত ব্যতীত নাহি করে অন্য জনে ॥
 ভবের অশান্তি আর সহ্য নাহি যায় ।
 কৃপা কর রাম ! কৃষ্ণ ! নিবেদিষু পায় ॥ ১৭ ॥

• আমার বিদায় ।

হে জননি ! জন্মভূমি ! জনক ! আমার ।
 বিদায় মাগিয়ে এবে চরণে সবার ॥
 তোমাদের স্নেহঋণ শোধ করিবারে ।
 কোন বস্তু নাহি দেখি অবনী মাঝারে ॥
 কি দিয়া শুধিব স্নেহঋণ সবাংকার ।
 হৃদয়ে ভাবিয়া তার নাহি পাই পার ॥
 “স্বর্গাদপি গরীয়সী” তোমরা আমার ।
 অহো ! তোমাদের স্নেহ কিবা চমৎকার ॥
 কাব্য কহে কাস্তা স্নেহ সর্বোপরি হয় ।
 আমি কহি কভু তাহা নয় নয় নয় ॥
 তোমাদের স্নেহ সম স্নেহ নাহি আর ।
 আশ্বাদনকারী জানে অপূর্বতা যার ॥
 হে জননি ! জন্মভূমি ! জনক ! আমার ।
 বিদায়ের কালে দেখা দাও একবার ॥

আঁখিনীরে তোমাদের কমল চরণ—।
 অভিবিল্ব করি এই জনম মতন—॥
 বিদায় মাগিয়া যাই কালের কবলে ।
 আমারে ডাকিছে কাল আয় আয় বলে ॥
 যদিও স্থবিরাবস্থা হ'য়েছে আমার ।
 তথাপি কোলের ছেলে তোমা সবাঁকার ॥
 জাত আশা মাতৃঅঙ্কে করি শিরার্পণ ।
 সম্মুখে হেরিয়া পিতৃদেবের চরণ—॥
 রাম-কৃষ্ণে হৃদিপদ্মে করিয়া স্মরণ ।
 জনম-ভূমিতে প্রাণ করিব বর্জ্জন ॥
 হায় ! অদৃষ্টের ফলে এ আশা আগার ।
 আগেই বিচ্ছিন্ন হৈল কি কহিব আর ॥
 হে পিতঃ ! হে মাতঃ ! এবে আমার মরণে
 কে আর কাঁদিলে শোকে ডুবনে ভবনে ॥
 বহির্ভাবে শোক-কান্না হবে একবার ।
 কলি সংসারের এই গতি চমৎকার ॥
 হে জননি ! জন্মভূমি ! জনক ! আমার ।
 বিপিন বিদায় মাগে চরণে সবার ॥ ১৮ ॥

মম জীবনের শেষ ব্রত ।

পঞ্চবর্ষ বয়োকাল হইতে সংসারে ।
 বহুব্রত করিলাম বহু উপচারে ॥

সদসন্তোজ্যাদি দান সদসজ্জনারে ।
 সদসন্তাবেতে করিয়াছি বর্ণাকারে ॥
 ক্ষুদ্রভাবে ক্ষুদ্র ক্ষুদ্র ত্রত অনুষ্ঠান—।
 নানামতে করিয়াছি যথা মম জ্ঞান ॥
 “শ্রীশ্রীহরিনামামৃতসিন্ধু” “বংশীশিক্ষা ।”
 “হরিভক্তি-তরঙ্গিণী” যায় কৃষ্ণদীক্ষা ॥
 “দশমূলরস গ্রন্থ বৈষ্ণব-জীবন ।”
 এই চারি বৃহদ্রত করি সমাপন—॥
 হরিপর বিপ্র, শিষ্য কৃষ্ণভক্ত মনে ।
 চরম আনন্দ নাহি হেরিনু নয়নে ॥
 সেই দুঃখে শেষত্রত “মধুর-মিলন” ।
 মধুময় উপচারে কৈনু সমাপন ॥
 ভুজঙ্গপ্রয়াত আদি নানাবিধ ছন্দ ।
 “মধুর-মিলন” ত্রতে মন্ত্র অনুবন্ধ ॥
 ঋত্বিক হৃদয়স্থিত শ্রীগুরু ইহার ।
 দর্শক রসিকগণ করিনু বিস্তার ॥
 মধু মন্ত্র উপচারে ত্রত শেষ করি ।
 ইচ্চে সমর্পিণু ত্রতফল শিরে ধরি ॥
 প্রসাদ মাগিয়া প্রিয় ইচ্চ সন্নিধানে— ।
 কৃষ্ণপর বিপ্র-ভক্তে করিয়া আস্থানে— ॥
 শ্রীমহাপ্রসাদ এই “মধুর-মিলন” ।
 পরম আনন্দ মনে করিনু অর্পণ ॥

কৃষ্ণনিষ্ঠ বিপ্র,--কৃষ্ণভক্ত গণানন্দ— ।

মম মহানন্দ হেতু,—এই হৃদিছন্দ ॥

মধু, মধু, মধুমন্ত্রে “মধুর-মিলন” ।

সম্পূর্ণ হইল, “হরি” বল তন্তুগণ ॥

“মধুরেণ সমাপয়ে”দিতি শাস্ত্রে কন ।

শেষত্রত তেত্রিঃ মম “মধুর-মিলন” ॥ ১৯ ॥

ওঁ মধু ! ওঁ মধু ! ওঁ মধু ! হরিঃ ওঁ !

ইতি শ্রীশ্রীমদেগোৱাজ প্রিয়পার্ষদ কুলীনকুলধুরস্কর-চট্টবংশ

প্রদীপ-বিদম্বচূড়ামণি-কবির শ্রীশ্রীমদ্বংশীবদন প্রভু

বংশাবতংস-শ্রীশ্রীরামকৃষ্ণচরণসরোজচক্ষুরীক

শ্রীশ্রীমদীন নাথ গোস্বামি প্রভু স্মৃত-বৈষ্ণব-

জনকিস্কর শ্রীবিপিন বিহারি গোস্বামি-

বিরচিত

“মধুর-মিলন” সম্পূর্ণ ।

শ্রীশ্রীরামকৃষ্ণ জয়ত

বিজ্ঞাপন ।

প্রভুপাদ শ্রীবিপিনবিহারি গোস্বামি-কৃত বৈষ্ণব গ্রন্থাবলী ।

শ্রী শ্রীহরিভক্তি-তরঙ্গিণী ।

যদি সপ্রমাণ ও সবিস্তার শ্রীশ্রীহরিভক্তের দৈনন্দিন-নিত্য-
নৈমিত্তিক কর্তব্য সমূহ প্রয়োজন বিশ্লেষণ পূর্বক পুঙ্খানুপুঙ্খরূপে
অবগত হইতে ইচ্ছা করেন, তবে ঐ গ্রন্থ পাঠ করুন। উহাতে
প্রতিপাদ্য বিষয় সকল অতিপ্রাঞ্জল সংস্কৃতপদ বক্ষে বিরচিত এবং
সমগ্র শাস্ত্রসাগর মহন করিয়া উদ্ধৃত, প্রমাণ রত্ননিচয়ে অলঙ্কৃত।
সংস্কৃতানভিজ্ঞ পাঠকগণের সুবিধার জন্য মূলগ্রন্থ স্থলানিত
বঙ্গানুবাদ সহ মুদ্রিত। মূল্য ১১০ টাকা। বাঁধা ১৮০ সিকা।
ভিঃ পিঃ ব্যয় স্বতন্ত্র।

দশমূলরস-বৈষ্ণবজীবন ।

যদি ভক্তি রাজ্যে সেবা সেবকের গুঢ় সম্বন্ধ-তত্ত্বসুধা পান
করিবার বাসনা থাকে, তবে ১২৬২ পৃষ্ঠায় সম্পূর্ণ ঐ গ্রন্থ গ্রহণ
করিয়া চরিতার্থ হউন। দেখিবেন, জটিল বিরস দার্শনিক বিষয়
সকল গ্রন্থকার নবীন কোমল বঙ্গীয় পয়ারাদি ছন্দে সরল ভাবে
আলোচনা করিয়াছেন। বলা বাহুল্য, পাঠক প্রতিপদেই ভূরি
ভূরি মূল শাস্ত্রীয় প্রমাণ দর্শন করিয়া পুলকিত হইবেন। বৈষ্ণব-
শাস্ত্রসম্মত জীবনোপদেশাদি তত্ত্ব নির্ণয়ের গ্রন্থ এরূপ বঙ্গভাষায় আর

দ্বিতীয় নাই। মূল্য ৩০০ টাকা। বাঁধা ৩৫০ টাকা। ত্রিঃ
পিঃ ব্যয় স্তম্ভ।

যিনি আগামী ৬ শারদীয় পূজার মধ্যে উল্লিখিত ছইখানি
গ্রন্থ একসঙ্গে লইবেন, তাঁহাকে গ্রন্থকারের ১০ টাকা প্রদানের বৃহৎ
“মধুর-মিলন” নামক গ্রন্থ উপহার দেওয়া যাইবে। উভয় গ্রন্থই
আনন্দবাজার, বঙ্গমতী, বঙ্গবাসী, পল্লীবাসী, সৃজনভোষিনী, নিবেদন
প্রভৃতি সংবাদপত্রে অকুণ্ঠভাবে প্রশংসিত। গ্রন্থ প্রাপ্তির জন্য
টাকা ও পত্রাদি অধ্যাপক শ্রীযুক্ত ভাগবত কুমার শাস্ত্রী এম, এর
নিকট কলিকাতা, কুমারটুলী ২৮ নং বনমালী সরকারের ষ্ট্রীট,
শ্রীশ্রীমহাপ্রভুর ভবনের ঠিকানায় অথবা কলিকাতা মণিকতলা
ষ্ট্রীট, ১৮১ নং ভবনে শ্রীযুক্ত রাধিকানাথ দত্ত এণ্ড কোম্পানীর
নিকটে পাঠাইতে হইবে।

উল্লিখিত গ্রন্থত্রয় বিক্রয়প্রস্তুত আর্থের দ্বারা সময়ে সময়ে বৈকল্পিক
গ্রন্থ প্রকাশ হইবে।

শ্রীললিতারঞ্জন গোস্বামী।

কলিকাতা কুমারটুলী,

২৮ নং বনমালী সরকার ষ্ট্রীট।

•

•

